

ଯୋହନଙ୍କ ପ୍ରତି ପ୍ରକାଶିତ ବାକ୍ୟ **ଜୋହନତି ଉଣିଙ୍ଗ ପ୍ରକାଶିତ ବାକ୍ୟ** **ପ୍ରକାଶିତ ବାକ୍ୟ ବଇ ବିସୟତାନ୍ ଏସ** **ମାଟା**

ପ୍ରକାଶିତ ବାକ୍ୟ ପୁନି ନିୟମ୍ତି ସାରାସାରି ବଇ ଇକା । ଇକାବା ଜୋହନତି ମାଣାନ୍ ଜିସୁ କ୍ରିସ୍ତଦି ଜନମ୍ଦି ପାକାପାକି ୯୫ ବାସ୍ତେକ୍ତୁ ରାସାତାମାର୍ହାତ୍ ୧:୧ । ଖାନ୍ ଜୋହନ ସୁସମାଚାର୍ତ୍ତି ଖାଲେ ମୁନ୍ତ୍ରି ବଇଙ୍ଗ୍ ବା ରାସାତାମାର୍ହାନ୍ ଇୟାକେଙ୍ଗ୍ ଆଜିନେ ୧ ଜୋହନ, ୨ ଜୋହନ, ୩ ଜୋହନ । ଜୋହନ ଆମାଞ୍ଜାନିଙ୍ଗ୍ ଜିସୁ ନାଣ୍ଡ ଜିବନ୍ନୋଜି ମାର୍ହାନ୍ ଇଜି ନେସ୍ନାର୍ ଜୋହନ ୧୩:୨୩ । ଜୋହନ ଆଇସ୍ଲାଣ୍ଡଦି ପାମ୍ବସ୍ତୁ ମାନିଞ୍ଜାଲେ ରାସାତାମାର୍ଆନ୍, ଇରିଙ୍ଗ୍ ଜିସୁ କ୍ରିସ୍ତଦି ସୁସମାଚାର୍ ପ୍ରଚାର୍ କିନି ଉଣିଙ୍ଗ୍ ଖାନିଙ୍ଗ୍ ଆବେନ୍ନୁ ପୋକତା ମାର୍ହାତ୍ ୧:୯ ।

ଜିସୁଦି ଖାଜିନିଦିନ୍ତି ବେଡ଼ା ଲାକ୍ତୁ ମାନିଙ୍ଗ୍ ଜିସୁ କ୍ରିସ୍ତଦିମାନ୍ନୁ ବିସ୍ବାସ୍ ତେବାଦେଙ୍ଗ୍ ପଡ଼ାନି ଖାରିଙ୍ଗ୍ ସାହାସ୍ ନି ଆସା ସିନି ଉଣିଙ୍ଗ୍ ଜୋହନ ଇୟା ପ୍ରକାଶିତ ବାକ୍ୟ ରାସ୍ତାନ୍ ୧:୩; ୨୨:୭ । ଖାନ୍ ଝିଜୁ ବିସ୍ବାସି ମାରି ନେସ୍ନିଞ୍ଜାଜା ସାତ୍‌ଗୋଟା ମଣ୍ଡୁଲିଆଙ୍ଗ୍ ଇକା ରାସ୍ତାନ୍ ୨-୩ ଜୋହନ ଖାନି ରାସ୍ନିମାନ୍ନୁ ବାବବାଣି ୧:୩ ମାରି ଖାନ୍ ସୁତ୍ତୁମାନି ନାଣ୍ଡ ସିନାଦି ବିସୟତାନ୍ ରାସ୍ନାନ୍ । ଇକା ବଇତୁ ଏସ ବାଗ୍ତୁ ପାଡ଼ିଇ ବଇଦି ବାଗ୍ତି ଖାଲେ ସାମାନ୍ ତେବାତାମାନାତ୍, ଜିକରିୟ ୬:୧-୮ ଦୁ ସୁତ୍ତୁ । ମାରି ସାତ୍‌ଗୋଟା ମରି ନି ସାତ୍‌ଗୋଟା ତୁବାଇଙ୍ଗ୍ ଆମାକା ମାପୁରୁ ମିସରିୟରିଙ୍ଗ୍ କାସୁ ସିନି ଉଣିଙ୍ଗ୍ ଦଣ୍ଡ ପୋକ୍ନାନ୍ ଯାତ୍ରା ବଇ ୭:୯ ।

ପ୍ରକାଶିତ ବାକ୍ୟ ସାରାସାରି ମାଟା ଝେର୍ନାତ୍, ଜିସୁ ସାରାସାରି ଝେନ୍‌କା ଜିଣାନାନ୍ ମାରି ଆମାକାର୍ ଖାନିମାନ୍ନୁ ଆସା ଇଡ଼ନାର୍ ଖାର୍ ଝିଜୁଦିନ୍ ଖାନିଞ୍ଜାଲେ ତେବାନାର୍ । ଇୟା ବଇ ମିଙ୍ଗ୍ ଜାଗାର୍ତା

କିନାଡ଼ ମାରି ଆସା ସିନାପ୍ ଜେ, ଜିସୁ ମାରି ଦାପ୍ରେ ମାରିଡ଼େସି
ଝାଜିନାନ୍ ।

ଇୟା ବଇଦୁ ମାନି ଏସ ମୁକିୟ ବିସୟ

୧. ଜୋହନତି ଝେରନିକା ମାରି ଝାନି ବବିସଡ଼ ସୁଣିକା । ୧:୧-୨୦
୨. ଜିସୁ କ୍ରିସ୍ତଦିମାଣୁକୁ ସାଡ଼ଗୋଟା ମଣ୍ଡୁଲି ଉଣ୍ଡିଙ୍ଗ୍ ଜୋହନତି
କାବୁର୍ । ୧:୧-୩:୨୨
୩. ସାଡ଼ଗୋଟା ଅଦଲିଙ୍ଗ୍ ୪:୧-୮:୫, ସାଡ଼ଗୋଟା ମରିଙ୍ଗ୍,
ବିସୟତାନ୍ ଝେରନିକା । ୮:୬-୧୧:୧୯
୪. କଡ଼ର ମାରି ସାଡ଼ଗୋଟା ତାଲେକ୍ ଝାଜା ତରନିକାର ସାରାସ୍ତି
ଝାଲେ ଜୁଦ୍ । ୧୨:୧-୧୪:୨୦
୫. ସାଡ଼ଗୋଟା ରିସାଦି ଦୁବାଇଦି ବିସୟତାନ୍ ଝେରନିକା । ୧୫:୧-
୧୬:୧୮
୬. ମାପୁରୁ ମୁସକୁପୁରତୁ ଝାନି ସାଡ଼ୁଦିଙ୍ଗ୍ ଜିଣାନାନ୍ । ୧୭:୧-
୨୦:୧୫
୭. ପୁନି ମୁସକୁପୁର ମାରି ପୁନି ଦୁନିଆ । ୨୧:୧-୨୨:୨୧

^୧ ଆମାକା ଝିଜୁ ଦାପ୍ରେନେ ଗଟେଆଦେଙ୍ଗ୍ ସଲ୍‌ସିନାଡ଼, ମାପୁରୁ
ଜିସୁ କ୍ରିସ୍ତଦି ଲାକୁଡୁ ଝେରତିମାନି ତାନି ଉଡ଼ି ଦାଡ଼ି ଇୟା ବଇଦୁ
ରାସାତାମାନାଡ଼ । ଆୟାଝିଜୁ ବିସୟ ଝାନି ଦାସରିଙ୍ଗ୍ ଝେରନି
ଉଣ୍ଡିଙ୍ଗ୍ କ୍ରିସ୍ତ ଅରେନ୍ ମୁସକୁପୁରତି ଦୁଡ଼ତିଙ୍ଗ୍ ପୋକସି ଝାନି ଦାସ୍
ଜୋହନତିଙ୍ଗ୍ ଆକା ଝେରତାନ୍ ।

^୨ ମାରି ଜୋହନ ନିଜେ ଆମାକା ଝିଜୁ ସୁଡ଼ତୁ ମାନାନ୍, ଆକା
ଇବେନ୍ନୁ ଝେରତାମାନାନ୍ । ଇୟା ଦାଡ଼ିଦୁ ମାପୁରୁଦି ସାକ୍ୟ ମାରି ଜିସୁ
କ୍ରିସ୍ତଦି ମାଡ଼ାନ୍ ଝିଙ୍ଗ୍ ଡିମାନି ସଡ଼ କାବୁର୍ ରାସାତାମାନାଡ଼ ।

^୩ ଆମା ଲୋକ୍ ଇୟା ବଇ ପୋଡ଼ାନାନ୍ ମାରି ଆମାକାର
ଇବେନ୍ନୁ ଝିଙ୍ଗ୍ ଡିମାନି ବବିସ୍ୟଡ଼ମାଟା ଝେନଜି ତାନି ଆଦେସ୍ତାନ୍
ମାନାନାର୍, ଝାର୍ ଦନ୍ୟ, ଇରିଙ୍ଗ୍ ଆୟାଝିଜୁ ଗଟେଆନି ବେଡ଼ା ଲାକୁଡୁ
ଝାତାଡ଼ି !

ସାଡ଼ଗୋଟା ମଣ୍ଡୁଲିଙ୍ଗ୍ ନମସ୍କାର୍

୪ ☆ ଜୋହନ ଆସିଆ ଦେସ୍ତୁ ମାନି ସାତଗୋଟା ମଣ୍ଡଲିଙ୍ଗ ନା ନମସ୍କାର । ମାପୁରୁଦି ମାଣାନ୍ ଦୟା ନି ସାନ୍ତି ମି ମୁସକୁ ଆପିତ୍ । ଖାନିଦିନ୍ତୁ, ଆଗଡ଼ି ମାରି ଇଲେଇତି ଜିବନ୍ତି ମାପୁରୁ, ଖାନି ସିଂହାସନ୍ ଆଗଡ଼ିରି ସାତଗୋଟା ଆଡ଼ମେଙ୍ଗ୍ ।

୫ ମାରି ସାତିଖାରି ମାଣୁକୁ ଆଗଡ଼ି ନିଙ୍ଗିନିକା, ବିସ୍ବାସତି ସାକି ମାରି ଦୁନିଆ ରାଜାଦିରାଜା ଜିସୁ କ୍ରିସ୍ତଦି ଦୟା ମାରି ସାନ୍ତି ମି ମୁସକୁ ରାପିତ୍ । ଖାନ୍ ମାଙ୍ଗି ଜିବନ୍ନୋନାନ୍ ମାରି ଖାନି ସାତି ମାଣୁକୁ ମାଙ୍ଗି ପାପତାନ୍ ରକ୍ଷା କିତାମାନ୍ ।

୬ ☆ ମାରି ଖାନି ବୁବା ମାପୁରୁଦି ରାଜିଦୁ ସେବା କିନି ଉଣ୍ଡିଙ୍ଗ୍ ମାଙ୍ଗି ଉନ୍ତେ ଜାଜକ ଖାଜା କିତାମାନାନ୍ । ଝିଜେରେ ଗୌରବ୍ ମାରି ପରାକ୍ରମ ଝିଜୁଦିନ୍ ଜିସୁ କ୍ରିସ୍ତଦି ଆପିତ୍ ! ଆମେନ୍ ।

୭ ସୁତୁଦୁ, ☆ ଖାନ୍ ବାଦଡ଼ତାନ୍ ଖାଜିନାନ୍ ଦୁନିଆଦି ଲୋକୁ ଝିଜେରେ ଖାନିଙ୍ଗ୍ ସୁଣାର; ଇୟାଖାଜାନେ ଆମାକାର୍ ଖାନିଙ୍ଗ୍ ତାକତା ମାର୍ଆର୍, ଖାନ୍ ବା ଖାନିଙ୍ଗ୍ ସୁତୁଡ଼ି ତିଲାଜି ଆଡ଼ବାନାର୍ । ଇୟାଝିଜୁ ପୁରା ଗଟାନାଡ଼ ଆମେନ୍ ।

୮ ☆ ପ୍ରବୁ ସର୍ବସାକ୍ତିମାନ୍ ମାପୁରୁ ଇଜିନାନ୍, “ନାନ୍ ଆରାମ୍ ନି ସାରାସାରି,” ଖାନ୍ ସର୍ବଇଦିନ୍ତୁ ମାର୍ଆନ୍, ଇଲେଇବା ମାନାନ୍, ମାରି ବବିସଡ଼ୁ ଖାନାନ୍ ।

କ୍ରିସ୍ତ ତରାୟିଆତାନ୍

୯ ନାନ୍ ଜୋହନ, ମି ଅରେନ୍ ତଡ଼ାନ୍, ଜିସୁଦି ସିସୁ ଖାଜା ଖାନି ଦେସ୍ତି ଲୋକା ମୁସକୁ ଆଜିମାନି କାସ୍ତୁ ସାସ୍ତି ଖାଲେ ସାସ୍ କିନି ଉଣ୍ଡିଙ୍ଗ୍ ନାନ୍ ମି ଅରେନ୍ ମିସାତାମାନା । ଜିସୁ ଝେରତିମାନି ସଡ଼ ମାରି ମାପୁରୁଦି ସାକ୍ୟ ଝେରିନି ଉଣ୍ଡିଙ୍ଗ୍ ନାନ୍ ପାମ୍ ଦବ୍ତି ତଡ଼ତାରୋ ଅତାମାର୍ହାର୍ ।

୧୦ ନାନ୍ ପ୍ରବୁଦି ନାଣ୍ଡିଙ୍ଗ୍ ପବିତ୍ରଆମାଦୁ ପୁଟତାଡ଼ ମାରି ନା ଝେନ୍କା ବାଜା ମରି ଆଉଲି ଖାଜା ଉନ୍ତୁ ପେରି ବଲ୍ଲୁ ଝେନ୍ଥା ।

☆ ୧:୪ ପ୍ରକାଶିତ ୪:୫. ☆ ୧:୭ ପ୍ରକାଶିତ ୫:୧୦. ☆ ୧:୭ ମାତିଉ ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ ତେସଲନିକୟ ୪:୧୭; ଜୋହନ ୧୯:୩୪, ୩୭; ମାତିଉ ୨୪:୩୦.

☆ ୧:୮ ପ୍ରକାଶିତ ୨୨:୧୩.

୧୧ ଏନ୍ ଅରେନ୍ ନାଙ୍ଗ ଇର୍ହାନ, “ମିର୍ ଆମାକା ସୁଡ଼ିଜି ମାନିଦେର୍, ଆକା ଉନ୍ତ୍ରୁ ବଇଦୁ ରାସ୍‌ସୋ ଇଡୁଦୁ ମାରି ସାଡ଼ଗୋଟା ମଣ୍ଡଲିଙ୍ଗ, ଏପିସ୍, ସ୍ପୁଣ୍ଡା, ପର୍ଗମ, ତୁୟତିରା, ସାର୍ଜୀ, ଫିଲାଦେଲ୍‌ଫିଆ, ମାରି ଲାଅଦିକିଆଦି ମଣ୍ଡଲିଙ୍ଗ ଲାକ୍‌ତୁ ପୋକ୍‌ତୁ ।”

୧୨ ଏନ୍ ନା ଖାଲେ ଖାରଗିଜିନାନ୍, ସୁଡ଼ନ୍ତି ଉଣ୍ଡିଙ୍ଗ ନାନ୍ ଖେନ୍‌କା ମାରିଜିବେସ୍‌ସି ସୁଡ଼ତୁ, ସାଡ଼ଗୋଟା ବାଙ୍ଗାରାମ୍ ଦିଖେଙ୍ଗ୍,

୧୩ ମାରି ଆୟା ଦିଖେଙ୍ଗ୍ ନାଡ଼ମି ମନୁସ୍ୟପୁତ୍ରଦି ଖାଜା ଅରେନ୍ ଲୋକ୍ । ଖାନି ଆଙ୍ଗ ପାଦାମ୍ ସାନ୍ଦି ଆରାଜି ମାରି ଖାନି ବକାଦୁ ଉନ୍ତ୍ରୁ ବାଙ୍ଗାରାମତି ବେଲୁଟୁ ଦାନ୍ ତରଜିମାରାଡ଼ ।

୧୪ ଖାନି ତାଲାଦି କୁକୁଟି ବୁରୁବୁସା ନି ଅଡ଼ିନିକା ଖାଜା ଅଡ଼ିନିକା ମାରାଡ଼ ମାରି ଖାନି କାଣ୍ଡୁକ୍ ସିସୁ ଖାଜା କାସ୍‌ସିମାରେ ।

୧୫ ଖାନି ପାଦାମ୍‌କୁ ରୁଣ୍ଡି ସିସୁଦୁ ପୁରା ପିତଲକଂସ୍ ଖାଜା କାସ୍‌ସି ମାରାଡ଼ ମାରି ଖାନି ଖାରଗିନି ବଲୁ ଏରୁଖାଙ୍ଗିଜିନି ଖାଜା ଆଜିମାରାଡ଼ ।

୧୬ ଖାନି ଖାନି ଉଣିକିୟୁଦୁ ସାଡ଼ଗୋଟା ସୁକେଙ୍ଗ୍ ଆସ୍‌ତାମାରାନ୍ ମାରି ଖାନି ଖେୟୁଦାନ୍ ଉନ୍ତ୍ରୁ ସିକ୍‌ସିକା ରିୟାଙ୍ଗାଦାରାମାନି କାଣ୍ଡା ସୋସି ମାର୍ହାଡ଼ । ଖାନି ମକମ୍ ଖେଡେରି ଖେଡା ଖାଜା ଜାୟମାରାଡ଼ ।

୧୭ ☆ଖାନିଙ୍ଗ୍ ସୁଡ଼ତୁ ଦାପ୍ରେ ନାନ୍ ସାତି ଖାଜା ଖାନି ପାଦାମ୍ ଆଡ଼ଗି ମେଡେଡା । ଖାନି ଖାନି ଉଣି କିୟୁ ନା ମୁସୁକୁ ଇଡିଜି ଇର୍ହାନ, “ତିଲାମାଟ୍, ନାନ୍ ଆରାମ୍ ନି ସେସ୍ ।

୧୮ ନାନ୍ ନିଜେ ଜିତାମାନା; ସାତାମାର୍ହାର୍, ମାତର୍ ନାନ୍ ଇଲେଇ ଜୁଗ୍ ଜୁଗ୍ ଜିବନ୍ ତେବାନା । ସାନିକା ମାରି ପାତାଲ୍‌ତି କୁସିକାଣ୍ଡି ନା କିୟୁଦୁ ମାନାଡ଼ ।

୧୯ ଆଦେଙ୍ଗ୍ ନିନ୍ ଆମା ଖିଜୁ ବିସୟ୍ ସୁଡ଼ିଜିନିଦେର୍ ଏମେ ଖିଜୁ ବିସୟ୍ ଇଲେଇ ଗଟେଆଜିନାଡ଼ ମାରି ଆମାକା ଖିଜୁ ବବିସ୍ୟଡ଼ଦୁ ଗଟେଆନାଡ଼, ଆୟାଖିଜୁ ରାସ୍‌ସ ଇଡୁଦୁ ।

୨୦ ନା ଉଣିକିୟୁଦୁ ମାନି ସାଡ଼ଗୋଟା ସୁକେଙ୍ଗ୍ ମାରି ଇୟା ସାଡ଼ଗୋଟା ବାଙ୍ଗାରାମତି ଦିଖେଙ୍ଗ୍ ମାରଗିତିମାନି ମାଟା ଆଜିନାଡ଼,

ସୁକେଙ୍କ ସାତଗୋଟା ମଣ୍ଡଳିଦି ଦେବ ଦୁତ ମାରି ଦିହେଙ୍କ ସାତଗୋଟା ମଣ୍ଡଳିଙ୍କ ।”

୨

ଏପିସସ୍ ମଣ୍ଡଳି ଉଣ୍ଡିଙ୍କ କାବୁର୍

୧ ଏପିସ୍ ମଣ୍ଡଳିଦି ଦୁତଦି ଲାକୁଡୁ ରାସୁଡୁ : ଏମେଞ୍ଜାନି ଉଣିକିୟୁଦୁ ସାତଗୋଟା ସୁକେଙ୍କ ମାରି ଏନ୍ ସାତଗୋଟା ବାଙ୍ଗାଁରାମ୍ ଦିହେଙ୍କ ମାଣାନ୍‌କୁ ବାଟା କିନାନ୍, ଞାନି ଇୟା କାବୁର୍ ।

୨ ମି ପାଣିକିତିମାନିକା, ନାଣ୍ଡକାସୁ ପାଣି ମାରି ସାସ୍ତି ବିସୟ ନାନୁ ନେସ୍‌ନା । ନାନୁ ବା ନେସ୍‌ନା ଜେ, ନିନ୍‌ ତାଗ୍‌ଇପାଣିକିନିଞ୍ଜାରିଙ୍କ ସାସ୍ କିଦେଙ୍କ ଆଟ୍‌ଇ । ଏମେକାର୍ ପ୍ରେରିତ ସିସୁ ଇଜି ନିଜେଦି ପରିଚୟ ସିନାର୍, ସତ୍‌ତାନ୍ ସିସୁ ଆଏର୍, ପରିକା କିଜି ଞାରିଙ୍କ ମିଟ୍‌ଞ୍ଜେର୍‌ନିକାର୍ ଇଜି ନିନ୍ ପାରାମାଣ୍ କିତିମାନି ।

୩ ମାରି ନିନ୍ ସାସ୍ ଆସ୍‌ସି ମା ଉଣ୍ଡିଙ୍କ ଦୁଃଖକାସୁ ସାସ୍ କିତିମାନି ମାରି ନିରାସ୍ ଆଇ ।

୪ ମାତର୍ ନି ବିରୁଦ୍‌ତାନ୍ ନା ଇୟା ମାଟା ମାନାଡ୍ : ମିର୍ ଆଗ୍‌ଡି ଏଣ୍ଡେସ୍ ନାଙ୍ଗ୍ ଜିବନ୍‌ନୋଜି ମାରିଇଦେର୍, ଇଲେଇ ଆୟାଞ୍ଜା ମାରି ଜିବନ୍‌ନୋଇଦେର୍ ।

୫ ମିଦି ଏସା ଆଡିଗିଆତା ମାନାଡ୍, ସିନ୍ତା କିଦୁ । ପାପ୍‌ତାନ୍ ଡେସିଞ୍ଜାଜି ଆଗ୍‌ଡିରି ଞାଜା ସତ୍‌ପାଣି କିଦୁ । ଜଦି ପାପ୍‌ତାନ୍ ଡେସି ରେଇଦେର୍, ଆର୍‌ଡିଙ୍କ ନାନୁ ମି ଦିଞ୍ଜାଦିଙ୍କ ଆଇ ବାଡିଦୁ ଅନା ।

୬ ମାତର୍ ମି ଉଣ୍ଡିଙ୍କ ଉନ୍‌ଡି ବିସୟ ମାନାଡ୍ । ଆକା ଆଜିନାଡ୍, ମାପ୍ ନୀକଲାୟତିୟରି ଆମା ଞ୍ଜୁ ପାଣି କାଡିଜିନା, ନିନ୍ ବା ଆୟାଞ୍ଜୁ କାଡିଜିନି ।

୭ ☆ଞ୍ଜେନ୍‌ଡେଙ୍କ ଗିତଣି ମାରିଙ୍କ, ମଣ୍ଡଳିଆଙ୍କ ଉଣ୍ଡିଙ୍କ ପବିତ୍ରଆମା ଇନିକା ଇଜିନାଡ୍, ଞେନ୍‌ଡୁ !

ଏମେକାର୍ ଜିଣାନିକା ଲାବକିନାର୍, ନାନୁ ଞାରିଙ୍କ ମାପୁରୁଦି ମୁସ୍କୁପୁରତି ତଡିଦୁ ଆସ୍ତିମାନି ଜିବନ୍ ମାରାତି ପଲ୍ ତିନି ଉଣ୍ଡିଙ୍କ ଅଦିକାର୍ ସିନା ।

ସ୍ଵର୍ଣ୍ଣା ମଣ୍ଡଳି ଉଣ୍ଡିଙ୍ଗ କାବୁର

୮ ✱ ସ୍ଵର୍ଣ୍ଣାଦୁ ମାନି ମଣ୍ଡଳିଦି ଦୁଡ଼ିଦି ଲାକ୍ଷ୍ମୀ ରାସ୍ତା : ଏନ୍ ଆରାମ ନି ସାରାସାରିଝେନ୍‌କା ମାରି ଏନ୍ ସାତାନ୍‌ନୋ ଡେସି ଜିବନ୍ ଆତାନ୍, ଝାନି ଲାକ୍ଷ୍ମୀରାନ୍ ଇୟା କାବୁର :

୯ ମି ଦୁଃକ୍‌କାସ୍ତୁ ଝିନ୍ତୁ ନାନ୍ ନେସ୍‌ନା; ନାନ୍ତୁ ବା ନେସ୍‌ନା ଜେ, ମିର୍ କାକ୍ଷୁତ ଲୋକ୍ତୁ; ମାତର୍ ସତ୍‌ତାନ୍ ମିର୍ ମାଜନ୍ ଲୋକ୍ । ଏମେକାର୍ ନିଜେଦିଙ୍ଗ ଜିନ୍ତୁଦି ଇଜି ଇନାର୍, ମାତର୍ ସତ୍‌ତୁ ଜିନ୍ତୁଦିର୍ ଆଏର୍ ମାରି ଏମେକାର୍ ସୟତାନ୍‌ଦି ଝେନ୍‌କା ସନାର୍, ଝାର୍ ଏଣ୍ଡେସ୍ ମିଙ୍ଗ୍ ଅପମାନ୍ କିଜି ମାଟା ଆଜିନାର୍, ଆକା ନାନ୍ତୁ ନେସ୍‌ନା ।

୧୦ ମିର୍ ଏମେ ଝିନ୍ତୁ ଦୁଃକ୍‌କାସ୍ତୁ କିଦେଙ୍ଗ୍ ସଲିସିନିଦେର୍, ଆୟାଉଣ୍ଡିଙ୍ଗ୍ ତିଲାମାର୍ । ଝେନ୍‌ଡୁ ! ମି ମାଣ୍ଡୁକୁ ଏସ ଲୋକାଙ୍ଗ୍ ଜଇଲ୍‌ତୁ ନିରିସି କିଜି ସୟତାନ୍ ପରିକା କିନାଡ୍ । ମାତର୍ ମି ଇୟା କାସ୍ତୁକେବଲ୍ ସାଣେକ୍ ଦିନ୍‌ସାଦି ତେବାନାଡ୍ । ଇବେନ୍ତୁ ସାନିତାନିଙ୍ଗ୍ ତିୟେଲ୍ ମାରିଙ୍ଗ୍‌ବା, ନା ଉଣ୍ଡିଙ୍ଗ୍ ବିସ୍‌ବାସ୍ ତେବାତିଙ୍ଗ୍, ନାନ୍ତୁ ମିଙ୍ଗ୍ ଜିବନ୍‌ନାନି ଚପି ସିନା ।

୧୧ ✱ ଝେନ୍‌ଡେଙ୍ଗ୍ ଗିତଣି ମାରିଙ୍ଗ୍, ମଣ୍ଡଳିକାଙ୍ଗ୍ ମାପୁରୁଦି ଆମ୍ବା ଇନିକା ଇଜିନାଡ୍, ଝେନ୍‌ଡେରୁ ଏମେକାର୍ ଜିଣାଜି ଲାବକିନାର୍, ରିଜାସାନିକା ଝାରିଙ୍ଗ୍ ମୁର୍ତେଙ୍ଗ୍ ଆର୍‌ଏଡ୍ ।

ପର୍ଗମ ମଣ୍ଡଳି ଉଣ୍ଡିଙ୍ଗ କାବୁର

୧୨ ପର୍ଗମ ମଣ୍ଡଳିଦି ଦୁଡ଼ିଦି ଲାକ୍ଷ୍ମୀ ରାସ୍ତା : ଏମେଝାନି ଲାକ୍ଷ୍ମୀ ରିଆଙ୍ଗାଦାରାଦି କାଣ୍ଡା ମାନାଡ୍, ଝାନି ଇୟା କାବୁର ।

୧୩ ନାନ୍ତୁ ନେସ୍‌ନା, ମିର୍ ସୟତାନ୍‌ଦି ସିଂହାସନ୍ ଲାକ୍ଷ୍ମୀ ବାସାକିଜିନିଦେର୍ । ମାତର୍ ମିର୍ ନା ଉଣ୍ଡିଙ୍ଗ୍ ବିସ୍‌ବାସ୍, ଇୟାଝାଜାନେ ସୟତାନ୍ ବାସାକିନି ଜାଗାଦୁ ଏସ୍ତ୍ରିଝାଲେ ନା ଅରେନ୍ ବିସ୍‌ବାସ୍‌ତି ସାକିସିନି ଆନ୍ତିପାଦିଙ୍ଗ୍ ସାୟାମାର୍‌ଗା ଡାକ୍‌ତାର୍, ନାସ୍ତ୍ରିଝାଲେ ବା ମି ବିସ୍‌ବାସ୍ ଡିସ୍‌ଇମାରିଇଦେର୍ ।

୧୪ ମାତର୍ ନି ବିରୁଦ୍‌ତାନ୍ ନା ଏସ ବିସୟ ଇନିକା ମାନାଡ୍ । ଆବେନ୍ତୁ ମି ଝାଲେ ମାନି ଏସ ଲୋକ୍ତୁ, ବାଲାମଦି ସିକିୟାଦାନ୍

ବୁଲ୍ଲାସାଲା ଆଜିନାର । ବାଲାମ ପୁଜାସିନି ବଗ୍ ତିନ୍ତେଙ୍ଗ୍ ମାରି
ଦାରିପାଣି କିନି ଉଣ୍ଡିଙ୍ଗ୍ ଇସ୍ତାଏଲ୍ତି ଲୋକାଙ୍ଗ୍ ଝେର୍ନି ଉଣ୍ଡିଙ୍ଗ୍
ବାଲାକଦିଙ୍ଗ୍ ଅଜାକିତାମାରାନ ।

୧୫ ଟିକ୍ ଆୟାଞ୍ଜା ନୀକଲାୟତିୟରି ମାଟାଦି ଝେନ୍କା
ସୋଲ୍ଲସିମାନି ଲୋକୁ ମି ଲୋଇ ମାନାର ।

୧୬ ମି ପାପ୍ ଡିସ୍ତୁ; ସିଲେତିଙ୍ଗ୍ ନାନୁ ବେଗି ମି ଲାକୁତୁ ଖାଜି ନା
ଝେୟୁଦାନ୍ ସୋସିମାନି କାଣ୍ଡାଦାନ୍ ଆୟା ତଙ୍ଗାବ୍‌ଙ୍ଗା ବିରୁଦ୍‌ତାନ୍ ଜୁଦ୍
କିନା ।

୧୭ ☆ଏମେକାର୍ ଝେନି ଉଣ୍ଡିଙ୍ଗ୍ ଗିତଣି ମାନାଡ୍, ମଣ୍ଡୁଲିଙ୍ଗା ମାପୁରୁଦି
ଆମ୍ବା ଇନିକା ଇଜିନାଡ୍, ଆକା ଝେନ୍‌ଡୁ । “ଏମେକାର୍ ଜିଣାନିକା
ଲାବ କିନାର, ନାନୁ ଖାରିଙ୍ଗ୍ ଇଟ୍‌ତିମାନି ମାନ୍ନାଦାନ୍ ଏସ ସିନା । ଖାରି
ମାଣକୁ ଝିଜେରିଙ୍ଗ୍ ପୁନି ଦରୁ ରାସ୍‌ତିମାନି ଅଡିନି କାଲୁ ସିନା । ଆୟା
ପୁନି ଦରୁ ଇନିକା, କାଲୁଦିଙ୍ଗ୍ ମାନାନିକାନ୍ ଡିସ୍‌ତିଙ୍ଗ୍ ଆଇକାନ୍ ଏନ୍
ଆକା ନେସ୍‌ତେଙ୍ଗ୍ ଆଟ୍‌ଏର୍ ।”

ତୁୟତିରା ମଣ୍ଡୁଲି ଉଣ୍ଡିଙ୍ଗ୍ କାରୁର୍

୧୮ ତୁୟତିରା ମଣ୍ଡୁଲିଦି ଦୁଡ୍‌ଦି ଲାକୁତୁ ରାସ୍‌ତୁ : ଇୟା କାରୁର୍
ମାପୁରୁଦି ମାରିନ୍‌ଦି ଲାକୁତୁରାନ୍ ଖାତାମାନାଡ୍ । ଖାନି କାଣ୍ଡୁକୁ
କାସ୍‌ସିମାନି ସିସୁ ଖାଜା ମାରି ଖାନି ପାଦାମ୍ ଜାୟତି ପିତଲ୍ ଖାଜା ।

୧୯ ମି ପାଣିକିଡିକା, ମି ଜିବନ୍‌ନୋନିକା, ବିସ୍‌ବାସ୍ ମି ସେବା ପାଣି
ମାରି ସାସ୍ ନାନୁ ନେସ୍‌ନା ! ନାନୁ ବା ନେସ୍‌ନା ଜେ, ମିର୍ ପୁର୍ବେ
ଏମେକା କିଜିମାରିଇଦେର୍, ଇଲେଇ ତାନିମାଣ୍ଡୁକୁ ନାଣ୍ଡୁ କିଜିନିଦେର୍
।

୨୦ ମାତର୍ ନି ବିରୁଦ୍‌ତାନ୍ ନାନୁ କେବଲ୍ ନିସ ଇନିକା ମାନାଡ୍,
ମାପୁରୁଦି କାରୁରୁଅନିତାନି ଖାଜା ନିଜେଦି ପରିଚୟ ସିଜିମାନି
ଯେଜେବଲ୍ ଦର୍ଡି ଆଇମାଦିଙ୍ଗ୍ ନିନ୍ ଜିବନ୍‌ନୋନିକା ସିତିମାନି
। ବାବବାଦିନି ନା ଦାସ୍‌ରିଙ୍ଗ୍ ଦାରିପାଣି କିଦେଙ୍ଗ୍ ମାରି ଦିୟାମ୍‌କା
ଲାକୁତୁ ସିଆୟ୍‌ଆତିମାନି ବଗ୍ ତିନ୍ତେଙ୍ଗ୍ ସିକିୟା ସିଜି ଖାରିଙ୍ଗ୍
ଆଇସାରିଦୁ ପୋକ୍‌ସିନାଡ୍ ।

୨୧ ପାପଦାନ ଡେସିଝାନି ଉଣ୍ଡିଙ୍ଗ ନାନୁ ତାନିଙ୍ଗ ସମୟ ସିତାମାନା, ମାତର୍ ଝାଦ୍ ନିଜେଦି ଦାରିପାଣିଦିଙ୍ଗ ଡିସ୍ତେଙ୍ଗ ଇଛାକିଏଜିନାଡ୍ ।

୨୨ ଆଦେଙ୍ଗ ନାନୁ ତାନିଙ୍ଗ ମାରି ତାନି ଝାଲେ ଦାରିପାଣିଦୁ ମିସାତି ମାନି ଝିଜେରିଙ୍ଗ ଖାଟେଲ୍ଦୁ ତେର୍ପେନା ମାରି ଝାର୍ ବୟଙ୍ଗାର୍ କାସ୍ତୁ ଭୋଗ କିନାର୍ । ଜଦି ଝାର୍ ତାନି ଝାଲେ କିତିମାନି ଦାରିପାଣି ଉଣ୍ଡିଙ୍ଗ ଏଡ୍ କିଏର୍, ଆରଡିଙ୍ଗ ନାନୁ ଇକା ଏଣ୍ଡେସବା କିନା ।

୨୩ ତାନି ଝେନେକା ବୁଲାନିଝାରିଙ୍ଗ ବା ସାପିସ୍ କିନା, ଆରଡିଙ୍ଗ ମଣ୍ଡଲିଙ୍ଗ ଝିଜୁ ନେସ୍ତେଙ୍ଗ ଆଟ୍ନାର୍ ଜେ, ନାନ୍ ଜିବନ୍ତିକାଝିଜୁ ନେସ୍ନା, ଲୋକ୍ଦି ଝିଜୁ ଚିନ୍ତା ମାରି ପାଣି ନାନୁ ନେସ୍ତେଙ୍ଗ ଆଟ୍ନା । ମିର୍ ଝିଜେରେ ଆମାକା କିତିମାନିଦେର୍, ଆୟା ଇସାପ୍ତାନ୍ ନାନୁ ମିଙ୍ଗ କାସ୍ତୁ ସିନା ।

୨୪ “ମାତର୍ ତୁୟତିରାଦୁ ମି ଲୋଇରାନ୍ ଏମେକାର୍ ଇୟା ତାଗ୍‌ସିକ୍‌ୟା ମାନାଇଦେର୍ ମାରି ଆମାତାନିଙ୍ଗ ସୟତାନ୍ଦି ମାର୍‌ଗିତିମାନି ଅର୍ଡି ସିକ୍‌ୟା କିଇଦେର୍, ନାନୁ ଝାରି ମୁସ୍ତୁ ମାରି ଇନି ବଜୁ ତିଗିଜ ସିଏ ।

୨୫ ମାତର୍ ନାନୁ ରେଇମାନି ସାନ୍ତି ମିଦି ଏମେକା ମାନାଡ୍, ଆକା ଡାଟ୍‌ତାନ୍ ଆସ୍‌ସୋ ଇତିଦୁ ।

୨୬ ଏମେ ଲୋକୁ ଜିଶାନାର୍ ମାରି ସାରାସାରି ଝେନ୍‌କା ସାନ୍ତି ନା ବଦାଦାନ୍ ପାଣି କିନା, ନାନ୍ ବୁବାଦି ଲାକ୍‌ତୁରାନ୍ ଏମେ ଅଦିକାର୍ ପୋଇତାମାନା, ଆକା ଝାରିଙ୍ଗ ସିନା ।

୨୭ ପୁତିବିଦି ଆଇଆଇ ଜାତିଦି ଲୋକାଙ୍ଗ ଲୁଝା ଦଣ୍ଡଦାନ୍ ସାସନ୍ କିଦେଙ୍ଗ ମାରି ସିକିଲା ସାଟି ଝାଜା ଗୁଣ୍ଡୁଗୁଣ୍ଡା କିଦେଙ୍ଗ ନାନୁ ଝାରିଙ୍ଗ ଅଦିକାର୍ ସିନା ।

୨୮ ନାନୁ ଝାରିଙ୍ଗ ଝିଗାପି ସୁକା ବା ଦାନ୍ କିନା ।”

୨୯ ଝେନ୍‌ଡ୍ରେଙ୍ଗ ସାକ୍ତି ମାରିଙ୍ଗ, ମଣ୍ଡଲିଙ୍ଗ ମାପୁରୁଦି ଆମ୍ବା ଇନିକା ଇଜିନାଡ୍, ଝେନ୍‌ଡୁ !



ସାର୍ଦ୍ଦୀ ମଣ୍ଡଲି ଉଣ୍ଡିଙ୍ଗ କାରୁର୍

୧ ସାର୍ବଭୂମି ମାନି ମଣ୍ଡଳିଦି ଦୁହେଁ ଲାକ୍ଷ୍ମୀ ରାସ୍ତା, “ମାପୁରୁଦି ସାତଗୋଟା ଆମ୍ଭା ମାରି ସାତଗୋଟା ସୁକେଙ୍ଗ ଆସ୍ତିମାନି ଲୋକତିମାତ୍ତାନ୍ କୁ ଇୟା କାରୁର୍ । ନାନୁ ମି ପାଣିକିତିକା ନେସ୍ନା; ମିର୍ ସାତିମାରିଙ୍ଗ ବା ଜିବନ୍ମାନାପ୍ ଇଜି ଝେଙ୍ଗିତିମାନିଦେର୍ ।

୨ ଆଦେଙ୍ଗ ଜାଗାରତା ଆଦୁ ମାରି ମି ଲାକ୍ଷ୍ମୀ ଆମା ବିସୟକୁଞ୍ଜି ମାନାଡ, ଆକା ପୁରାଞ୍ଜା ମାରଗିନି ଆଗ୍ତିନେ ତାନିଙ୍ଗ ସାଲି କିଦୁ । ଇରିଙ୍ଗ ନାନୁ ନେସ୍ନା, ମି ପାଣିକିତିକା ମାପୁରୁଦି କାଶ୍ଗାଦୁ ଇୟାସାନ୍ଧି ପୁରା ଆସଡ ।

୩ ☆ମିଙ୍ଗି ଏମେ ସିକିୟା ସିଆୟଆତାମାରାଡ ମାରି ମିର୍ ଏମେକା ଝେରିଇମାରିଇଦେର୍, ଆକା ଏଡକିଜି ମାନାଦୁ ମାରି ମୋନ ବାଦଲେକିଦୁ । ଜଦି ଜାଗାରତା ଆସଡିଙ୍ଗ, ନାନୁ ଡଙ୍ଗିରଏନ୍ ଖାଜା ମି ଲାକ୍ଷ୍ମୀ ଖାନା । ଆକା ମିର୍ ନେସ୍ତେଙ୍ଗ ଆଟ୍‌ଇଦେର୍ ।

୪ ମାତ୍ର ସାର୍ବଭୂମି ମି ଲୋଇରାନ୍ ଉଣା ଏସ ଲୋକ୍ ଖାରି ଆଙ୍ଗିଙ୍ଗ ମାଡ୍‌ଏର୍ । ଖାର ଅଡିନିଆଙ୍ଗି ଆରାଜି ନା ଖାଲେ ବୁଲ୍‌ସାଲ୍ କିନାର୍, ଇରିଙ୍ଗ ଇୟାଉଣ୍ଡିଙ୍ଗ ଖାରି ଜୋଗ୍ ମାନାଡ ।

୫ ☆ଏମେକାର ଜିଣାନାର୍, ଖାର ଇୟାଖାଜା ଅଡିନି ଆଙ୍ଗିଙ୍ଗ ଆରାନାର୍ । ଜିବନ୍ ବଇଦାନ୍ ଖାରି ଦରୁ ଏସାଙ୍ଗବା ମାରଗେଏଡ, ମାରି ମା ବୁବା ମାରି ଖାନି ଦୁହେଁ ଆଗ୍ତି ଖାରିଙ୍ଗ ନା ଝେନ୍‌କାଖାନିକାର୍ ଇଜି ନାନ୍ ମାନାନା ।

୬ “ଝେନ୍‌ଡେଙ୍ଗ ଗିତଣି ମାରିଙ୍ଗ, ମଣ୍ଡଳିଆଙ୍ଗି ପବିତ୍ରଆମ୍ଭା ଇନିକା ଇଜିନାଡ, ମୋନ୍ ସିଜି ଝେନ୍‌ଡୁ ।”

ଫିଲ୍‌ଦେଲ୍‌ଫିଆ ମଣ୍ଡଳି ଉଣ୍ଡିଙ୍ଗ କାରୁର୍

୭ ଫିଲ୍‌ଦେଲ୍‌ଫିଆଦୁ ମାନି ମଣ୍ଡଳିଦି ଦୁହେଁ ଲାକ୍ଷ୍ମୀ ରାସ୍ତା : ଏନ୍ ଝିଜୁଖାଜା ପବିତ୍ର ନି ସଡ୍‌ଦି ଖାଜା ଖାନିମାଣକୁ ଇୟା କାରୁର୍ ଝେନ୍‌ଡୁ । ଖାନି ଲାକ୍ଷ୍ମୀ ଦାଉଦଦି କୁସିକାଣ୍ଡି ମାନାଡ, ଖାନ୍ ଏମେ ସେର୍ଲା ରେନାନ୍, ଆଇକାନ୍ ଏନ୍ ଆକା କେର୍‌ଡେଙ୍ଗ ଆଟ୍‌ଏନ୍ ମାରି ଖାନ୍ ଏମେକା କେର୍‌ନାନ୍, ଆଇକାନ୍ ଏନ୍ ଆକା ରେଡେଙ୍ଗ ଆଟ୍‌ଏନ୍ ।

☆ ୩:୩ ମାତିଉ ୨୪:୪୩,୪୪; ଲୁକ ୧୨:୩୯,୪୦; ପ୍ରକାଶିତ ୧୭:୧୫. ☆ ୩:୫ ପ୍ରକାଶିତ ୨୦:୧୨; ମାତିଉ ୧୦:୩୨; ଲୁକ ୧୨:୮.

୮ ମି ପାଣି ଝିଜୁ ନାନୁ ନେସନା; ଇୟାସାହି ମି ସାକ୍ତି ମାନାଡ଼, ଇକାବା ନେସନା; ମିର ନା ସିକ୍‌ୟା ମାନାଜି ଝାତିମାନିଦେର ମାରି ନା ଉଣ୍ଡିଙ୍ଗ ବିସବାସ ମାନିଦେର । ଆଦେଙ୍ଗ ନାନୁ ମି ଆଗଡ଼ି ଉଣ୍ଡି ସେରଲା ରେତାମାନା । ଆକା ଏନ୍ କେରଡେଙ୍ଗ ଆଟ୍‌ଏନ୍ ।

୯ ଝେନ୍‌ଡୁ ! ଏସ ଲୋକୁ ମିଟ୍‌ତାନ୍ ନିଜେ ନିଜେଦିଙ୍ଗ ଜିହୁଦି ଇଜି ଇନାର୍, ମାତର ସଡ଼ତାନ୍ ଜିହୁଦିର ଆଏର୍, ସୟତାନ୍‌ଦି ଆୟା ଲୋକାଙ୍ଗ ନାନୁ ମି ପାଦାମ୍ ଆଡ଼ଗି କିନା । ନାନୁ ମିଙ୍ଗ ଜିବନ୍‌ନୋନା ଇଜି ଝାର ଝିଜେରେ ନେସନାର୍ ।

୧୦ ନା ଆଦେସ ଇସାବତାନ୍ ମିର ସାସଆଜି ମାନିଦେର, ଆଦେଙ୍ଗ ପୃତିବିଦିଲୋକୁ ଲୋକାଙ୍ଗ ପରିକା କିନି ଉଣ୍ଡିଙ୍ଗ ସାରା ଦୁନିଆଦୁ ଆମା କାସୁ ଝାଦେଙ୍ଗ ସୋଲିସନାଡ଼, ଆବେଟ୍‌କୁ ନାନୁ ମିଙ୍ଗ ନେଗିବାଡ଼ିଦୁ ଇଡ଼ନା ।

୧୧ ନାନୁ ଦାପ୍ରେ ଝାଜିନା, ମି ମୁକୁଟ୍ ଏମେକା ମାନାଡ଼, ଆକା ନେଗେନ୍ ଇଡ଼ିଦୁ, ଏଣ୍ଡେସ୍ ଏନ୍ ମି ଲାକ୍‌ଡୁରାନ୍, ମି ଜିଣାତି ପୁରସ୍ପାର୍ ତଙ୍ଗାକିଅଡେଙ୍ଗ ଆଟ୍‌ଏନ୍ ।

୧୨ ☆ଜିଣାତି ଲୋକତିଙ୍ଗ ନାନୁ ନା ମାପୁରୁଦି ମନ୍ଦିରଦୁ ମୁଣ୍ଡାଝାଜା ତିଆର କିନା ମାରି ଝାନ୍ ମୁଡ଼ୁକ ଆବେଟ୍‌ତାନ୍ ଗୁସାଦେଙ୍ଗ ଆଟ୍‌ଏନ୍ । ନାନୁ ତାନି ମୁସୁକୁ ନା ମାପୁରୁଦି ଦରୁ ରାସନା । ନା ମାପୁରୁଦି ଲାକ୍‌ଡୁରାନ୍ ମୁସୁକୁପୁରତାନ୍ ଝାତିମାନି ମାପୁରୁଦି ଗାଡ଼, ପୁନି ଜିରୁସାଲମ୍‌ଦି ଦରୁ ମାରି ନା ପୁନି ଦରୁ ବା ଆୟା ମୁସୁକୁ ରାସନା ।

୧୩ ଏମେଝାନିଙ୍ଗ ଗିତଣି ମାନାଡ଼, ଝାନ୍ ମଣ୍ଡଲିଆଙ୍ଗା ମାପୁରୁଦି ଆମା ଇନିକା ଝେରସିନାଡ଼, ମୋନ୍ ସିଜି ଝେନ୍‌ଡୁ ।

ଲାଅଦିକିଆ ମଣ୍ଡଲି ଉଣ୍ଡିଙ୍ଗ କାରୁର୍

୧୪ ଲାଅଦିକିଆ ମଣ୍ଡଲିଦୁ ମାନି ଦୁଡ଼ି ଲାକ୍‌ଡୁ ରାସଡ଼ : ବିସବାସ ନି ସଡ଼ ସାକି ମାରି ମାପୁରୁଦି ଝିଜୁ ତିଆରକିତିମାନି ଆରାମ୍ ଆୟା “ଆମେନ୍‌ଦି” ଇୟା କାରୁର୍ :

୧୫ ନାନୁ ମି ପାଣିଝିଜୁ ନେସନା; ନିନ୍ ସିଡ଼ିଡ଼ି ସିଲେ କି ଉସୁମ୍ ସିଲେ, ଇକା ନାନୁ ନେସନା । ନିନ୍ ସିଡ଼ିଡ଼ି ସିଲେତିଙ୍ଗ ଉସୁମ୍ ଆତିମାରିଙ୍ଗ ନେଗେନ୍ ଆତାଡ଼ମାହି ।

୧୭ ମାତର ନିନ୍ ସିତୁଡ଼ି ବା ଉସୁମ୍ ଆଏଜି ଅଡ଼ପ୍ ଉସୁମ୍ ଆତିମାନିଙ୍ଗ୍, ନାନୁ ନିଙ୍ଗ୍ ନା ଖେୟୁଦାନ୍ କାକନା !

୧୮ ମିର ଇଜିନିଦେର; ନାନୁ ଦନି, ନାଦି ନାଣ୍ଡ ସମ୍ପତି ମାନାଡ଼, ନାଦି ଏମେ ଝିଜୁ ଦରକାର, ଆୟାଝିଜୁ ମାନାଡ଼; ମାରି ସତେନେ ମିର ଏସା ଜଗସିଲିକା, ମାରି ସିଲିସାତିକା, ଇକା ନେସ୍‌ଇ । ମିର କାକୁତ୍, ନାଗଡ଼ା ମାରି କାଣାର !

୧୯ ଆଦେଙ୍ଗ୍ ନାନ୍ ନିଙ୍ଗ୍ ଆଦେସ୍ ସିଜିନା, ଦନିଆଦେଙ୍ଗ୍ ନାମାଣୁକୁ ନେଗି ବାଙ୍ଗାଁରାମ୍ କଡ଼ୋଦୁ ମି ସେମାରତି ଉଣ୍ଡିଙ୍ଗ୍ ତୁମ୍‌ତାମେନ୍‌ଲଦୁ ପିଡ଼ାଗାଦେଙ୍ଗ୍ ନା ଲାକୁତୁ ଅଡ଼ିନି ଖାତିଗନ୍ଦା କଡ଼ୋଦୁ । ମାରି ସୁଣି ସାଲି ନେଗେନ୍ କିନି ଉଣ୍ଡିଙ୍ଗ୍ କାଟିକା କଡ଼ୋଜ କାଣାଗାଦୁ ଉସାଆ ।

୨୦ ☆ନାନୁ ଏମେଝାରିଙ୍ଗ୍ ଜିବନ୍‌ନୋନା, ଝାରିଙ୍ଗ୍ ନିନ୍‌କିନା ମାରି ସାସ୍ତି ସିନା । ଆଦେଙ୍ଗ୍ ଜିବନ୍‌ତି ଝାଲେ ପାପ୍ ସାରିଦାନ୍ ଡେସିଝାଜି ମୋନ୍ ବାଦଲେ କିଦୁ ।

୨୧ ସୁଡ଼ତୁ ! ନାନୁ ଆଡ଼ରେ ନିଲ୍‌ତାନୋ ସେରଲ୍‌ଦୁ କଡ଼ସିନା; ଜଦି ଏନ୍ ନା ବଲୁ ଝେନିଜି ସେରଲ୍‌ ରେନାନ୍, ନାନ୍ ଝାନି ଇଲୁ ଲୋଇ ସଲ୍‌ସି ଝାନି ଝାଲେ ଉଣା ମାରି ଝାନ୍ ନା ଝାଲେ ଉଣାନ୍ ।

୨୨ ନାନୁ ଏଣ୍ଡେସ୍ ଜିଣାଜି ନା ବୁବାଦି ଝାଲେ ଝାନି ସିଂହାସନ୍‌ଦୁ ବାସ୍‌ତାମାନା, ଆୟାଝାଜା ଏମେକାର ଜିଣାନାଡ଼, ଝାନ୍ ଝିଜେରିଙ୍ଗ୍ ନାନୁ ଟିକ୍ ଆୟାଝାଜା ନା ସିଂହାସନ୍‌ଦୁ ନା ଲାକୁତୁ ବାସିସ୍‌କିଦେଙ୍ଗ୍ ଅଦିକାର ସିନା ।

୨୩ ଝେନ୍‌ଡେଙ୍ଗ୍ ଗିତଣି ମାରିଙ୍ଗ୍, ମାପୁରୁଦି ଆମ୍‌ ମାଣ୍ଡଲିଙ୍ଗାଁ ଇନିକା ଇଜିନାଡ଼, ଝେନ୍‌ଡୁ ।

୪

ମୁସକୁପୁରତୁ ପାର୍ତନା

୧ ଇୟା ବେଡ଼ାଦୁ ନାନୁ ମାରି ଉଣ୍ଡି ସିନା ସୁଡ଼ତୁ । ମୁସକୁପୁରତୁ ଉଣ୍ଡି ସେରଲ୍‌ ରେଆଇ ଆତାମାରାଡ଼ ମାରି ମରିବାଜା ଆଉଲି ଝାଜା ଉଣ୍ଡି ଝେୟୁଦି ବଲୁଦାନ୍ ନାଙ୍ଗ୍ ଆଦେସ୍ ଝାତାଡ଼; “ଇବେନ୍‌

ନିର୍ଦ୍ଦେଶ ରାଆ । ତେନି ଝେନେକା ଏମେ ଝିନ୍ତୁ ଗଟାଦେଙ୍ଗ୍
ସୋଲିସ୍ନାଡ୍, ଆକା ନାନୁ ମିଙ୍ଗ୍ ତୋରନା ।”

୨ ଦାପ୍ରେ ଦାପ୍ରେ ପବିତ୍ରଆତ୍ମାଦି ମାଣାନ ପୁରାଆଜି ନାନୁ ସୁତଡୁ,
ମୁସ୍କୁପୁରତୁ ଉନ୍ତ୍ର ସିଂହାସନତୁ ଅରେନ୍ ଏନ୍ ବାସ୍ତାମାନାନ୍ ।

୩ ଖାନି ମୋକମ୍ ହିରା ମାରି ମୋତି ଖାଜା ଚକ୍ରମକ୍ ଆଜିମାରାଡ୍
ମାରି ସିଂହାସନଦିଙ୍ଗ୍ ପାସ୍ରିକାଦି ହିରାକାଲୁ ଖାଜା ଉନ୍ତ୍ର ଇନ୍ଦ୍ରଦନୁ
କେରେପ୍ତା ମାରାଡ୍ ।

୪ ମାରି ସିଂହାସନଦି ସାରିବେଡିତି ଗୁଡୁବେଲିଆଜିମାନି ଆଇ
ଚବିସ୍ଗୋଟା ସିଂହାସନଦୁ ଚବିସ ଲୋକୁ ପେରି ମଣ୍ଡଲିନେତାର୍
ବାସ୍ତାମାରାର୍ । ଖାରୁ ଅଡିନି ଆଙ୍ଗ୍ ଆରାତାମାରାର୍ ମାରି ଖାରି
ତାଲେକା ମୁସ୍କୁ ବାଙ୍ଗାମାମତି ଟପି ।

୫*ସିଂହାସନଦାନ ଲାଇନ୍ତି ଜାୟ୍, ଆଇଆଇ ବଲୁ ମାରି ବାଦଡିତି
ଆଇଲି ଖାଜିମାରାଡ୍ । ସିଂହାସନଦି ଆଗିଡି ମାପୁରୁଦି ସାତଗୋଟା
ଆମ୍ବଙ୍ଗାଦି ସାତଗୋଟା ଦିଝେଙ୍ଗ୍ କାସ୍ସିମାରେଏ ।

୬ ମାରି ସିଂହାସନ ଆଗୁଡି ଇସ୍ କା ଖାଜା ଉନ୍ତ୍ର ନେଗି
ସାମୁରୁ ତରଜିମାରାଡ୍ । ସିଂହାସନଦିଙ୍ଗ୍ ରିଆଙ୍ଗା ତରିନ୍ କାପ୍ କିଜି
ତେବାଜିମାରାର୍ ନାଲ୍ଗି ଜାତୁ; ଖାରି ମେନ୍ଦଲ୍ଗି ନାଡିମିସାନ୍ ମାରି
ଝେନକା କାଣୁକୁ ପୁରାବତ୍ ମାରାଡ୍ ।

୭ ଆଗୁଡିରି ଜାତୁ ପାର୍ଗାନରେସ୍ ଖାଜା ତରଜିମାରାଡ୍; ମାରିଉନ୍ତ୍ର
ଷଣ୍ଡାନ ଖାଜା ତରଜିମାରାଡ୍ । ମାରିଉନ୍ତ୍ର ମୋକମ୍ ଲୋକାଦି
ମୋକମ୍ ଖାଜା ମାରାଡ୍ ମାରିଉନ୍ତ୍ର ଇମିନି ତେଗା ପଟି ଖାଜା
ତରଜିମାରାଡ୍ ।

୮ ଝିନ୍ତୁ ଜାତୁଦି ସୋଅଗୋଟାଲକା ରେକେଙ୍ଗ୍ ମାରେଏ ମାରି
ଖାନିକା ଆଡରେ ମାରି ଲୋଇ ବା କାଣୁକୁ ପୁରାବତ୍ ମାରାଡ୍ । ଖାକୁ
ନାଡା ଝେଡେ, ରମ୍ବଣ୍ଗା ପାଟା ପାରିଜିମାରେଏ :

“ପବିତ୍ର, ପବିତ୍ର, ପବିତ୍ର, ସର୍ବସାକ୍ଷିମାନ୍ ପ୍ରବୁ ମାପୁରୁ !

ପୁର୍ବେଦାନ୍ ଇଲେସାନ୍ ଏନ୍ ଝିନ୍ତୁଦିନ୍ ମାନାନ୍ ମାରି ଉନ୍ତ୍ର
ଦେବା ଖାନ ଖାନାନ୍ ।”

☆ ୪:୫ ପ୍ରକାଶିତ ୮:୫; ୧୧:୧୯; ୧୭:୧୮; ପ୍ରକାଶିତ ୧:୪.

୯ ଜାତୁଙ୍ଗ ସିଂହାସନକୁ ବାସ୍ତିତମାନି ଆୟା ଝିଜୁଦିନ୍ ମାନି ଲୋକ୍ତିଙ୍ଗ ଗୌରବ୍, ସମ୍ବୁମ ମାରି ଧନ୍ୟବାଦ ସିଜି ଖାରି ଆରାଦନା ପାଟା କିଜିମାନି ବେଡ଼ାଦୁ

୧୦ ନାସ୍ତିଝାଲେ ୨୪ ଲୋକ୍ତିଙ୍ଗ ପେରି ନେତାର ଝିଜୁଦିନ୍ ମାନି ମାପୁରୁଦି ସିଂହାସନ ଆଗ୍ତି ମେଣ୍ଡେଙ୍ଗ ଗର୍ବକିଜି ଖାନି ଆରାଧନା କିଦେଙ୍ଗ ଆସ୍ତାର । ମାରି ସିଂହାସନ ଆଡ଼ଗି ନିଜେ ନିଜେଦି ମୁକୁଟ ଇଡ଼ଜି ଇର୍ହାର :

୧୧ “ଏ ମା ପ୍ରବୁ ମାପୁରୁ ! ନିନ୍ନୁ ନେ ଗୌରବ୍,
ସମ୍ବୁମ ମାରି ସାକ୍ତି ପୋଇଦେଙ୍ଗ ଜଗ୍ ମାନି, ଇରିଙ୍ଗ,
ନିନ୍ନୁ ଝିଜୁ ବିସୟ ତିଆର୍ କିତିମାନି,
ମାରି ନିଜେଦି ବଦାଦାନ ଆୟା ଝିଜେରିଙ୍ଗ ପେଡେନ୍ ସିତିମାନି,
ଲୋକାଙ୍ଗ ଜିବନ୍ କିତିମାନି ।”



ବଇ ମାରି ମେଣ୍ଡାପିଲା

୧ ସିଂହାସନକୁ ବାସ୍ତିତମାନି ଲୋକ୍ତି ଉଣିକିୟୁଦୁ ନାନୁ ଉନ୍ତ୍ର ପାଡ଼ିଇକା ବଇ ସୁଡ଼ତୁ; ତାନି ରିଆଙ୍ଗା ତରିନ୍ ରାସାତାମାରାଡ଼ ମାରି ସାଡ଼ଗୋଟା ସିଲ୍ ଆଜି ଆକା ଟାପ୍ ଆତାମାରାଡ଼ ।

୨ ମାରି ନାନୁ ସୁଡ଼ତୁ, ଅରେନ୍ ନାଣ୍ଡସାକ୍ତିମାନି ମୁସ୍ତୁରୁଡ଼ି ଦୁଡ଼ ନାଣ୍ଡଆଉଲିଦାନ ଝେର୍ସି ଇଜିନାନ୍ : “ସିଲ୍ ଆତିକେଙ୍ଗ ଝିଜୁ ରୁକୁସି ଇୟା ବଇ କୁତିନି ଉଣ୍ଡିଙ୍ଗ ଏନ୍ ଜଗ୍ ଲୋକ୍ତି ମାରିଙ୍ଗ, ସୋସ ରାଦୁ ।”

୩ ମାତର୍ ଆୟା ବଇ କୁତିସି ଆବେନ୍ ଇନିକା ରାସାତାମାନାଡ଼, ଆକା ପଡ଼ାଦେଙ୍ଗ ମୁସ୍ତୁପୁରୁଡ଼, ଦୁନିଆଦୁ ମାରି ପାତାଲୁଡ଼ ଏନ୍ ସୋଡେଙ୍ଗ ଆଡ଼ଏତାର ।

୪ ବଇ କୁଡ଼ସୋ ଆବେନ୍ ଇନିକା ରାସାତାମାନାଡ଼, ପଡ଼ାନି ଉଣ୍ଡିଙ୍ଗ ଏନ୍ ଅରେନ୍ବା ଜଗ୍ ଲୋକ୍ତି ତରଇତିଙ୍ଗ, ନାନ୍ ନିରାସ୍ ଆଜି ଆଡ଼ବାଦେଙ୍ଗ ଆସ୍ତା ।

୫ ତାନିଝେନେକା ପେରିନେତାରି ମାଣ୍ଡକୁ ଅରେନ୍ ନାଙ୍ଗ ଆଲ୍ଲଜ ମାନ୍ଥା ଇଜି ଇର୍ହାନ୍, “ଆଡ଼ବାମା, ସୁଡ଼ଥୁ ! ଦାଉଦଦି ପେରି କୁଟୁମ୍,

ଯିହୁଦା କୁରୁମ୍ଭି ପାର୍ଶ୍ବରେଷ୍ ଜିଶାଜି ଖାତାମାନାନ; ଖାନ୍ ଇୟା
ସାତଗୋଟା ସିଲ୍‌ଆତିକେଙ୍ଗ୍ ରୁକୁସି ବଇ କୁତେଙ୍ଗ୍ ଆଟ୍‌ନାନ୍ ।”

୭ ତାନିଝେନେକା ସିଂହାସନ୍‌ଦି ନାଡ଼ିମିଜାଗାଦୁ ନାଲିଗି ଜାତୁଙ୍ଗ୍
ମାରି ପେରି ନେତାରି ଲାକ୍‌ତୁ ଉନ୍‌ଡ଼ି ମେଣ୍ଡାପିଲାଦିଙ୍ଗ୍ ନିରିଇମାନିକା
ସୁଡ଼ତୁ । ମେଣ୍ଡାପିଲା ସାତିମାନି ଖାଜା ଡରଜିମାରାଡ଼ । ତାନିଙ୍ଗ୍
ସାତଗୋଟା କମୁକୁ ମାରି ସାତଗୋଟା କାଣ୍ଡୁକୁ ମାରେଏ । ଆୟା
କାଣ୍ଡୁକୁ ସାରା ଦୁନିଆଦୁ ପୋକ୍‌ତିମାନି ମାପୁରୁଦି ସାତଗୋଟା
ଆମ୍ବେଙ୍ଗ୍ ।

୮ ମେଣ୍ଡାପିଲା ସିଂହାସନ୍‌ଦୁ ବାସ୍ତିମାନି ଲୋକ୍‌ତି ଲାକୁଡୁ ସଲସି
ଖାନି ଉଣିକିୟୁଦାନ୍ ଆୟା ବଇ ଅତାନ୍ ।

୯ ଖାନ୍ ଇୟା ବଇ ଅନି ଦାପ୍ରେ ନାଲିଗି ଜାତୁଙ୍ଗ୍ ମାରି କଡେ ନାଲିଗି
ଲୋକୁ ପେରି ନେତାର ମେଣ୍ଡାପିଲାଦି ଆଗ୍‌ଡ଼ି ମେଣ୍ଡେଙ୍ଗ୍ ଗଟ୍‌କିଜି
ମାଡ଼ିସ୍ କିତାର୍ । ଝିଜେରି କିୟୁଦୁ ଉନ୍‌ଡ଼ି ଉନ୍‌ଡ଼ି ଟଇଲା ମାରି
ମାପୁରୁଦି ସେବାକିନିଝାରି ପାରତନାଝାଜା ଦୁପୁଣିଦାନ୍ ପୁରାବତ୍
ଉନ୍‌ଡ଼ି ବାଙ୍ଗାଁରାମ୍‌ଡ଼ି ତୁବାଇ ମାରାଡ଼ ।

୧୦ ଖାର୍ ଉନ୍‌ଡ଼ି ପୁନି ପାଟା ପାରିଜିମାର୍‌ହାର୍ :

“ବଇ ମାନାଜି ତାନି ସିଲ୍

ଆତିକେଙ୍ଗ୍ ରୁକୁତେଙ୍ଗ୍ ମିର ନେ ଜୋଗ୍ :

ଇରିଙ୍ଗ୍ ନିନ୍ ସାତିମାରଇ ମାରି ନି ସାତିମାଡାନ୍, ଝିଜୁ କୁରୁମ୍,

ବାସାବାଦି, ଦେସ୍ ମାରି

ଜାତି ମାଡାନ୍‌କୁ ମାପୁରୁଦି ଉଣ୍ଡିଙ୍ଗ୍ ଲୋକାଙ୍ଗ୍ କଟି ମାନି ।

୧୧ ମାରି ମାପୁରୁଦି ସେବା କିନି ଉଣ୍ଡିଙ୍ଗ୍ ଖାରିଙ୍ଗ୍ ଉଡ଼ି ଜାଜକ କୁରୁମ୍‌ଡୁ
ମିସାକିତା ମାନାନ୍

ମାରି ଖାର୍ ଦୁନିଆ ମୁସୁକୁ ସାସନ୍ କିନାର୍ ।”

୧୨ ନାନ୍ ମାରି ମାରିଜି ସୁଡ଼ତୁ, ହଜାର୍ ହଜାର୍ ମାରି ଲକେ ଲକେ
ମୁସୁକୁପୁରତି ଦୁଡ଼କୁ ସିଂହାସନ୍‌ଦିଙ୍ଗ୍, ନାଲିଗି ଜାତୁଙ୍ଗ୍ ମାରି ପେରି
ନେତାରିଙ୍ଗ୍ ଗେରେଆଜି ନିରାମାନାର୍ ।

୧୩ ଖାର୍ ପେରିବଲୁଦାନ୍ ଫାଟାପାର୍‌ଜି ମାର୍‌ଆର୍ :

“ସାତିମାନି ଆୟା ମେଣ୍ଡାପିଲା ଅଦିକାର୍, ପରାକ୍ରମ,

ବୁଦ୍ଧି ମାରି ସାକ୍ତି ସମ୍ପ୍ରମ,

ଗୌରବ ମାରି ପ୍ରସଂସାଦି ପୋଇନି ଜୋଗ !”

୧୩ ନାସ୍ତିଞ୍ଜାଲେ ମୁସ୍କୁପୁର୍, ଦୁନିଆ, ପାତାଲ ମାରି ସାମୁଦ୍ର ଝିଲୁ
ଜାତୁ ମାରି ସାରା ପୃଥିବି ଝିଲୁ ଲୋକୁ ଫାଟା ପାରିଜିମାନିକା ନାନୁ
ଝେରୁଆ । ଖାରୁ ପାରିଜିମାରାର :

“ରାଜାଗାଦିଦୁ ବାସ୍ତିମାନି ଲୋକତି

ମାରି ଖାନି ମେଣ୍ଡାପିଲାଦି ପ୍ରସଂସା କିଦୁ

ଖାନି ସମ୍ପ୍ରମ, ଗୌରବ ମାରି ପରାକ୍ରମ ଜୁଗ୍ ଜୁଗ୍ ଆପିତ୍ !”

୧୪ ନାଲିଗି ଜାତୁଙ୍ଗ୍ ଝେରୁସିମାରେଏ, “ଆମେନ୍” ମାରି ନେତାର
ମେଣ୍ଡେଙ୍ଗ୍ ଗଟ୍‌କିଜି ଖାନିଙ୍ଗ୍ ମାଡ଼ିସ୍ କିତାର ।



ଗାପ୍ତି ଅର୍ତ୍ତ

୧ ତେନି ଝେନକା ନାନୁ ସୁଡ଼ତୁ, ମେଣ୍ଡାପିଲା ସାତଗୋଟା
ସିଲ୍‌ଆତିମାନି ମାଣ୍‌କୁ ଆଗ୍‌ଡିରିକା ରୁକ୍‌ତାନ୍ ମାରି ନାଲିଗି ଜାତୁଙ୍ଗ୍
ମାଣ୍‌କୁ ଅରେନ୍ ନାଙ୍ଗ୍ ବାଦଡ଼ ଡିଡ଼ଜିନି ବଲୁଦାନ୍ ଇର୍ହାନ୍, “ରାଆ
!”

୨ ନାନୁ ମାର୍‌ଜି ସୁଡ଼ତୁ, ଉନ୍‌ଡ୍ରୁ ଅଡ଼ିନି ଗଡ଼ା, ଗଡ଼ାଦୁ ଏକ୍‌ତିମାନି
କିୟୁଦୁ ଧନୁ ଆସ୍ତାମାରାନ୍ । ଖାନିଙ୍ଗ୍ ଉନ୍‌ଡ୍ରୁ ମୁକୁର୍ ସିଆୟ୍‌ଆତାଡ଼
ମାରି ଖାନ ଜିଣାନି ଉଣ୍ଡିଙ୍ଗ୍ ସୋତାନ୍ ।

୩ ତାନି ଝେନକା ମେଣ୍ଡାପିଲା ମାରିଉନ୍‌ଡ୍ରୁ ସିଲ୍‌ ରୁକ୍‌ତାନ୍ ମାରି
ମାରିଉନ୍‌ଡ୍ରୁ ଜାତୁ ନାଙ୍ଗ୍ ଇର୍ହାଡ଼, “ରାଆ ।”

୪ ନାନୁ ସୁଡ଼ତୁ, ନେତେର୍ ରଙ୍ଗ୍‌ତି ମାରି ଉଣ୍ଡି ଗଡ଼ା । ଦେସ୍‌ତାନ୍
ସାକ୍ତି ଆକ କିନି ଉଣ୍ଡିଙ୍ଗ୍ ଖାନି ସାଲାକିନିଖାନିଙ୍ଗ୍ ଅଦିକାର ପୁର୍‌ତାଡ଼,
ଲୋକୁ ଏଣ୍ଡେସ୍ ଜୁଦ୍ କିଜି ନିଜେ ନିଜେଦିଙ୍ଗ୍ ସାପିସ୍ କିଆଇଆନାର୍
ଖାନି କିୟୁଦୁ ଉନ୍‌ଡ୍ରୁ ପେରିକାଣ୍ଡା ପୁର୍‌ତାଡ଼ ।

୫ ତାନିଝେନକା ମେଷସାବକ ତିନି ନମ୍‌ରତି ସିଲ୍‌ଆତିକା ରୁକ୍‌ତାନ୍
ମାରି ମାରି ଅରେନ୍ ଲୋକୁ ନାଙ୍ଗ୍ ଇର୍ହାନ୍, “ରାଆ ସୁଡ଼ଆ ।” କାର୍‌ନି
କଲ୍‌ରତି ଗଡ଼ା; ଆୟା ଗଡ଼ାସାଲାକିନିଖାନି କିୟୁଦୁ ଉନ୍‌ଡ୍ରୁ କେଜିଗୁଣ୍ଡୁ
ମାର୍‌ହାଡ଼ ।

୬ ମାରି ନାଜୀ ମନେ ଆତାତ୍ ଯେ, ନାଲିଗିଝିଲୁ ଜାତୁଙ୍ଗ ଉନ୍ତ୍ର ବଲୁଦାନ ଇଜିନାର, “ଅର୍ଲେଟି ବୁଡି ତାବୁଙ୍ଗ ଉନ୍ତେ କେଜି ଗଦମୁ ସିଲେତିଙ୍ଗ କାକିଜନା ପୁଟନାତ୍ । ମାତର୍ ଜିତ ମାରାନ୍ ମାରି ଅଙ୍ଗୁରରସ୍ ତଡିଦିଙ୍ଗ ନାସ୍ କିମାଟ୍ ।”

୭ ତାନିଝେନକା ମେଣ୍ଡାପିଲା ନାଲିଗି ନମ୍ବୁରତି ସିଲ୍ ଆତିତାନିଙ୍ଗ ରୁକୁତାନ୍ ମାରି ନାଲିଗି ନମ୍ବୁରତି ଲୋକୁ ନାଜୀ ଇର୍ହାନ୍, “ରାଆ !”

୮ ନାନ୍ ସୁଡୁଡା, ଉଣ୍ଟି ସିନ୍ତ୍ରା ରଙ୍ଗତି ଗଡା । ତାନିଙ୍ଗ ସାଲକିନି ଦରୁ ସାନିକା; ତାଗଜୁଦବା ତାନି ଝେନେକା ବୁଲାଇ ମାରାତ୍ । ଜୁଦ୍, ବାଙ୍ଗା, ରୋଗ, ନୋପି, ମାରି ଗୋରତି ଜାତୁ ମୁସୁକୁ ଦାନ୍ ଦେସତି ଉଣ୍ଟି ନାଲିଗି ବାଗ୍ତାନ୍ ଉଣ୍ଟି ବାଗ୍ ଲୋକାଙ୍ଗ ନାଷ୍ କିନି ଉଣ୍ଟିଙ୍ଗ ଖାରିଙ୍ଗ ଅଦିକାର ପୁଟତାତ୍ ।

୯ ତାନି ଝେନେକା, ମେଷସାବକ ପାସ୍ଗୋଟା ସିଲ୍ ରୁକୁତାନ୍ ମାରି ନାନ୍ ସୁଡୁଡା, ଉଣ୍ଟି ବେଦି । ମାପୁରୁଦି ବାକ୍ୟ ଝେରିସି ସାକ୍ୟସିଜି ବିସ୍ବାସ୍ ତେବାନି ଉଣ୍ଟିଙ୍ଗ ସାତିମାନି ଲୋକା ଆମ୍ବାଝିଲୁ ଆୟା ବେଦି ଆଡ଼ଗି ରକିୟା ଆତେମାରେଏ ।

୧୦ ଖାକୁ ପେରିବଲୁଦାନ୍ ଆଉଲିକିଜି ଇଜିମାରେଏ, “ପେରି ପ୍ରବୁ ପବିତ୍ର ମାରି ସତ୍ ମାପୁରୁ ! ଦେସ୍ତୁ ଏମେକାର୍ ମାଜୀ ସାପିସ୍ କିତାମାନାର୍, ଖାରିଙ୍ଗ ବିଚାର୍ କିଜି ସାସ୍ତିସିଦେଙ୍ଗ ମାରି ଏସ ଦିନ୍ ଝେଡାକିନି ?”

୧୧ ଖାରି ମାଡାନ୍କୁ ଝିଜେରିଙ୍ଗ ଉନ୍ତ୍ର ଲାକା ଅଡିନିଆଜୀ ସିଆୟ୍ ଆତାତ୍ । ମାରି ଖାରି ସଙ୍ଗତି ତଡାନକାଙ୍ଗ ମାରି ସେବାକିନିଖାରିଙ୍ଗ ଟିକ୍ ଇସାପ୍ତାନ୍ ସାଇ ସାନ୍ଦି ଖାରିଙ୍ଗ ମାରି ଏସ ବେଡା କାପ୍କିନି ଉଣ୍ଟିଙ୍ଗ ଇର୍ହାର୍ ।

୧୨ ତାନିଝେନକା ନାନ୍ ସୁଡୁଡା, ମେଷସାବକ ସୋ ସିଲ୍ ରୁକୁତାନ୍; ଅଟାତ୍ ପେରି ଭୁମିକମ୍ ଆତାତ୍ । ଝେଡା କାର୍ଦିନି ରଙ୍ଗତି ହୁଷା ଖାଜା ସିକାଟି ଆତାତ୍ ମାରି ଲେଜୁ ଝିଜୁ ନେତେର୍ ରଙ୍ଗ ଆତାସରାତ୍ ।

୧୩ ନାଣ୍ଟ ଗାଲିଦି ଦୋକାଦିଙ୍ଗ ତଗା ମାରାନ୍ତି ପାସି ପଲ୍ ଝିଜୁ ଆରନ୍ ଖାଜା, ସୁକେଙ୍ଗ ବାଦଡତାନ୍ ଦୁନିଆଦି ମୁସୁକୁ ଆର୍ତେ ।

୧୪ ☆ ଉଣ୍ଡି, କାଗଜ ପର୍ଦା ଗୁଡ଼େଆନି ଖାଜା ବାଦଡ଼ ତିରବିଜି ଅଲଗାସରାଡ଼ । ଗୋରକ୍ ମାରି ସାମୁଦ୍ରେ ଲୋଇ ମାନି ଇସ୍ତି ବାଡ଼ିଙ୍ଗ୍ ଗୁସାତେ ସରେ ।

୧୫ ଆୟା ବେଡ଼ାଦୁ ଦୁନିଆଦି ଝିଜେରେ, ରାଜା, ସାସକ, ବା ସେନାରି ପେରିକାନ୍, ମାଜନ୍ ମାରି ସାଲି, କଟିସାକର୍ ବା ସାଦାସିଦା ଲୋକୁ ଝିଜେରେ ସାରେଆଙ୍ଗ୍ ମାରି ଗୋରନ୍‌କା କାଲୁକୁ ଆଡ଼ଗି ସଲସି ମାରଗିତାର ।

୧୬ ☆ ଝାର ଗୋରକାଙ୍ଗ୍ ମାରି କାଲୁ ମକେକାଙ୍ଗ୍ କୁକିସି ଇଜିମାରାର, “ମା ମୁସୁକୁ ଆରଦୁ ସିଂହାସନ୍‌ତୁ ବାସତିମାନି ଆୟା ଝାନିମାଣାନ୍‌ତି କାଶ୍‌ଗାଦାନ୍ ମାରି ମେଷସାବକତି ରିସାଦାନ୍ ମାଙ୍ଗ୍ ଆଡ଼କସ ଇତିଆ ।

୧୭ ଝାରି ରିସାଦି ବୟଙ୍କର୍ ଦିନ୍ ଇଗା ଝାତାଡ଼ । ଏନ୍ ଆକା ଆଙ୍ଗ୍‌ଦେଙ୍ଗ୍ ଆଟ୍‌ନାନ୍ ?”



୧୪୪,୦୦୦ ଇସ୍ରାଏଲ ଲୋକୁ

୧ ତେନି ଝେନ୍‌କା ନାନ୍ନୁ ସୁଡ଼ତା, ଦୁନିଆଦି ନାଲିଗି କନେଆଙ୍ଗ୍ ନାଲିଗି ମୁସୁକୁପୁରତି ଦୁଡ଼କୁ ନିରେଏମାନେ ମାରି ଦୁନିଆଦି ନାଲିଗି ତରିଗାନ୍ ଗାଲି ସନିତାନିଙ୍ଗ୍ ଆଙ୍ଗ୍‌ତେମାନେ । ଆଦେଙ୍ଗ୍ ଦୁନିଆ, ସାମୁଦ୍ରେ ମାରି ଇନି ମାରାକ୍ ମୁସୁକୁ କାଣ୍ଡେକ୍ ବା ଗାଲି ରେଏଜିମାରାଡ଼ ।

୨ ମାରି ନାନ୍ନୁ ସୁଡ଼ତା, ମାରି ଅରେନ୍ ମୁସୁକୁପୁରତି ଦୁଡ଼ ଝିଜୁଦିନ୍ ମାନି ମାପୁରୁଦି ସିଲ୍ ଅସି ମକମ୍‌ତରିଗାନ୍ ଝାଜିନାନ୍ । ଇୟା ଦୁଡ଼ ଦୁନିଆ ମାରି ସାମୁଦ୍ରେତିଙ୍ଗ୍ ନାସ୍ କିନି ଉଣ୍ଡିଙ୍ଗ୍ ମାପୁରୁ ଏମେ ନାଲିଗି ଦୁଡ଼କାଙ୍ଗ୍ ଅଦିକାର୍ ସିତାମାର୍ହାନ୍ ।

୩ ଝାନିକାଙ୍ଗ୍ ନାଣ୍ଡ ଆଉଲିଦାନ୍ ଦୁଡ଼ ଇର୍ହାନ୍, “ମାପୁ ଏମେ ସାଦି ମାପୁରୁଦି ସେବାକିନିଝାରି କାପାଲ୍‌ତୁ ସିଲ୍ ଡେଏପ୍‌ମାନାପ୍, ଆୟା ସାଦି ଦୁନିଆ, ସାମୁଦ୍ରେ ବା ମାରାକାଙ୍ଗ୍ ଇନି ନାସ୍ କିମାଟ୍ ।”

୪ ଏମେଝାରି କାପାଲୁତୁ ମାପୁରୁଦି ସିଲ୍ ଡେଇତାର୍, ଝାରି ଇସାପ୍ ୧୪୪,୦୦୦ ଇଜି ନାନୁ ଝେର୍ଥା । ଝାରି ଇସାପ୍ତାନ ଝାର ଇସାଏଲ୍ତି ବାର କୁଟୁମ୍ବତି ଲୋକୁ ।

୫ ଯିହୁଦା କୁଟୁମ୍ବତାନ ୧୨,୦୦୦ ହଜାର୍, ରୁବେନ୍ କୁଟୁମ୍ବତାନ ବାରହଜାର୍, ଗାଦ୍ କୁଟୁମ୍ବତାନ ବାରହଜାର୍,

୬ ଆସେର୍ କୁଟୁମ୍ବତାନ ବାରହଜାର୍, ନପ୍ତାଲି କୁଟୁମ୍ବତାନ ବାରହଜାର୍, ମନସି କୁଟୁମ୍ବତାନ ବାରହଜାର୍,

୭ ସିମିୟନ୍ କୁଟୁମ୍ବତାନ ବାରହଜାର୍, ଲେବି କୁଟୁମ୍ବତାନ ବାରହଜାର୍, ଇସହାକ୍ତି କୁଟୁମ୍ବତାନ ବାରହଜାର୍,

୮ ସବୁଲୁନ କୁଟୁମ୍ବତାନ ବାରହଜାର୍, ଜୋସେଫ୍ କୁଟୁମ୍ବତାନ ବାରହଜାର୍, ବିନ୍ୟାମିନ୍ କୁଟୁମ୍ବତାନ ବାରହଜାର୍ ।

ନାଣୁ ଲୋକୁ

୯ ତେନିଝେନ୍କା ନାନୁ ସୁତୁତା, ଉଣ୍ଡି ପେରିଦଲ୍; ଝାରି ଇସାବ୍ ଲେକିସକିଦେଙ୍ଗ୍ ଆଏଡ୍ । ଝାର୍ ଝିକୁ ଜାତି, କୁଟୁମ୍ବ, ଦେସ୍ ମାରି ଭାସାଦି ମାଡାନ ଝାତାମାର୍ହାର୍ । ଝାର୍ ଅଡିନିଆଙ୍ଗ୍ ଆରାଜି ମାରି କିୟୁଦୁ କାଜିରି କମେଙ୍ଗ୍ ଆସସି, ସିଂହାସନ୍ ମାରି ମେଷସାବକଦି ଆଗିଡି ନିର୍ହାମାର୍ହାର୍ ।

୧୦ ଝାର୍ ପେରିବଲୁଦାନ ଇଜିମାର୍ହାର୍, “କେବଲ୍ ସିଂହାସନ୍ ମୁସୁକୁ ବାସ୍ତିମାନି ମାପୁରୁ ମାରି ମେଷସାବକ ମା ରକିୟାକିନିକାନ୍ ।”

୧୧ ସିଂହାସନ୍ତିଙ୍ଗ୍, ପେରିନେତାରିଙ୍ଗ୍ ମାରି ନାଲ୍ଏରିଙ୍ଗ୍ ଗେରେଆଜି ମୁସୁକୁପୁରତି ଦୁଡ୍କୁ ନିରେଏମାର୍ହେ । ଝାକ୍ ସିଂହାସନ୍ ଆଗଡି ବୁମିଦୁ ମାଡିସ୍ କିତେ ମାରି ମାପୁରୁଦି ଆରାଦନା କିଜି,

୧୨ ଇରେଏ “ଆମେନ୍ ! ପ୍ରସଂସା, ଗୌରବ୍, ବୁଦି, ଦନ୍ୟବାଦ୍, ସମ୍ମାନ, ଅଦିକାର୍ ମାରି ସାକ୍ତି ଜୁଗ୍ ଜୁଗ୍ ମାପୁରୁଦି ଆପିଡ୍, ଆମେନ୍ ।”

୧୩ ପେରିନେତାରି ମାଡାନକୁ ଅରେନ୍ ନାଙ୍ଗ୍ ଝେନ୍ବାତାନ, “ଅଡିନିଆଙ୍ଗ୍ ଆରାଡି ଆୟା ଲୋକୁ ଏର୍ ? ଝାର୍ ଏମେଟ୍କୁ ଝାତାମାନାର୍ ?”

୧୪ ☆ ନାନୁ ଇରୁଆ, “ଆଜ୍ଞା ! ନାନୁ ନେସେଏ । ନିନ୍ନୁ ନେସ୍‌ନିମାନି ।” ଖାନ ନାଜ୍ ଇର୍ହାନ, “ଇୟା ଲୋକୁ ବେସି ତାଡ଼ନା ପୋଇଜି ଖାତାମାନାର । ଖାର ମେଷସାବକଦି ନେତେରତାନ ନିଜେ ନିଜେଦି ଆଜ୍ ଇର୍ହାନ ନରବାଜି ସପା କିତାମାନାର ।

୧୫ ଆୟା ଉଣ୍ଡିଜ୍ ଖାର ମାପୁରୁଦି ମନ୍ଦିରତୁ ଖାନି ସିଂହାସନ୍ ଆଗ୍ତି ନିଲିଜି ଖେଡେ ନାଡ଼ା ଖାନି ଆରାଦନା କିଜିନାର । ସିଂହାସନ୍‌ତୁ ବାସ୍ତିମାନିକାନ ଖାରିଜ୍ ରମ୍‌ନିବାତି ସିନାନ ।

୧୬ ଖାର ମାରି ଏସାଜ୍‌ବା ବାଜ୍ କି ଏରିକି ସାଏରନ୍; ଖେଡ଼ା ତାତି ମାରି ଆଇ ଇନି ତାତି ଖାରିଜ୍ ଆଡ଼କ୍‌ତେଜ୍ କିଦେଜ୍ ଆର୍‌ଏଡ଼ ।

୧୭ ଇରିଜ୍, ସିଂହାସନ୍ ବାସ୍ତିମାନି ମେଷସାବକ ଖାରି ମେଣ୍ଡାଗାଉଡ଼ୁଆନାନ । ଖାନ ଜିବନ୍ ସିନି ଏରତି ସିନି ଲାକୁଡ଼ୁ ଖାରିଜ୍ ସାରିଦୁ କୁକୁନାଅନାନ ମାରି ମାପୁରୁ ଖାରି କାଣାଗ୍‌ଦି ଝିନ୍ନୁ କାଣେରଜ୍ ତେଲ୍‌ନାସିନାନ ।”

୮

ସାଡ଼ଗୋଟା ସିଲ୍‌ଆତିକେଜ୍

୧ ମେଷସାବକ ସାଡ଼ଗୋଟା ସିଲ୍‌ଆତିକେଜ୍ ରୁକିତି ଦାପ୍ରେ ମୁସ୍‌କୁପୁରୁତୁ ଉଣ୍ଡି ଅଦଗଣ୍ଡା ସାନ୍ଦି ସିମ୍ବା ଆତାସରାର ।

୨ ତାନିଝେନ୍‌କା ମାପୁରୁଦି ଆଗିଡ଼ି ନିନିମାନି ସାଡ଼ଗୋଟା ଦୁଡ଼କାଜ୍ ନାନୁ ସୁଡ଼ତୁ; ଖାନିକାଜ୍ ସାଡ଼ଗୋଟା ମରିଜ୍ ସିଆୟ୍‌ଆତେ ।

୩ ମାରି ଅରେନ୍ ଦୁଡ଼ ଉଣ୍ଡି ବାଜ୍‌ରାମତି ଦୁପିଣିଆଡ଼ନିକା ଅସି ବେଦି ଆଗିଡ଼ି ଖାଜି ନିରାଡ଼ । ସିଂହାସନ୍ ଆଗିଡ଼ି ମାନି ବାଜ୍‌ରାମ୍ ବେଦି ମୁସ୍‌କୁ, ମାପୁରୁଦି ଲୋକା ପାରତନାଦି ଦୁପୁଣିଦି ଖାଲେ ମିସାକିଜି ସିନି ଉଣ୍ଡିଜ୍, ଖାନିଜ୍ ନାଣ୍ଡ ଇସାପ୍‌ତାନ ଦୁପୁଣି ସିଆୟ୍‌ଆତାଡ଼ ।

୪ ଆୟା ଦୁଡ଼ଦି କିୟୁଦୁ କାସ୍‌ସିମାନି ଦୁପୁଣିଦି ଗୋଇଦି ଖାଲେ ମାପୁରୁଦି ଲୋକା ପାରତନାଦୁ ମିସାଜି ମୁସ୍‌କୁ ନିଜ୍‌ତାଡ଼ ।

୫ ☆ ତାନିଝେନ୍‌କା ଦୁଡ଼, କାସ୍‌ନିଦୁପିଣିଦାନ୍ ବେଦିଦୁ ସିସୁ ବତ୍ କିଜି ଆକା ଦୁନିଆ ମୁସୁକୁ ପୋକ୍‌ତା ସିତାଡ଼ । ତେନି ଉଣିଙ୍ଗ୍ ତିଡ଼ିତାଡ଼, ବାଦଡ଼ ମିରିସ୍‌ତାଡ଼ ମାରି ଭୁମିକମ୍ ଆତାଡ଼ ।

ମୋରିଙ୍ଗ୍ ଂ

୬ ତାନିଝେନ୍‌କା ସାତଗୋଟା ମୋରି ଆସ୍‌ତିମାନି ସାତଗୋଟା ଦୁଡ଼କୁ ମରି ଉକୁଡେ ତିଆର୍ ଆଡେ ।

୭ ପାରୁଡୁମ୍ ଦୁଡ଼ ମୋରି ଉକୁଡି ଦାପ୍ରେ ଆଣ୍ଡୁରାଗା କାଲୁକୁ, ସିସୁ ମାରି ନେଡେର୍ ଦେସ୍ ମୁସୁକୁ ଆର୍‌ଡେ । ତେନି ଝେନେକା ଝିକୁ ମାରାକ୍, ପାସି ଲାଗାଦି ଖାଲେ ଦୁନିଆଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଝେତାଡ଼ ।

୮ ତାନିଝେନ୍‌କା ମାରିଉଣ୍ଡି ଦୁଡ଼ ତାନି ମୋରି ଉକୁନି ଦାପ୍ରେ ଗୋରନ୍ ଖାଜା ତରୁନି ଉଣ୍ଡି ପେରି ସିସୁ ସାମୁଦୁର୍‌ଡୁ ପୋକାୟାଆତାଡ଼ ମାରି ସାମୁଦୁର୍ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ନେଡେର୍ ଆତା ସର୍ହାଡ଼,

୯ ସାମୁଦୁର୍‌ଡି ଜିଜିମାନି ଜାତୁଙ୍ଗ୍ ମାଡାନ୍‌କୁ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ସାତେସର୍‌ଏ ମାରି ସାମୁଦୁର୍‌ଡୁ ମାନି ଜାହାଜ୍‌କା ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଦଂସ ଆତାସର୍‌ଆଡ଼ ।

୧୦ ତାନିଝେନ୍‌କା ମୁନ୍‌ଡି ଦୁଡ଼ ତାନି ମୋରି ଉକୁତାଡ଼ । ଦାପେ ଦାପେ ବାଦଡ଼ତାନ୍ ଦିଝା ନାନି ଉଣ୍ଡି ନାଣ୍ଡ କାସ୍‌ନି ସୁକା ଝିକୁ ଗାଡେଙ୍ଗ୍ ମାରି ଜଲେଙ୍ଗ୍ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ମୁସୁକୁ ଖାଙ୍ଗ୍‌ଜି ଆର୍‌ଡାଡ଼ ।

୧୧ ଆୟା ସୁକାଦି ଦରୁ “କେୟ୍‌ନିକା ।” ଆବେଟ୍‌କୁ ଉଣି ଏରୁଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ କେୟ୍‌ତା ସର୍ହାଡ଼ ମାରି ଆୟା ଏରୁ ଉଣିଜି ନାଣ୍ଡ ଲୋକୁ ସାତାସରାଡ଼ ।

୧୨ ତାନିଝେନ୍‌କା ନାଲିଗି ନମ୍‌ରଡି ଦୁଡ଼ ତାନି ମୋରି ଉକୁନି ଦାପେ ଦାପେ, ଝେଡାଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍, ଲେଜୁଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ମାରି ସୁକେଙ୍ଗ୍ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ନାସୁ ଆତାଡ଼ । ଆଦେଙ୍ଗ୍ ଜାୟ୍‌ତି ମୁଣ୍ଡି ବାଗ୍‌ତାନ୍

ଉଣ୍ଡି ବାଗ୍ ସିକାଟି ଆତାଡ଼ । ଖେଡ଼େରି ମୁଣ୍ଡି ବାଗ୍ତାନ୍ ଉଣ୍ଡି ବାଗ୍
ଜାୟୁଆଏତାଡ଼ ମାରି ନାଡ଼ା ବା ଆୟାଞ୍ଜାଆ ଆତାଡ଼ ।

୧୩ ତାନିଝେନ୍‌କା ନାନ୍ ମାର୍‌ଜି ବେସ୍‌ତା, ବାଦଡ଼ତି ବେସି
ମୁସୁକୁରାନ୍ ଉଣ୍ଡି ଡେଗାପଟି ଇମିଜି ଇମିଜି ପେରିବଲୁଦାନ୍
ଇଜିନାଡ଼, “ହାୟ ! ଏସା ବୟଙ୍କାର ! ଆଇ ମୁଣ୍ଡି ଦୁଡ଼କୁ ମରି ଉକୁନି
ବେଡ଼ାଦୁ ଦୁନିଆଦି ଲୋକା ଅବସ୍ତା ଏସା କାସ୍‌ଆଏଡ଼ ମାନାଡ଼ ।”



୧୪ ତାନିଝେନ୍‌କା ପାଟ୍ ନମ୍‌ରତି ଦୁଡ଼ ମୋରି ଉକୁତାଡ଼ ମାରି ନାନ୍
ସୁଡ଼ତୁ, ଦାପେ ଦାପେ ବାଦଡ଼ତାନ୍ ଉଣ୍ଡି ସୁକା ଆରିଜି ଦେସ୍ ମୁସୁକୁ
ଆରତାଡ଼ । ତାନିଙ୍ ମାତାଲ୍‌ପୁରତି କୁସିକାଣ୍ଡି ସିଆୟୁଆତାମାରାଡ଼ ।

୧୫ ଖାଡ଼ ଖାଜି ପାତାଲ୍‌ତି ସେରଲା ରେତିଦାପ୍ରେ ଉନ୍‌ଡ଼ି ପେରି
ବାଟିଦାନ୍ ସୋସିମାନି ଗୋଇ ଖାଜା ପାତାଲ୍‌ତି କୁଣ୍ଡୁତାନ୍ ସିକାଟି
ଗୋଇ ସତାଡ଼ ମାରି ଆୟା ଗୋଇ ଉଣ୍ଡିଙ୍ ଖେଡ଼ା ନି ବାଦଡ଼ ସିକାଟି
ଆତାଡ଼ ।

୧୬ ମାରି ଆୟା ଗୋଇଦାନ୍ ମାଡ଼ିମାଉକୁ ସୋସି ଦୁନିଆଦୁ ଝିଜୁ
ତରିନ୍ ଆତେ । ଖାକ୍ ସରକୁପି ସାକ୍ତି ଖାଜା ସାକ୍ତି ସିଆୟୁଆତାଡ଼ ।

୧୭ ଦୁନିଆଦି ଲାଟା, ମାରାକ୍ ବା ଆମାଇନି ଜିନିମାରାନ୍‌ତିଙ୍ ନାଷ୍ଟୁ
କିଏଣ୍‌ଗା ଏମେଞ୍ଜାରି କାପାଲ୍‌ତୁ ମାପୁରୁଦି ଟାପତି ସିନା ସିଲେତାଡ଼,
କେବଲ୍ ଆୟାଞ୍ଜାରିଙ୍ କାସ୍‌ ସିନି ଉଣ୍ଡିଙ୍ ଆୟା ମାଡ଼ିମାଉକୁ ଖାତେ
ମାରେଏ ।

୧୮ ମାରି ଖାରିଙ୍ ସାପିସକିଏଣ୍‌ଗା ପାସ୍‌ଗୋଟା ଲେଜୁକୁ ସାନ୍ଦି
କେବଲ୍ କାସ୍‌ ସିଦେଙ୍ ମାଡ଼ିମାଉକୁ ଅଦିକାର୍ ପୋଇଡେମାରେଏ
। ସରକୁପି ଲୋକ୍‌ତିଙ୍ କାଟିଙ୍ ଏଣ୍ଡେସ୍ ଝିସାମ୍ ଆନାଡ଼, ଇୟା
ଝିସାମ୍ ଆୟାଞ୍ଜାଆ ଆନାଡ଼ ।

୧୯ ଆୟା ବେଡ଼ାଦି ଲୋଇ କାସ୍‌ପୋଇନି ଲୋକୁ ସାନିତାନିଙ୍
ପୋୟନାର୍, ମାତର୍ ପୋଇଦେଙ୍ ଆଟ୍‌ଏତାର୍ । ଖାଟ୍ ସାଦେଙ୍ ବଦା
କିନାର୍, ମାତର୍ ସାନିକା ଖାରି ଲାକ୍‌ତୁରାନ୍ ଉରକୁତାଡ଼ ।

୨୦ ମାଡ଼ିମାଉକୁଝିଜୁ ଜୁଦ୍‌କିନି ଉଣ୍ଡିଙ୍ ତିଆର୍‌ଆତିମାନି ଗଡ଼ା ଖାଜା
ତୋର୍‌ଜିମାରେ । ଖାନିକା ତାଲେକାଙ୍ ବାଙ୍ଗାଠାମତି ମୁକୁର୍ ଖାଜା
ତର୍‌ଜିମାରାଡ଼ । ଖାନିକା ମୋକମ୍ ଲୋକା ମୋକମ୍ ଖାଜା,

୮ ଆଇମେକା କୁକୁଟି ଖାଜା ଖାନିକା କୁକୁଟି ମାରାଡ଼, ଖାନିକା ପାଲୁକୁ ପାର୍ଗାନରେସ୍ ପାଲୁକୁ ଖାଜା ମାରେଏ ।

୯ ତାମେ ବକାଦୁ ଲୁହା ସାଜୁ ନାନି ଇନି ଜିନିସ୍ ପିଡ଼ିଗିତା ମାର୍ହାଡ଼ ମାରି ରତ ନି କୁଦବାଡ଼ିଦୁ ଉର୍କିସିମାନି ନାଣ୍ଡ ଗଡ଼େଙ୍ଗାଁ ଆଉଲି ଖାଜା ତାମେକା ଡେଣେଙ୍ଗାଁ ଆଉଲି ସୋସିମାରାଡ଼ ।

୧୦ ସରକୁପିଙ୍ଗାଁ ଖାଜା ତାମେକା ତକେଙ୍ଗାଁ ମାରି ଝିସାମ୍ମାର୍ହାଡ଼ । ଆୟା ତକାଦାନ୍ ପାସଗୋଟା ଲେଜୁକୁ ସାନ୍ଦି ଲୋକାଙ୍ଗ୍ କାସ୍ତୁ ସିନି ଉଣ୍ଡିଙ୍ଗାଁ ଖାକ୍ ସାକ୍ତି ପୋଇତେମାର୍ସ ।

୧୧ ତାମେକା ମୁସୁକୁ ଅରେନ୍ ରାଜା ସାସନ୍ କିଜିନାନ୍ । ଖାନ୍ ପାତାଲୁଡୁ ଦାୟିତଦୁ ମାନି ଅରେନ୍ ଦୁଡ଼ । ଏବି ବାସାଦାନ୍ ତାନି ଦରୁ ଆବାଦନ୍; ଗ୍ରିକ୍ ବାସାଦାନ୍ ଆୟା ଦରୁ ଆଜିନାଡ଼, ଆପୋଲ୍ଲୀୟନ୍ । ଆମାତାନି ଦରୁ ଦଂସକିନିକାଡ଼ ।

୧୨ ସୁଡ଼ଦୁ, ପାରୁଡୁମ୍ କାସ୍ତୁକ୍ ଝିଜିତା ସୋରାଡ଼ । ତେନିଝେନ୍‌କା ମାରି ରୁଣ୍ଡି ବୟଙ୍ଗାରତି କାସ୍ତୁ ଖାଜିନାଡ଼ ।

୧୩ ତେନିଝେନ୍‌କା ସୋଅ ନମ୍ବରତି ଦୁଡ଼ ତାନି ମୋରି ଉକୁନି ଦାପେ ମାପୁରୁଦି ଆଗିଡ଼ି ମାନି ବାଙ୍ଗାଁରାମ୍ ବେଦିଦି ନାଲିଗି କନାଦାନ୍ ନାନୁ ଉଣ୍ଡି ବଲ୍ଲ ଝେରଥା ।

୧୪ ଆୟା ମରି ଆସ୍ତିମାନି ସୋଅ ନମ୍ବରତି ଦୁଡ଼ତିଙ୍ଗାଁ ଆଦେସ୍ ସିତାଡ଼, “ୟୁପ୍ରେଟିସ୍ ପେରିଗାଡ଼ା ଲାକୁଡୁ ବନ୍ଦି ଆତିମାନି ନାଲିଗି ଦୁଡ଼କାଙ୍ଗାଁ ଡିସ୍ତୁ ।”

୧୫ ଆରୁଡିଙ୍ଗାଁ ଇୟା ବାସେକ୍, ଲେଜୁ, ଦିନ୍ ମାରି ବେଡ଼ାଦୁ, ଝିଜୁ ଲୋକା ଜାତିଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଲୋକାଙ୍ଗାଁ ସାପିସକିନି ଉଣ୍ଡିଙ୍ଗାଁ ଡିଆର୍ ଆଜିମାନି ଆୟା ନାଲିଗି ଦୁଡ଼କାଙ୍ଗାଁ ଡିସ୍ତା ସିତାଡ଼ ।

୧୬ ମାରି ନାନୁ ସୁଡ଼ତା, ଉଣ୍ଡି ଦଲ୍‌ଡି ଗଡ଼େଙ୍ଗାଁସାଲ୍‌କିନି ସୌନ୍‌ଦଲ୍ । ଖାରି ଇସାବ୍ ୨,୦୦୦୦୦ ଲକ୍ଷ ଇଜି ନାଙ୍ଗାଁ ଝେରତାସିତାଡ଼ ।

୧୭ ମାରି ନାନୁ ଦର୍ସନଡୁ ଗଡ଼ା ନି ତାମେ ସାଲ୍‌କିନିଝାରିଙ୍ଗାଁ ଇୟାଖାଜା ସୁଡ଼ତା, ଖାରି ବକାସାଜୁ ସିସୁ ଖାଜା ନେଡେର୍ ରଙ୍ଗ, ନିଲକାନ୍ତ ମଣି, ଖାଜା ନିଡ଼ି ମାରି ଗନ୍ଧକ ଖାଜା ଗେର୍କା ରଙ୍ଗ ମାରାଡ଼

। ଗଡ଼େଙ୍ଗୁ ନରେସ୍ ଖାଜା ତାଲାମାରାତ୍ ମାରି ତାମେ ଖେୟୁଦାନ୍ ସିସୁ, ଗୟି ନି ଗନ୍ଧକ ସତାତ୍ ।

୧୮ ଖାରି ଖେୟୁଦାନ୍ ସନି ସିସୁ, ଗୋଇ ମାରି ଗନ୍ଧକ ଖାଜା ଇୟା ମୁଣ୍ଡି କାସୁଦାନ୍ ମୁଣ୍ଡି ବାଗ୍ତାନ୍ ଉଣ୍ଡି ବାଗ୍ ଲୋକାଙ୍ଗୁ ସାପିସକିତାର୍ ।

୧୯ ଗଡ଼େଙ୍ଗୁ ସାକ୍ତି ତାମେ ଖେୟୁଦୁ ନି ତକାଦୁ ମାର୍ହାତ୍ । ତାମେକା, ତକେଙ୍ଗୁ, ତାଲେକ୍ ମାନି ସାରାସ୍ ଖାଜା ମାରି ଆବେଟ୍ଟୁ ଖାକ୍ ଲୋକାଙ୍ଗୁ ତାକ୍ସିମାରେସ୍ ।

୨୦ ମରଡ଼ିଦାନ୍ ସାଏଣ୍ଡା ତେବାତି ଲୋକୁ ଜାତିଦି, ଇନିକା ବା ବାଦେଲେ ଆସତାତ୍ । ଖାର ଦୁବେଆଙ୍ଗୁ ପୁଜାକିଦେଙ୍ଗୁ ଡିସ୍‌ସତାର୍ । ମାରି ସୁଡ଼ୁଦେଙ୍ଗୁ, ଖେନ୍‌ଡେଙ୍ଗୁ ମାରି ବୁଲାଦେଙ୍ଗୁ ଆଟ୍‌ଇକା ବାଙ୍ଗୁରାମ୍, ଖେଣ୍ଡି, ପିତଲ୍, କାଲୁ ନି ଖେରଗୁଦାନ୍ ତିଆର୍ ଆତିମାନି ଦିୟାମ୍‌କାଙ୍ଗୁ ପୁଜା କିନିକା ଡିସ୍‌ସତାର୍ ।

୨୧ ଖାର ମୋନ ଡେପ୍‌ସଣ୍ଡା ଲୋକ୍‌ସାପିସନିକା, ଗୁଣିଆ ବିଦ୍ୟା, ଦାରିପାଣିକିନିକା ମାରି ଡଙ୍ଗୁକିନି ବୁଦିଦୁ ମୁଜିତାମାରାତ୍ ।

୧୦

ଦୁଡ଼ ନି ଇସ୍ତି ବଇ

୧ ତାନିଖେନେକା ନାନୁ ସୁଡ଼ୁଡ଼ା, ମାରି ଅରେନ୍ ସାକ୍ତିମାନି ଦୁଡ଼ ମୁସ୍‌କୁପୁରତାନ୍ ରେତାଜି ଖାଜିନାନ୍ । ଖାନ୍ ବାଦଡ଼ଦାନ୍ ପିଡ଼ିଗିତା ମାର୍ହାନ୍ ମାରି ବାଦଡ଼ଦୁ ଖାନି ତାଲାଦିଙ୍ଗୁ କେରବିତାମାରାତ୍ । ଖାନି ମୋକମ୍ ଖେଡ଼ାଦି ଖାଜା ମାରି ପାଦାମ୍‌କୁ ସିସୁ ମୁଣ୍ଡା ଖାଜା ତୋରଜିମାରାତ୍ ।

୨ ଖାନି କିୟୁଦୁ ଉଣ୍ଡି ଇସ୍ତି କୁଡ଼ତି ବଇ ମାରାତ୍ । ଖାନ୍ ଖାନି ଉଣ୍ଡେରି ପାଦାମ୍ ସାମୁଦୁର୍ ମୁସ୍‌କୁ ମାରି ତେବିରି ପାଦାମ୍ ବୁନି ମୁସ୍‌କୁ ଇଟ୍‌ତାମାର୍ହାନ୍ ।

୩ ନରେସ୍ ଆଉଲି ଖାଜା ଆଉଲିକିଜି ଖାନ୍ କୁକୁତାନ୍, ଟିକ୍ ଆୟାଖାଜା ଆଉଲିକିଜି ସାତଗୋଟା ଡିଡ଼ିନିକେଙ୍ଗୁ ଇୟା ଆଉଲିଦାନ୍ ଉତର୍ ସିତେ ।

୪ ଝାଡ଼ ଆମାକା ଝାରିଗିତାର, ଆକା ନାନୁ ରାସ୍ତେଙ୍ଗ୍ ସଲ୍‌ସିମାର୍‌ହା, ମାତର୍ ମୁସ୍‌କୁପୁରୁତାନ୍ ଉଣ୍ଡି ପେରି ବଲ୍‌ହେର୍‌ଆ । ଆୟା ବଲ୍‌ଲୁ ନାଙ୍ଗ୍ ଇର୍‌ହାନ୍, “ବାଦଡ଼ ଆଉଲିଦୁ ଆମାକା ଝେର୍‌ଇମାନି, ଆକା ଆଡ଼ିକ୍‌ସି ଇଡିଆ; ରାସ୍‌ମା ।”

୫ ତାନିଝେନ୍‌କା ଏମେ ଦୁଡ଼ଦିଙ୍ଗ୍ ସାମୁଦୁର୍ ମାରି ବୁମି ମୁସ୍‌କୁ ନିରିଇମାନିକା ନାନୁ ସୁଡ଼ତୁମାର୍‌ହା, ଝାନ୍ ଝାନି ଉଣେରି କିୟୁ ମୁସ୍‌କୁପୁର୍ ତରିନ୍ ନିକିତାନ୍ ।

୬ ମାରି ଏନ୍ ମୁସ୍‌କୁପୁର୍, ଦୁନିଆ, ସାମୁଦୁର୍ ମାରି ଆବେମାନି ଝିଜୁ ବିସୟ ଡିଆର୍ କିତାମାନାନ୍, ଆୟା ଝିଜୁଦିନ୍‌ତି ମାପୁରୁଦି ଦରୁଦାନ୍ ପାରମାଣ୍‌କିଜି ଇର୍‌ହାନ୍, “ମାରି ଝେଡ଼ା ଡେରି ଆଏଡ଼ ।

୭ ଏସ୍ତିଝାଲେ ସାଡ଼ ନମ୍‌ରତି ଦୁଡ଼ ମୋରି ଉକୁନାଡ଼, ମାପୁରୁ ଝାନି ସେବକ ବାବବାଦିର୍ ଲାକୁଡୁ ଏମେ ମାରିଗିତି ମାନି ବାକ୍ୟ ଝେର୍‌ତାମାର୍‌ହାନ୍, ଆକା ଝିସ୍‌ନାନ୍ ।”

୮ ତାନିଝେନ୍‌କା ମୁସ୍‌କୁପୁର୍‌ତି ଆୟା ବଲ୍‌ଲୁ ନାଙ୍ଗ୍ ମାରି ଇର୍‌ହାନ୍, ସାଙ୍ଗ୍‌ଆ, “ସାମୁଦୁର୍ ମାରି ବୁମି ମୁସ୍‌କୁ ନିରିଇ ମାନି ଦୁଡ଼ଦି କିୟୁଦାନ୍ କୁଡ଼ତି ବଇ ଅଆ ।”

୯ ନାନୁ ଦୁଡ଼ଦି ଲାକୁଡୁ ସୋଲ୍‌ସି ଆୟା ଇସ୍ତି ବଇଦିଙ୍ଗ୍ ଲସ୍‌ତା । ଝାନ୍ ନାଙ୍ଗ୍ ଇର୍‌ହାନ୍, “ଅସି ତିନ୍‌ଆ । ନି ପଟା ଉଣ୍ଡିଙ୍ଗ୍ ଇକା କେୟନାଡ଼, ମାତର୍ ନି ଝେୟୁଦୁ ଇକା ପୁକି ଝାଜା ସାଝି ଝାନାଡ଼ ।”

୧୦ ନାନୁ ଆୟା ଇସ୍ତି ବଇଦିଙ୍ଗ୍ ଦୁଡ଼ତି କିୟୁଦାନ୍ ଅସି ତିର୍‌ଆ । ଆକା ନା ଝେୟୁଦୁ ପୁକି ଝାଜା ସାଝି ଆତାଡ଼, ମାତର୍ ଡିଙ୍ଗ୍‌ନି ଦାପ୍ରେ ପୋଟା ଲୋଇ କେଇତାଡ଼ ।

୧୧ ତାନିଝେନ୍‌କା ଏନ୍‌ନୋ ନାଙ୍ଗ୍ ଇର୍‌ହାନ୍, “ନାଣ୍ଡ ଦେସ୍‌କୁ, ଜାତି, ବାସାଦୁ ମାରି ରାଜାରି ବିସୟତାନ୍ ମାପୁରୁଦି କାବୁର୍ ମିର୍ ସୋଲ୍‌ସି ମାରିଡେସି ବାବବାଣି ଝେର୍‌ତୁ ।”

୧୧

ରିଏର୍ ସାକିର୍

୧ ତାନିଝେନ୍‌କା ଏନ୍ ଅରେନ୍ ଲେକିସ୍‌କିନି କାଣ୍ଡି ନାନି ଇସ୍ତି ବାଡିଗା ନାଙ୍ଗ୍ ସିଜି ଇର୍‌ହାନ୍, “ସାଙ୍ଗ୍‌ଆ, ମାପୁରୁଦି ମନ୍ଦିର୍ ନି ବେଦି

ଲେକିସ୍ କିଆ ମାରି ମନ୍ଦିରିତୁ ପାରତନା କିନିଝାରିଙ୍ଗ୍ ଲେକିସ୍ କିଆ ।

୨ ☆ମାତର୍ ମନ୍ଦିରିତ ଆତେରେ ମାନି ଦୁଆର୍ତିଙ୍ଗ୍ ଲେକିସ୍ କିମା । ଇରିଙ୍ଗ୍, ଆକା ଅଣଜିହୁଦିରିଙ୍ଗ୍ ସିଆୟ୍ ଆତାମାନାଡ୍ । ଝାର୍ ୪୨ ଗୋଟା ଲେଜୁକୁ ସାନ୍ଦି ଇୟା ପବିତ୍ର ଗାଡ଼ତିଙ୍ଗ୍ ମାଟ୍ସି ଇଡ଼ନାର୍ ।

୩ ବାସତେଙ୍ଗ୍ ଆରାତିମାନି ନା ରିଏର୍ ସାକିରିଙ୍ଗ୍ ନାନୁ ପୋକ୍ନା । ଝାର୍ ଆୟା ୧, ୨୬୦ ଦିନ୍ ସାନ୍ଦି ବାବବାଣି ଝେର୍ନାର୍ ।”

୪ ଆୟା ରିଏର୍ ସାକିର୍ ଦୁନିଆଦି ପ୍ରବୁଦି ଆଗିଡ଼ି ନିରିଇମାନି ରୁଣ୍ଡି ଜିତ ମାରାକ୍ ନି ରୁଣ୍ଡି ଦିଝେଙ୍ଗ୍ ଝାଜା ।

୫ ଜଦି ଏନ୍ ଝାରି ନାସୁ କିଦେଙ୍ଗ୍ ଚେଷ୍ଟାକିନାନ୍, ଆର୍ତିଙ୍ଗ୍ ଝାରି ଝେୟ୍ଦାନ୍ ସିସୁ ସୋସି ସାତୁରି ଦଂସ କିନାଡ୍ । ଇୟାଝାଜା ଏନ୍ ଝାରି କେତି କିଦେଙ୍ଗ୍ ସୋନାନ୍, ଝାନ୍ ଦଂସ ଆନାନ୍ ।

୬ ମାପୁରୁଦି କାବୁର୍ ଝେର୍ନି ବେଡାଦୁ ବାଦଡ଼ତିଙ୍ଗ୍ କେର୍ପିସି ପିରୁଦିଙ୍ଗ୍ ଟେବାକିନି ଅଦିକାର୍ ଝାରିଙ୍ଗ୍ ସିଆୟ୍ ଆତାମାନ୍ତାଡ୍ । ଏରୁ ଜଲା ନେତେର୍ତୁ ମାର୍ତେଙ୍ଗ୍ ମାରି ନିଜେ ବଦାଦାନ୍ ଦୁନିଆଦୁ ମାରିଡେସି ମର୍ତ୍ତି ଆରାମ୍ କିଦେଙ୍ଗ୍ ଝାରି ଅଦିକାର୍ ମାନାଡ୍ ।

୭ ☆ଝାର୍ ସାକ୍ୟ ଝେର୍ତେଙ୍ଗ୍ ସେସ୍ କିନି ଝେନ୍କା ପାତାଲ୍ପୁରତାନ୍ ଉଣ୍ଡି ଜାତୁ ନିଙ୍ଗ୍ ଜି ଝାଜି ଝାରି ବିରୁଦ୍ଦତାନ୍ ଜୁଦ୍ କିନାଡ୍ ।

୮ ଝାଦ୍ ଝାରିଙ୍ଗ୍ ଆରାକିଜି ସାପିସ୍ କିନାଡ୍ ମାରି ଆମା ପେରିଗାଡ଼ତୁ, ପେରିଜାରିଦୁ ପ୍ରବୁ କୁସଦୁ ସାତାମାରାନ୍, ଆବେନୁ ଝାରି ମାଡା ତେବାନାଡ୍ । ଆୟା ଗାଡ଼ତିଙ୍ଗ୍ ଆମ୍ବାଦୁମାନି ସଦମ୍ ବା ମିସର୍ ଇଜି ଇନ୍ତେଙ୍ଗ୍ ଆଟ୍ନାର୍ ।

୯ ଝିଜୁ ଦେସକୁ, କୁଟୁମ୍, ବାସାବାଦି ମାରି ଜାତିଦି ଲୋକୁ ମୁନେନ୍ ଆଦା ସାନ୍ଦି ଆୟା ମାଡେଙ୍ଗ୍ ସୁଣାର୍ ମାରି ଆୟାଝାନିକାଙ୍ଗ୍ ମୁସୁନି ଉଣ୍ଡିଙ୍ଗ୍ ଡିସଏର୍ ।

୧୦ ଇୟା ରିଏରି ସାନି ଉଣ୍ଡିଙ୍ଗ୍ ଦେସତି ଲୋକୁ ଝେଡିକା ଆନାର୍, ଉଣିଜି ତିନିଜି କିଜି ନିଜେ ନିଜେଦି ଲାକୁଡୁ ଦାନ୍ ପୋକନାର୍; ଇରିଙ୍ଗ୍ ଆୟା ବାବବାଦିରି ଉଣ୍ଡିଙ୍ଗ୍ ଦେସତି ଲୋକୁ ନାଣ୍ଡ ବାଦା ଆଜିମାରାର୍ ।

୧୧ ମାତର ମୁନେନ୍ ଆଦା ଦିନ୍ ଖେନକା ମାପୁରୁଦି ମାଡାନ ଜିବନ୍
 ଖାଜି ଖାରି ମେନ୍ଦଲ ଲୋଇ ଡଗ୍ରିତାଡ଼ ମାରି ଖାର ନିଙ୍ଗୁଁ ଜି ନିରାର ।
 ଏମେକାର ଇୟା ଗଟନା ସୁଡ଼ତୁର, ଖାର ନାଣ୍ଡ ତିଲାତାର ।

୧୨ ମାରି, ଆୟା ରିଏର ବାବବାଦି ଖାରିଙ୍ଗ ମୁସକୁପୁରତାନ୍ ନାଣ୍ଡ
 ଆଉଲିଦାନ୍ ଇୟା ବଲୁ ଇଜିମାନି ଉଣ୍ଡି କାରୁର୍ ଖେରାର, “ଇବେନ୍ନୁ
 ନିଙ୍ଗୁଁ ରାଦୁ !” ଖାରି ସାତୁର୍ ସୁଡ଼ତୁ ସୁଡ଼ତୁ ଖାର ବାଦଡ଼ ଦୁରିଦୁ
 ମିସାଜି ମୁସକୁପୁରତୁ ସୋରାର ।

୧୩ ☆ ଟିକ୍ ଆୟା ବେଡାଦୁ ନାଣ୍ଡ ଭୁମିକମ୍ପ ଆତାଡ଼, ଗାଡ଼ତି ଦସ୍‌ବାଗ୍
 ଦଂସ ଆତାଡ଼ ମାରି ବୁମିକମ୍ପଦୁ ୭,୦୦୦ ହଜାର ଲୋକୁ ସାତାସରାର ।
 ଜିତିମାନି ଲୋକୁ ତିଲାଜି ମୁସକୁପୁରତି ମାପୁରୁଙ୍ଗୁଁ ଦନ୍ୟବାଦ୍ କିତାର ।

୧୪ ଇୟା କାସୁ ସେସ୍ ଆତାଡ଼; ମାତର ତିନି ନମ୍ବରତି କାସୁ ଇଗା
 ଖାଜିନାଡ଼ ।

ସାତଗୋଟା ମୋରି ଉକୁନିକାଡ଼

୧୫ ତାନିଖେନକା ସାଡ଼ ନମ୍ବରତି ଦୁଡ଼ ତାନି ମୋରି ଉକୁତାଡ଼ ମାରି
 ମୁସକୁପୁରୁ ନାଣ୍ଡ ଆଉଲଦି ଖାଲେ ଇୟା କାରୁର୍ ଖିଙ୍ଗିତାଡ଼ ! “ମା
 ପ୍ରୁ ମାରି ଖାନି ମସିହ ଦୁନିଆ ମୁସକୁ ସାସନ୍ କିନି ଅଦିକାର ଇଲେଇ
 ନିଜେ କିଦୁ ଅତାମାନାନ୍ । ଖାନ୍ ଇବେନ୍ନୁ ଖିଜୁଦିନ୍ ସାସନ୍ କିନାନ୍ ।”

୧୬ ତେନିଖେନକା ମାପୁରୁଦି ଆଗିଡ଼ି ନିଜେ ନିଜେଦି ସିଂହାସନ୍‌ଦୁ
 ବାସିସ୍ତିମାନି ୨୪ ଲୋକୁ ପେରିନେତାର ମାଡ଼ିସ୍ କିଜି ମାପୁରୁଦି
 ଆରାଦନା କିଜି,

୧୭ ଇର୍ହାନ୍, “ଏ ସର୍ବସାକ୍ତିମାନ୍ ମାପୁରୁ, ନିନ୍ନୁ ଆଗିଡ଼ି ମାରି ଇଲେଇ !
 ମାପୁ ନିଙ୍ଗୁଁ ଦନ୍ୟବାଦ୍ ସିଜିନାପ୍;

ଇରିଙ୍ଗ ନି ପେରିସାକ୍ତିଦାନ୍ ଦେସ୍‌ତିଙ୍ଗ ବଜୁ ଅତିମାନି ।

୧୮ ଅଣଜିହୁଦିର୍ ରିସା ଆତାମାନାର୍;

ଇରିଙ୍ଗ ନି ରିସାଦି ବେଡା ଇଗା ଖାତାଡ଼,

ସାତିକାର ଇଲେ ବିଚାର ଆନାର ।

ନି ସେବକ ବାବବାଦିର୍, ସାଦୁର୍

ମାରି ଏମେକାର ନିଙ୍ଗୁଁ ତିଲାଜିନାର୍,

ପେରିକାର ନି ଇସ୍ତିକାର ଝିଜେରେ ପୁରସ୍କାର ପୟନାର ।
ମାରି ଏମେକାର ଦୁନିଆଦିଙ୍କ ଦଂସ କିନାର, ଝାନ ବା ଦଂସ ଆନାର
।”

୧୯ ✧ ମୁସକୁପୁରୁ ମାନି ମାପୁରୁଦି ମନ୍ଦିର ସେରଲା ରେଆତାଡ଼
ମାରି ମନ୍ଦିରୁ ନିୟମ୍ ପେଡ଼ା ମାନିକା ତରିତାଡ଼ । ତାନିଝେନକା
ବାଦଡ଼ ମିରିସ୍ତାଡ଼, ବିଜ୍ଜାକ୍ତାଡ଼, ଭୁମିକମ୍ ମାରି ନାଶ୍ ଆଡ଼ରାଗା
ପିରୁ ଆତାଡ଼ ।

୧୨

ଅରେଡ଼ ଆଇ ମାନି ପେରି ସାରାସ୍

୧ ଝେନକା ବାଦଡ଼ୁ ଉଣ୍ଡି ପେରି ନି କାବାଆନି ସିନା ତୋରିତାଡ଼
। ଅରେଡ଼ ଆଇମା ଝେଡ଼ାଦି ଜାୟ ଆରାତାମାରାଡ଼ । ତାନି ପାଦାମ୍
ଆଡ଼ଗି ଲେଜୁ ମାରି ତାଲାଦୁ ବାରଗୋଟା ସୁକେଙ୍କ ମାନି ଉଣ୍ଡି ମୁକୁର୍
ମାରାଡ଼ ।

୨ ଝାଦ୍ ଗାର୍ବୁଦୁ ମାର୍ହାଡ଼ ମାରି ଜନମ୍ କିନି ଝିସାମ୍ତାନ୍ କସ୍ତ
ପୟଜି ମାର୍ହାଡ଼ ।

୩ ବାଦଡ଼ୁ ମାରି ଉନ୍ତ୍ର କାବାଆନି ସିନା ତୋରିତାଡ଼ । ନେତେର୍
ରଙ୍ଗତି ସାରାସ୍ ଝାଜା ଉନ୍ତ୍ର ପେରି ଜାଡୁ, ତାନିଙ୍କ୍ ସାଡ଼ଗୋଟା
ତାଲେକ୍, ଦାସ୍ଗୋଟା କମୁକୁ ମାରି ଝିଜୁ ତାଲେକାଙ୍କ୍ ଉନ୍ତ୍ର ଲାକା
ମୁକୁର୍ ମାରାଡ଼ ।

୪ ଆୟାକାଡ଼ ତାନି ତକାଦାନ୍ ବାଦଡ଼ତାନ୍ ମୁନ୍ତ୍ରିବାଗ୍ତାନ୍
ଉନ୍ତ୍ରିବାଗ୍ ସୁକେଙ୍କ୍ ରେଲ୍ଜିତାସି ଦୁନିଆ ମୁସୁକୁ ପୋକ୍ତାଡ଼ । କଡ଼
ଜନମ୍ ଆତି ଦାପେ ଦାପେ ଝାନିଙ୍କ୍ ତିନି ଉଦେସ୍ତାନ୍ ସାରାସ୍ ଆୟା
ଆଇମା ଲାକଡ଼ୁ ଝାତାଦୋ ନିରାଡ଼ ।

୫ ଟିକ୍ ଆୟା ଝେଡ଼ାଦୁ ଆଇମା ଅରେନ୍ କଡ଼ପିଲାଦିଙ୍କ୍ ଜନମ୍
କିତାଡ଼ । ମାତର୍ ଲୁଝା ଦଣ୍ଡ ସାକାଦାନ୍ ଝିଜୁ ଜାତିମୁସୁକୁ ସାସନ୍ କିନି
ଉଣ୍ଡିଙ୍କ୍ ଟିକ୍ ବେଡ଼ାଦୁ ଆୟା କଡ଼ ପେରାୟଆଜି ମାପୁରୁ ସିଂହାସନ୍
ଲାକୁଡୁ ଅଆୟ ଆତାନ୍ ।

୬ ମାରି ଆୟା ଆଇମା ମରୁଜାଗାଦୁ ଉରକୁତାଡ଼ । ଆବେନ୍ ୧, ୨୭୦
ଦିନ୍ ସାନ୍ ଝାଦ୍ ମାନି ଜାଗା ମାପୁରୁ ତିଆର୍ କିତାସିତାମାର୍ହାନ୍ ।

୭ ☆ତାନିଝେନକା ମୁସକୁପୁରଦୁ ଜୁଦ୍ ଆରାମ୍ ଆତାଡ୍ ।
ମୀଖାୟେଲ୍ ମାରି ତାମେ ଦୁଡ୍‌କୁ ଆୟା ପେରି ସାରାସ୍ ମାରି ତାନି
ସେବାକିନିଝାରି ଝାଲେ ଜୁଦ୍ କିତାଡ୍ ।

୮ ଜୁଦ୍‌ଦୁ ସାରାସ୍ ମାରି ତାନି ଦୁଡ୍‌କୁ ଆରାତାର୍ ମାରି ଝାର୍ ମାରି
ମୁସକୁପୁରଦୁ ଜାଗା ପୋଇଏତାର୍ ।

୯ ☆ଆୟା ସାରାସ୍ ଆଜିନାଡ୍, ଝିଜୁ ଦୁନିଆଦିଙ୍ ବାଣ୍ଟିସ୍
କିତିମାନି ସାକ୍ତି ପୁର୍ବେଦି ସାରାସ୍, ସୟତାନ୍; ତାନି ଦୁଡ୍‌କା ଝାଲେ
ମୁସକୁପୁରଦାନ୍ ପୋକାୟାଆଜି ଦୁନିଆଦି ମୁସୁକୁ ଝାଜି ଆରତାଡ୍ ।

୧୦ ତାନିଝେନକା ନାନୁ ମୁସକୁପୁରତୁ ପେରି ଆଉଲିଆଜିନିକା
ଉଣ୍ଟି ମାଟା ଝେରୁଆ, “ଇଲେଇ ମାପୁରୁଦି ରକିୟା ଇତାଡ୍ ।
ଝାନି ରାଜା ସାକ୍ତି ମାରି ଝାନି ମସିହୁଦି ଅଦିକାର୍ ତରତାମାନାନ୍
ଏମେ ମିର୍‌ଝେରନିକାନ୍ ଝେଡେ ନାଡ଼ା ମାପୁରୁଦି ଆଗିଡି ନିଲିଜି,
ମା ମାପୁରୁଦି ତଡାନ୍‌କା ନି ତାଙ୍ଗ୍‌କା ବିରୁଦ୍‌ତାନ୍ ମିର୍ ଦାବି
କିଜିମାର୍‌ହାଡ୍, ଝାନ୍ ନେରୁ ମୁସକୁପୁରଦାନ୍ ପୋକାଇଆତାନ୍ ।

୧୧ ମେଷସାବକଦି ନେତେରୁତି ସାକ୍ତିଦାନ୍ ମାରି ଝାର୍ ସାକ୍ୟ
ଝେରିସିମାନି ସଡ୍ ବିସୟ ଉଣ୍ଟିଙ୍ ଜିବନ୍‌ସିଦେଙ୍ ତିଆର୍ ଆତିମାନିଙ୍
ମା ତଡାନ୍‌କୁ ନି ତାଙ୍ଗ୍‌କି ଜିଣାତାମାନାର୍ ।

୧୨ ଆରତିଙ୍ ମୁସକୁପୁର ନି ଦୁନିଆଦୁମାନି ଝିଜେରେ ଝେଡିକା
କିଦୁ । ମାତର୍ ଆୟ୍ ! ଦୁନିଆଦି ବୁମି ନି ସାମ୍‌ଦୁରୁ ଝିଜୁ ! ମି
ଦଣ୍ଟ ଏସା ବୟ୍‌ଜାର୍ ! ଇଲେ ସୟତାନ୍ ମି ଲାକୁତୁ ମାରି ଝାଦ୍
ବେସି ରିସାଆତାମାନାଡ୍, ମାତର୍ ଝାଦ୍ ନେସ୍‌ନାଡ୍, ତାନି ଝେଡ଼ା ଇଗା
ଝାତାଡ୍‌ନି ।”

୧୩ ଦୁନିଆଦୁ ପୋକ୍‌ନିକା ସୁଡ଼ୁଟି ସୟତାନ୍ କଡ୍‌ଦି ଜନମ୍‌ସିତି ଆୟା
ଆଇମାଦିଙ୍ ପେରିତାଡ୍ ।

୧୪ ସାରାସ୍‌ଦି ଆକ୍ରମଣଦାନ୍ ରକିୟା ପୋଇନି ଉଣ୍ଟିଙ୍ ଆଇମାଦିଙ୍
ରୁଣ୍ଟି ପେରି ତେଗା ପୋଟିଦି ରେକେଙ୍ ସିଆୟ୍‌ଆତାଡ୍ । ତାନି
ସାକାଦାନ୍ ଝାଦ୍ ମରୁଜାଗାଦୁ ନିଜେଦି ତେବାନି ବାଡିଦୁ ଇମିଜିସଲ୍‌ସି,
ଆବେନ୍ ମୁନ୍‌ଡି ବାର୍‌ସେକ୍ ଆଦା ସାନ୍ଦି ସାନ୍ତିଜାଗାଦୁ ତେବାଦେଙ୍
ଇଚାକିତାଡ୍ ।

୧୫ ତାନିଝେନକା ଆଇମାଦିଙ୍ଗ୍ ଏରୁତୁ ଦେଲ୍ପିସ୍ ଅତେଙ୍ଗ୍ ଇଜି ସାରାସ୍ ନିଜେଦି ଝେୟୁଦାନ୍ ତାନି ଝେନକା ଝେନକା ଉଣ୍ଡି ପିରୁଏରୁ ସପ୍ତାତ୍ ।

୧୬ ମାତର ଆଇମାଦିଙ୍ଗ୍ ରକ୍ଷାକିନି ଉଣ୍ଡିଙ୍ଗ୍ ଦୁନିଆ ନିଜେଦି ଝେୟୁ ରେସି ସୟତାନ୍ତି ଝେୟୁଦାନ୍ ସୋସିମାନି ଝିନ୍ଦୁ ଏରୁଦିଙ୍ଗ୍ ଉଟାନ୍ ।

୧୭ ଆବେଟ୍‌କୁ ସୟତାନ୍ ଆଇମାଦି ମୁସୁକୁ ନାଣ୍ଡିରିସା ଆଜି, ତାନି କୁରୁମ୍ ଏମେ ତେବାତି ଲୋକୁ ମାପୁରୁଦି ମାଟା ମାନାନାର୍ ମାରି ଜିସୁଦି ବିସୟତାନ୍ ସାକି ସିନାର୍, ଝାରି ଝାଲେ ଜୁଦ୍ କିଦେଙ୍ଗ୍ ସତାତ୍ ।

୧୮ ମାରି ସୟତାନ୍ ସାମୁବୁରଦି ପାଡ଼ି ସଲ୍‌ସି ନିରାନ୍ ।

୧୩

ରୁଣ୍ଡି ଜାତୁଙ୍ଗ୍

୧ ☆ତାନି ଝେନେକା ନାନ୍ ସୁତୁତା, ଉଣ୍ଡି ଜାତୁ ସାମୁବୁରୁ ଲୋଇରାନ୍ ନିଙ୍ଗ୍‌ଜି ଝାଜିନାଡ଼ ତାନିଙ୍ଗ୍ ଦସଗୋଟା କମୁକୁ ମାରି ସାତଗୋଟା ତାଲେକ୍ । ଝିନ୍ଦୁ କମୁକାଙ୍ଗ୍ ଉଣ୍ଡି ଉଣ୍ଡି ମୁକୁଟ୍ ମାରାଡ଼ ମାରି ଝିନ୍ଦୁ ତାଲେକାଙ୍ଗ୍ ଉଣ୍ଡି ଉଣ୍ଡି ମାପୁରୁଙ୍ଗ୍ ନିନ୍ଦାକିନି ସିନା ଦରୁ ରାସାତାମାରାଡ଼ ।

୨ ଅଡ଼ଜୁ ଉଣ୍ଡି କାବ୍‌ରା ନରେସ୍ ଝାଜା ତୋରିଜିମାରାଡ଼ । ତାନି ପାଦାମ୍‌କୁ ଅଡ଼ଜୁ ପାଦାମ୍‌କୁ ଝାଜା ମାରି ଝେୟୁ ନରେସ୍ ଝେୟୁ ଝାଜା । ସାରାସ୍ ଇୟା ଜାତୁଦିଙ୍ଗ୍ ନିଜେଦି ସାକ୍ତି, ସିଂହାସନ୍ ମାରି ପେରିଅଦିକାର୍ ସିତାନ୍ ।

୩ ଜାତୁଦି ଉଣ୍ଡି ତାଲା ନାଣ୍ଡି ଗାଉ ଆତିମାରି ଝାଜା ମନେ ଆଜିମାରାଡ଼ । ମାତର ଗାଉ ବାତି ନେଗେନ୍ ଆତାମାରାଡ଼ ମାରି ଦୁନିଆଦି ଲୋକ୍ ଝିଜେରେ କାବାଆଜି ଜାତୁଦି ଝେନେକା ସରାର୍ ।

୪ ମାରି, ଝିଜେରେ ଜାତୁଦିଙ୍ଗ୍ ଅଦିକାର୍ ସିତିମାନି ସାରାସ୍‌ତିଙ୍ଗ୍ ପୂଜା କିତାର୍ । ଝାର୍ ଜାତୁଦିଙ୍ଗ୍ ବା ପୂଜା କିଜି ଇର୍ହା, “ଏନ୍ ଇୟା ଜାତୁଦି ସାମାନ୍ ଆନାନ୍ ? ଏନ୍ ତାନି ବିରୁଦ୍‌ତାନ୍ ଜୁଦ୍ କିଦେଙ୍ଗ୍ ଆଡ଼ିନାନ୍ ?”

୫ ଜାତୁ ଗରବତାନ୍ ମାଟା ଖାରିଗିଜି ମାରାତ୍ ମାରି ମାପୁରୁ ନିନ୍ଦା କିଜିମାରାତ୍, ଆରିତିଙ୍ଗବା ୪୨ ଗୋଟା ଲେଙ୍ଗୁକୁ ସାନ୍ଦି ସାସନ୍ କିନି ଉଣିଙ୍ଗ ତାନିଙ୍ଗ ସାରି ପୁଟ୍ତାତ୍ ।

୬ ମାପୁରୁଦି, ଝାନି ଦରୁ ମାରି ଝାନି ବାସାନିବାତି ମାରି ମୁସକୁପୁରଦୁମାନି ଝିଜେରିଙ୍ଗ ଝାନ୍ ଆନାଦୁରିଆ ସିଦେଙ୍ଗ ଆସ୍ତାନ୍

୭ ମାପୁରୁଦି ଲୋକା ବିରୁଦ୍ଦତାନ୍ ଜୁଦ୍ କିଜି ଖାରିଙ୍ଗ ଆରା କିଦେଙ୍ଗ ଝାନ୍ ସାରି ପୋଇତାନ୍ ମାରି ଝିଜୁ କୁଟୁମ୍, ଦେସ୍ ମାରି ବାସା ମାରି ଜାତି ମୁସକୁ ତାନିଙ୍ଗ ଅଦିକାର୍ ସିଆୟ୍ ଆତାତ୍ ।

୮ ଦୁନିଆ ତିଆରୁଆନି ପୁର୍ବେଦାନ୍ ଏମେଝାରି ଦରୁ ସାତିମାନି ମେଷସାବକତି ଜିବନ୍ ବଇଦୁ ରାସାତାମାରାତ୍, ଖାରିଙ୍ଗ ଡିସ୍ତିଙ୍ଗ ଦୁନିଆଦି ଆଇ ଝିଜେରେ ଆୟା ଜାତୁଦିଙ୍ଗ ପୁଜାକିନାର୍ ।

୯ “ଏମେଝାନିଙ୍ଗ ଗିତଣିଙ୍ଗ ୌମାନେ ଝାନ୍ ଝେନିନ୍ ।

୧୦ ମାପୁରୁଦି ବଦା ଇସାବତାନ୍ ଏନ୍ ତରାୟ୍ ଆନିକାମାନାତ୍, ଝାନ୍ ସତେନେ ତରାୟ୍ ଆନାନ୍ । ଏନ୍ ଆଇଝାନିଙ୍ଗ କାଣ୍ଡାସାରି ସାପିସ୍ କିନାନ୍, ଝାନ୍ ନିଜେ କାଣ୍ଡାସାରି ସାନାନ୍ । ମାପୁରୁଦି ଲୋକା ଉଣିଙ୍ଗ ସାସ୍ ନି ବିସ୍ବାସ୍ ଲୋଡ଼ା ମାନାତ୍ ।”

୧୧ ତାନିଝେନକା ନାନୁ ସୁଡୁଡା, ମାରି ଉଣି ଜାତୁ ବୁମି ଲୋଇରାନ୍ ନିଙ୍ଗି ଜି ଝାଜିନାତ୍ । ମେଷସାବକତି କମୁକୁ ଝାଜା ତାନି ରୁଣି କମୁକୁ ମାର୍ଏ ମାରି ଝାନ୍ ପୁର୍ବେଦି ସାରାସ୍ ଝାଜା ମାଟା ଇଜିମାରୁଆତ୍ ।

୧୨ ଇୟା ମାରିଉନ୍ତ୍ରୁ ପସୁ ପାର୍ତୁମ୍ ପସୁଦି ମାନିମାନୁ ତାନି ଅଦିକାର୍ ବ୍ୟବହାର୍ କିଜି ପାର୍ତୁମ୍ ପସୁଦି ପୁଜା କିନି ଉଣିଙ୍ଗ ଦୁନିଆଦୁ ବାସାନି ଝିଜେରିଙ୍ଗ ରାଜି କିତାତ୍ । ଆମାତାନି ଗାଉ ନେଗେନ୍ ଆତାମାର୍ହାତ୍,

୧୩ ମାରିଉଣି ପସୁଦି ପେରି କାବାଆନି ପାଣି ଝିଜୁ ପୁରାକିତାତ୍ । ଝିଜେରି ଆଗିଡି ମୁସକୁପୁରତାନ୍ ଦୁନିଆ ମୁସକୁ ସିସୁ ପିରୁଆରାପ୍ତାତ୍ ।

୧୪ ମାରି ପାର୍ତୁମ୍ ପସୁଦି ମାନିମାନୁ ଇୟାଝାଜା ନାଣ୍ଡ କାବାଆନି ପାଣି କିଜି ଦୁନିଆଦି ଲୋକାଙ୍ଗ ଝିଜେରିଙ୍ଗ ବାଣ୍ଡିସ୍ କିତାତ୍ । କାଣ୍ଡାସାରି ଗାଉ ଆଜି ନେଗେନ୍ ଆତିମାର୍ଇ ଆଗିଡିରି ପସୁଦିଙ୍ଗ

ସନ୍ମାନିତ ଉଣ୍ଡିଙ୍ଗ ତାନି ଉଣ୍ଡି ବମା ତିଆର କିଦେଙ୍ଗ ମାରିଉନ୍ତୁ ପସୁ ଲୋକାଙ୍ଗ ଆଦେସ୍ ସିତାତ୍ ।

^{୧୫} ପାରତୁମ୍ ପସୁଦି ବମାଦୁ ଜିବନ୍ସିଜି ତାନିଙ୍ଗ ଜିବନ୍ କିନି ଉପାୟ ମାରିଉନ୍ତୁ ପସୁ ନେସ୍ତାମାରାତ୍ । ଆବେଟ୍ ବମା ଖାରିଗିତାତ୍ ମାରି ଏମେକାର୍ ତାନି ପୁଜାକିଏତାର୍, ଖାରିଙ୍ଗ୍ ସାପିସ୍ କିଦେଙ୍ଗ ଅଦିକାର୍ ସିଆୟଆତାତ୍ ।

^{୧୬} ମାରି ପେରି ଇସ୍ତି, ପାଣିକିନିକାନ୍, ବା ମୁକ୍ତାତିକାନ୍, ମାଜନ୍ କାକୁତ୍, ଷ୍ଟିଜେରିଙ୍ଗ ଉଣିକିୟୁଦୁ ସିଲେତିଙ୍ଗ୍ କାପାଲ୍ତୁ ଉଣ୍ଡି ସିନା ତାକାଦେଙ୍ଗ୍ ଖାଦ୍ ଲୋକାଙ୍ଗ୍ ରାଜି କିତାତ୍ ।

^{୧୭} ପସୁଦି ଦରୁ ବା ଆୟା ଦରୁଦି ସିନା ଉଣ୍ଡି ଇସାବ୍ ତାକାଏଜି ମାନି ଏନ୍ କଡ଼ଦେଙ୍ଗ୍ ପୋର୍ଦେଙ୍ଗ୍ ଆଟ୍ଏନ୍ ଇଜି ପସୁ ଆଦେସ୍ ସିତାତ୍ ।

^{୧୮} ଇବେନ୍ନୁ ବୁଦି ଦରକାର୍ ଏମେଞ୍ଜାନିଙ୍ଗ୍ ବୁଦି ମାନାତ୍ ଖାନ୍ ପସୁଦି ଇସାପ୍ କିପିନ୍, ମାତର୍ ଆକା ଅରେନ୍ ଲୋକୁ ଇସାପ୍, ମାରି ଆୟା ଇସାପ୍ ଆଜିନାତ୍ ୨୨୭ ।

୧୪

ମେଣ୍ଡାପିଲା ନି ଖାନି ଝେନ୍କାବୁଲାନିଲୋକୁ

^୧ ତାନିଝେନ୍କା ନାନୁ ସୁଡ଼ୁଆ, ମେଣ୍ଡାପିଲା ସିୟୋନ ଗୋରନ୍ ମୁସୁକୁ ନିରାମାନାନ୍ । ଖାନି ଖାଲେ ୧୪୪,୦୦୦ ଲୋକୁ ମାର୍ହାର୍ । ଖାରି କାପାଲ୍ତୁ ମେଣ୍ଡାପିଲା ମାରି ଖାନି ବୁବାଦି ଦରୁ ରାସାତାମାରାତ୍ ।

^୨ ତାନିଝେନ୍କା ନାନୁ ଝେରୁଆ, ଏରୁ ଖାଙ୍ଗିନିଆଉଲି ମାରି ମିରସିନି ଆଉଲି ଖାଜା ମୁସୁକୁପୁରତାନ୍ ଉନ୍ତୁ ବଲ୍ଲୁ ଖାତାତ୍ । ବାଜାଏସ୍ନିକାର୍ ବାଜାଏସ୍ସି ମାନି ମୋରି ଝୁମ୍ବକା ଖାଜା ଆକା ଝେନ୍ଜି ମାର୍ହାର୍ ।

^୩ ଆୟା ୧୪୪,୦୦୦ ଲୋକୁ ମୁସୁକୁପୁର ସିଂହାସନ୍ଦୁ, ନାଲ୍ଗି ଜାତୁଙ୍ଗ୍ ମାରି ମଣ୍ଡଲିଦି ପେରିନେତାରି ଆଗଡ଼ି ନିର୍ହାର୍ । ଖାର୍ ପୁନିପାଟା ପାରିଜିମାରାର୍ । ଖାରିଙ୍ଗ୍ ଡିସ୍ତିଙ୍ଗ୍ ଆଇକାର୍ ଏର୍ ଆୟା ପାଟା ପାର୍ଦେଙ୍ଗ୍ ଆଟ୍ଏଜିମାର୍ହାର୍ । ସାରା ଦୁନିଆ ଲୋକା ଜାତିଦି ମାଣୁକୁ କେବଲ୍ ଖାର୍ ରକିୟା ପୋଇତାମାରାର୍ ।

୪ ଖାର ଆଇମେକା ଖାଲେ ନିଜେଦିଙ୍ଗ୍ ଏସକାଙ୍ଗ୍ ପାପ୍ କିଏର୍ ମାର୍ହାର୍, ଖାର ମାର୍ହାର୍ ନେଗିକାର୍ । ଖାର ଝିଜୁଦିନ୍ ମେଣ୍ଡାପିଲାଦି ଝେନ୍ଦକା ବୁଲାଜିମାର୍ହାର୍ । ଖାର ଲୋକା ମାଣ୍ଡୁକୁ ପାର୍ତୁମ୍ ରକିୟା ପଇଜି ମାପୁରୁ ମାରି ମେଣ୍ଡାପିଲାଦି ଲାକ୍ତୁ ସର୍ପେ ଆତାମାନାର୍ ।

୫ ଖାର ଏସକାଙ୍ଗ୍ ମିର୍ ଝେର୍ନିକା ତର୍ଏଡ୍, ଖାର ପୁରା ଦସ୍ପିଲିକାର୍ ।

ମୁନ୍ତ୍ର ଦୁତକୁ

୬ ତାନିଝେନ୍ଦକା ନାନୁ ମାରିତେସି ସୁଡ଼ୁଆ, ମାରି ଅରେନ୍ ଦୁଡ଼ ବାଦଡ଼ୁ ନାଣ୍ ମୁସକୁରାନ୍ ଇମିଜି ଇମିଜି, ଦୁନିଆଦି ଝିଜୁ ଜାତି, କୁଟୁମ୍, ବାସାଦି ମାରି ଦୁନିଆଦି ଲୋକା ଲାକ୍ତୁ ମାପୁରୁଦି ଆୟା ଝିଜୁଦିନ୍ତ ସୁସମାଚାର୍ ଝେର୍ସିନାନ୍ ।

୭ ଖାନ୍ ପେରି ବଲୁଦାନ୍ ଝେର୍ସିନାନ୍, “ମାପୁରୁଙ୍ଗ୍ ତିଲାଦୁ, ଖାନି ଆମ୍ବାଦିଙ୍ଗ୍ ପ୍ରସଂସା କିଦୁ, ମାତର୍ ଲୋକା ବିଚାର୍ ବେଡା ଇଗା ଖାତାଡି । ମୁସକୁପୁର, ଦୁନିଆ, ସାମୁଦୁର୍ ମାରି ଝିଜୁ ଏରୁଜଲେଙ୍ଗ୍ ତିଆରକିତିଖାନିଙ୍ଗ୍ ପୁଜାକିଦୁ ।”

୮ ☆ଆୟା ଆଗଡିରି ଦୁତଦି ଝେନ୍ଦକା ମାରିଉଣ୍ଡି ଦୁଡ଼ ଖାଜି ଇର୍ହାଡ୍, “ଖାନିଦି ଦଂସ ଗଟାତାଡ୍ । ଝେଙ୍ଗ୍ ତିମାନି ବାବିଲନ୍ ଦଂସ ଆତାମାନାଡ୍ । ଖାନ୍ ଖାନି ଦାରିପାଣି ଖାଜା କାଡ଼ ଭୁର୍ପିସ୍ କିଜି ଝିଜୁ ଲୋକାଙ୍ଗ୍ ସୋସପିସ୍ କିତାମାର୍ହାନ୍ ।”

୯ ଇୟା ରୁଣ୍ଡି ଦୁତଦି ଝେନ୍ଦକା ମାରିଉଣ୍ଡି ଦୁଡ଼ ଖାଜି ପେରି ବଲୁଦାନ୍ ଇନ୍ତେଙ୍ଗ୍ ଆସତାଡ୍, “ଏନ୍ଆପିନ୍ ଜାତୁ ମାରି ତାନି ବମାଦିଙ୍ଗ୍ ପୁଜା କିନାନ୍ ମାରି ନିଜେଦି କାପାଲ୍ ନି କିୟୁଦୁ ଖାନି ସିନା ଆସ୍ନାନ୍,

୧୦ ଖାନ୍ ମାପୁରୁଦି ରିସାଦିଖାଜା ଭୁବାଇଦୁ ଖାକତିମାନି ଖାନି ନାଣ୍ ରିସାଦି କାଡ଼ ଭୁଣାନ୍ । ଏମେକାର୍ ଇୟା ପାଣିକିନାର୍, ଖାର ଝିଜେରେ ମେଣ୍ଡାପିଲା ମାରି ପବିତ୍ର ଦୁଡ଼ରି ଆଗଡି ସିସୁ ମାରି ଗନ୍ଧକଦୁ କାସ୍ ଆନେ ।

୧୧ ଆୟା କାସ୍‌ସିମାନି ସିସୁଦି ଗୋୟି ଜୁଗ୍ ଜୁଗ୍ କାସିସ୍‌ମାନାଡ଼ । ଏମେକାର୍ ଜାତୁ ମାରି ଆୟା ମୁତୁଦି ପୁଜା କିନାର୍, ମାରି ଖାନି ସିନା ଆସ୍‌ନାର୍, ଖାର ନାଡ଼ାଝେଡ଼େ ଝିଜୁଦିନ୍ ଅସାନ୍ତି ଭୋଗାଜିମାନାର୍ ।”

୧୨ ଏମେକାର୍ ମାପୁରୁଦି ମାଟାଆସ୍‌ନାର୍ ମାରି ଜିସୁଦି ଉଣ୍ଡିଙ୍ଗ୍ ବିସ୍‌ବାସ୍ ତେବାନାର୍, ମାପୁରୁଦି ଆୟା ଲୋକା ଉଣ୍ଡିଙ୍ଗ୍ ଏଣ୍ଡେସ୍‌ବା ଦରକାର୍ ।

୧୩ ନାନ୍ ଝେରୁଆ, ମୁସ୍‌କୁପୁରତାନ୍ ଉନ୍‌ଡ୍ରୁ ମାଟା ଝେଙ୍ଗ୍‌ଜିନାଡ଼; “ଇୟା ମାଟା ରାସ୍‌ତୁ ଏମେକାର୍ ଏଣ୍ଡେସ୍‌କି ପ୍ରବୁଦି ସେବାକିଜି ସାନାସ୍‌ନାର୍, ଖାର ଦନ୍ୟ ।”

ମାରି ନାନ୍ ଝେରୁଆ, ତାଗ୍‌ଇଆମ୍ବା ଇଜିନାଡ଼, “ଇକା ଏଣ୍ଡେସ୍‌ବା ଗଟାମାଡ଼ । ଖାର ନିଜେ ନିଜେଦି କାସ୍‌ପାଣିଦାନ୍ ରମ୍‌ନାର୍, ଇରିଙ୍ଗ୍ ଖାରି ପାଣି ଖାରି ଲାକ୍‌ତୁ ଆନାଡ଼ ।”

ପାସି ଉଣ୍ଡାକିନିକା

୧୪ ତାନିଝେନ୍‌କା ନାନ୍ ସୁଡ଼ତୁ, କାଣ୍ଡେକ୍ ଅଡ଼ିନି ବାଦଡ଼ ମାରି ତାନି ମୁସ୍‌କୁ ବାସ୍‌ମାନାନ୍ ମନୁସ୍‌ସ୍‌ପୁଡ଼ ଖାଜା ଅରେନ୍; ଖାନି ତାଲାଦୁ ବାଙ୍ଗାଠାମ୍‌ତି ମୁକୁଟ୍ ମାରି କିୟୁଦୁ ଦାରାଦି କଏର୍ ।

୧୫ ମନ୍ଦିରତାନ୍ ମାରି ଉନ୍‌ଡ୍ରୁ ଦୁଡ଼ ସୋସିଝାଜି ବାଦଡ଼ପିଡ଼ିକ୍‌ତିମାନି ଲୋକ୍‌ତିଙ୍ଗ୍ ନାଣ୍ଡୁଆଉଲିଆଜି ଇର୍ହାନ୍, “ନି କଏର୍ ଆସ୍‌ସି ପାସି କୟୁଆ । ଦୁନିଆଦି ପାସି ଉଣ୍ଡାକିଦେଙ୍ଗ୍ ଟିକ୍ ବେଡ଼ା ଇଗା ଖାତାମାନାଡ଼ ।”

୧୬ ଇକା ଝେନ୍‌ଜି ବାଦଡ଼ପିଡ଼ି ଲୋକୁ ଖାନି କଏର୍ ଆସ୍‌ପିସ୍‌ସି ମାରି ଦୁନିଆଦି ପାସି ଝିଜୁ ଉଣ୍ଡାତାଡ଼ ।

୧୭ ତାନିଝେନ୍‌କା ନାନ୍ ସୁଡ଼ତୁ, ମାରି ଉନ୍‌ଡ୍ରୁ ଦୁଡ଼ ମୁସ୍‌କୁପୁରତି ମନ୍ଦିରତାନ୍ ଖାଜିନାନ୍, ଖାନି କିୟୁଦୁ ବା ଉନ୍‌ଡ୍ରୁ ଦାରାଦି କଏର୍ ମାର୍ହାଡ଼ ।

୧୮ ତାନିଝେନ୍‌କା ବେଦିଦି ସିସୁ ଦାଇଡ଼ତାନ୍ ମାନି ଉଣ୍ଡି ଦୁଡ଼ କଏର୍ ଆସ୍‌ସିମାନି ମାରିଉଣ୍ଡି ଦୁତଦିଙ୍ଗ୍ ଆଉଲି ଆଜି ଇର୍ହାନ୍, “କଏର୍ ଆସ୍‌ସି ଦୁନିଆଦି ଅଙ୍ଗୁର୍ କିଡ଼ିଇଦାନ୍ ଅଙ୍ଗୁର୍ ଝିଜୁ କୋୟ୍‌ଜ ପୋକ୍‌ଆ; ଆୟାଝିଜୁ ପାଣ୍ଡିତେମାନେ ।”

୧୯ ଆବେଷ୍ଟାନ୍ ଦୁଡ଼ ଦୁନିଆଦୁ ଖାନି କଏର୍ ଆସ୍‌ସି ଅଙ୍ଗୁର୍
ତିଖେଙ୍ଗୁଣ୍ଡୁ ଅଙ୍ଗୁର୍ କୋୟଜି ଉଣ୍ଡା କିତାନ୍ ମାରି ଆୟାଞ୍ଜିକୁ
ମାପୁରୁଦି ନାଣ୍ଡ ରିସାଦି ଅଙ୍ଗୁର୍ ପିରନି କୁଣ୍ଡୁ ପୋକ୍‌ତାଡ଼ ।

୨୦ ☆ଗାଡ଼ତି ଆତେରେ ମାନି ଆୟା କୁଣ୍ଡୁ ଅଙ୍ଗୁର୍ କାଙ୍ ପିରିତାଡ଼
ମାରି ଆବେଷ୍ଟାନ୍ ନେତେର୍ ସୋସି ଗଡ଼େଙ୍ଗୁଁ ଖେୟୁ ସାନ୍ଧି ୩୦୦
କିଲୋମିଟରତାନ୍ ପୁରା ନିରିକା ମାରି ପୁରା ଦୁଇ ମିଟର୍ ମୁସୁକୁ
ନିଙ୍ଗୁଁ ନେତେର୍ ଖାତାଡ଼ ।

୧୫

ସାରାସାରି କାସୁସିନିକା

୧ ତାନିଖେନ୍‌କା ନାନୁ ବାଦଡ଼ୁ ମାରି ଉଣ୍ଡି କାବାଆନି ସିନା ସୁଡ଼ୁ
। ସାଡ଼ଗୋଟା ଦୁଡ଼କୁ, ଖାରି କିୟୁ ସାଡ଼ଗୋଟା କାସୁଙ୍ଗୁଁ, ଇକାନେ
ସାରାସାରି, ଇରିଙ୍ଗ ଇୟା କାସୁଦିଙ୍ଗୁଁ ମାପୁରୁଦି ରିସା ଝିଜିତାଡ଼ ।

୨ ତାନିଖେନ୍‌କା ନାନୁ ସୁଡ଼ୁ, ଏଣ୍ଡେସ୍ ସିସୁମିସାତି ଉଣ୍ଡି କାୟାଦି
ସାମୁଦୁର୍ ଖାଜା । ଆୟା ସାମୁଦୁରୁତି ଚିପୁବାଡ଼ିଦୁ ନିର୍ଆ ମାର୍ହାର
ଜିଣାତି ଲୋକୁ ଇୟାକାର ମାପୁରୁଦି ଟଇଲା ଆସ୍‌ସି, ଜାତୁ, ଜାତୁଦି
ମୁତ ମାରି ମୁସୁକୁରି ଇସାବ୍‌ଦାନ୍ ନେସ୍‌ତିମାନି ଆୟା ତାଗ୍‌ଆମା
ମୁସୁକୁ ଜିଣାତାମାର୍ହାର ।

୩ ଖାଡ଼ ମାପୁରୁ ସିତିମାନି ଟଇଲା ଏସ୍‌ସି ମାପୁରୁଦି ସେବାକିନିକାନ୍
ମୋସାଦି ପାଟା ମାରି ମେଣ୍ଡାପିଲାଦି ପାଟା ପାରିଜିମାର୍ହାର ।

“ଏ ସର୍ବସାକ୍ତିମାନ୍ ମାପୁରୁ !

ନି ସାରିଞ୍ଜିକୁ ଏସ୍‌ ପେରିକା ମାରି କାବାଆନିକା,

ଞ୍ଜିକୁ ଲୋକା ଜାତିଦୁ ରାଜାଦି ରାଜା !

ନି ପାଣିଞ୍ଜିକୁ ଏସ୍‌ ନ୍ୟାୟ ନି ସଡ଼ ।

୪ ଏ ପ୍ରବୁ ! ଏନ୍‌ ନିଙ୍ଗୁଁ ତିଲାଏନ୍‌ ?

ଏନ୍‌ ନି ଦରୁତି ଦନ୍‌ବାଦ କିଏନ୍‌ ?

କେବଲ୍‌ ନିନ୍‌ ନେ ପବିତ୍ର,

ଞ୍ଜିକୁ ଲୋକୁ ଖାଜି

ନି ପୁଜାକିନାର ।

ଇରିଙ୍ଗ ନି ନ୍ୟାୟ ପାଣି ଝିଜୁ ଝିଜେରେ ସୁଡ଼ତୁମାନାର ।”

୫ ତାନିଝେନକା ମୁସକୁପୁରତି ସାକି ମନ୍ଦିର ସେରଲା
ରେଆୟଆନିକା ନାନୁ ସୁଡ଼ତୁ । ଆବେନୁ ମାପୁରୁଦି ତେବାନି ଗୁଡ଼ା
ମାର୍ହାଡ଼ ।

୬ ସାଡ଼ଗୋଟା କାସ୍ତୁସିନିକା ଆସ୍ତିମାନି ସାଡ଼ଗୋଟା ଦୁଡ଼କୁ
ମୁସକୁପୁରତି ମନ୍ଦିରତି ଲୋଇରାନ୍ ସୋସି ଝାତେ; ଝାକ୍ ନେଗି
ଅଡ଼ିନି ଆଙ୍ଗୁଁ ଆରାତେ ମାରେଏ ମାରି ବକାଦୁ ବାଙ୍ଗୁରାମ୍ତି
ବେଲୁଟୁ ତରଆୟଆତା ମାର୍ହାର ।

୭ ଆବେନୁ ନାଲିଗି ଜାତୁଙ୍ଗୁଁ ଲୋଇରାନ୍ ଉନ୍ତୁ ଜାତୁ ଝିଜୁଦିନତି
ମାପୁରୁଦି ରିସାଦୁ ପୁରାବତ୍ ସାଡ଼ଗୋଟା ବାଙ୍ଗୁରାମ୍ତି ତୁବାଇଙ୍ଗୁଁ
ଆୟା ସାଡ଼ଗୋଟା ଦୁଡ଼କାଙ୍ଗୁଁ ସିତାନ୍ ।

୮ ମାପୁରୁଦି ଗୌରବ୍ ମାରି ସାକ୍ତିଦି ଗୋଇତାନ୍ ମନ୍ଦିର ପୁରାବତ୍
ଆତାଡ଼; ସାଡ଼ଗୋଟା ଦୁଡ଼କୁ ଆସତି ଝାଡ଼ିମାନି ସାଡ଼ଗୋଟା କାସ୍ତୁଙ୍ଗୁଁ
ଝିଜୁଇ ସାହି ଏନ୍ ମନ୍ଦିରତୁ ଡ଼ଗୁଦେଙ୍ଗୁ ଆଟ୍‌ଏତାଡ଼ ।

୧୭

ମାପୁରୁଦି ରିସାଦୁ ସାଡ଼ଗୋଟା ତୁବାଇଙ୍ଗୁଁ

୯ ତାନିଝେନକା ନାନୁ ଝେରଆ, ମନ୍ଦିରତାନ୍ ଏନ୍ ଅରେନ୍
ଆଉଲି ଆଜି ଆୟା ସାଡ଼ଗୋଟା ଦୁଡ଼କାଙ୍ଗୁଁ ଝେରସିନାନ୍, “ସାଙ୍ଗୁଆ,
ସାଡ଼ଗୋଟା ତୁବାଇଦୁ ମାନି ମାପୁରୁଦି ରିସା ଦୁନିଆଦୁ ମୁସକୁ ଝାକ୍‌ସୋ
ସିଦୁ ।”

୧୦ ଇକା ଝେନଜି ପାର୍‌ତୁମ୍ ଦୁଡ଼ ସୋଲ୍‌ସି ଝାନି ତୁବାଇଦୁ ଆମାକା
ମାର୍ହାଡ଼, ଦୁନିଆଦୁ ମୁସକୁ ଝାକ୍‌ତାସିତାଡ଼ । ଦାପେ ଦାପେ ଏମେକାଡ଼
ଜାତୁଦି ସିନା ଆସ୍ତାମାର୍ହାର ମାରି ଆୟାତାନି ମୁତ୍‌ଦିଙ୍ଗୁ ପୁଜା
କିତାମାର୍ହାର, ଝାରି ମେନ୍‌ଲତାନ୍ ନାଣ୍ଟ କାସ୍ତୁଦାନ୍ ଗାର ସୋତାଡ଼ ।

୧୧ ତାନିଝେନକା ମାରିଉନ୍ତୁ ଦୁଡ଼ ତାନି ତୁବାଇଦିଙ୍ଗୁଁ ସାମ୍‌ଦୁଡ଼
ମୁସକୁ ଝାକ୍‌ତା ସିତାଡ଼ । ସାମ୍‌ଦୁରତି ଏରୁ ସାତି ଲୋକାଦି ନେତେର

ଝାଜା ଆତାସରାତ୍ ମାରି ସାମ୍ବୁରତି ଝିନ୍ନୁ ଏରତୁ ଜିଜିମାନିକେଙ୍ଗ୍ ସାତେସର୍ଏ ।

୪ ତାନିଝେନ୍‌କା ତିନି ନମ୍ବରତି ଦୁତଦି ତୁବାଇଦୁ ଏମେକା ମାହାତ୍, ଆକା ଝାଦ୍ ଗାଡ୍, ମାରି ଜଲେଙ୍ଗ୍ ମୁସୁକୁ ଝାକ୍ତା ସିତାତ୍ ମାରି ଆୟାଝିନ୍ନୁ ଏରୁ ନେତେରତୁ ମିସାତେ ।

୫ ନାସ୍ତିଝାଲେ ନାନ୍ ଝେରୁଆ, ଏରୁଦୁ ଦାଇତି ମାନି ଦୁତ୍ ଇଜିନାତ୍, “ନିନ୍ନୁ ପବିତ୍ର, ନିନ୍ନୁ ଇଲେଇ ମାରି ସର୍ଇଇଦିନ୍‌ତୁ; ନିନ୍ନୁ ସାମାନ୍ ବିଚାର୍ କିତିମାନି ।

୬ ଝାର୍ ମାପୁରୁଦି ଲୋକାଙ୍ଗ୍ ମାରି ବାବବାଦିରିଙ୍ଗ୍ ଏମେ କାତ୍‌ସି ନେତେର୍ କିତାମାହାତ୍, ଆକା ନିନ୍ ଝାରିଙ୍ଗ୍ ଉର୍ପିସ୍ କିତିମାନି । ଝାରି ପାଣି ଝାର୍ ପୋଇତାମାନାର୍ ।”

୭ ତାନିଝେନ୍‌କା ନାନ୍ନୁ ବେଦିଦି ଉନ୍‌ତ୍ରି ବଲ୍ଲୁ ଝେରୁଆ, “ପ୍ରବୁ ସର୍ବସାକ୍ତିମାନ୍ ମାପୁରୁ ! ନି ବିଚାର୍ ଟିକ୍ ମାରି ନ୍ୟାୟତିକା ।”

୮ ତାନିଝେନ୍‌କା ନାଲିଗି ନମ୍ବରତି ଦୁତ୍ ତାନି ତୁବାଇଦୁ ମାନି ଜିନିସ୍‌ଦିଙ୍ଗ୍ ଝେଡା ମୁସୁକୁ ଝାକ୍ତା ସିତାତ୍ । ତାନିଝେନ୍‌କା ଝେଡା ନାଣ୍ଡତାତିଆଜି ଲୋକାଙ୍ଗ୍ ସାପିସ୍ତାତ୍ ।

୯ ଇବେଟ୍‌କୁ ଝାର୍ ରିସାଆଜି କାସ୍‌ମୁସୁକୁ ଅଦିକାର୍ ମାନି ମାପୁରୁଙ୍ଗ୍ ଆନାଦୁରିଆ ସିତାର୍; ମାତର୍ ମୋନ୍ ବାଦେଲେ କିଜି ଝାନି ମହିମା ମାନାଏତାର୍ ।

୧୦ ତାନିଝେନ୍‌କା ପାସ୍ ନମ୍ବରତି ଦୁତ୍ ତାନି ତୁବାଇଦିଙ୍ଗ୍ ଜାତୁଦି ସିଂହାସନ୍‌ଦି ମୁସୁକୁ ଝାକ୍ତା ସିତାତ୍ । ଜାତୁଦି ଦେସ୍ ମୁସୁକୁ ସିକାଟି ଆତାସର୍ହାତ୍ ମାରି ଲୋକୁ କାସ୍‌ଦାନ୍ ଝାରି ଝେତଲ୍ କାଟ୍‌ତା ପକ୍‌ତାର୍ ।

୧୧ ଝାରି ମେନ୍‌ଲ୍‌ତି ଗାଉକା ଉଣ୍ଡିଙ୍ଗ୍ ମାରି ନୋପି କାସ୍‌ଦି ଉଣ୍ଡିଙ୍ଗ୍ ମାପୁରୁଙ୍ଗ୍ ଆନାଦୁରିଆ ସିତାର୍ । ମାତର୍ ନିଜେଦି ନେଗିସାରିଦାନ୍ ଡେସି ରେଏତାର୍ ।

୧୨ ଝିନ୍ନୁଦିନ୍‌ତି ସୋଅ ନମ୍ବରତି ଦୁତ୍ ପେରି ମୁପ୍‌ପେଟିସ୍ ପେରିଗାତା ମୁସୁକୁ ତାନି ତୁବାଇତିକା ଝାକ୍ତା ସିତାତ୍ । ଦାପେ ଦାପେ ଗାତାଦି ଏରୁ ଝାର୍‌ତେସର୍ଏ ମାରି ଝେଡାସୋନିତରିଗାନ୍ ସାତୁ ରାଜାରି ଆଗମନ ଉଣ୍ଡିଙ୍ଗ୍ ସାରି ରେଆତାତ୍ ।

୧୩ ତାନିଝେନକା ନାନୁ କାପକି ଖାଜାତରନ୍ତି ମୁଣ୍ଡି ତାଗିଇଦୁବେଙ୍ଗ ସୁତଡ଼ା । ଆୟାକେଙ୍ଗୁ ପୁର୍ବେଦି ସାରାସ, ପସୁ ମାରି ବଣ୍ଡ ବାବବାଦିର୍ ଝେୟୁଦାନ୍ ସୋସିମାରେଏ ।

୧୪ ଆୟା ଦୁବାଆମେଙ୍ଗ କାବାଆନି ପାଣି ପୁରା କିଦେଙ୍ଗ ଆଟ୍‌ନେ । ଖାର ସର୍ବସାକ୍ତିମାନ୍ ମାପୁରୁଦି ଦିନ୍‌ତୁ ଜୁଦ୍ କିନି ଉଣ୍ଡିଙ୍ଗ ପୃତିବିଦି ରାଜାରିଙ୍ଗ ଉଣ୍ଡାକିନି ଉଣ୍ଡିଙ୍ଗ ସୋସିଝାତାର ।

୧୫ ☆“ଝେନ୍‌ତୁ ! ନାନୁ ତଙ୍ଗାରେଏନ୍ ଖାଜା ଖାନା । ଏମେ ଲୋକୁ ଜାଗ୍ରାତ୍ ମାନିଜି ତଙ୍ଗାଏରତି ମାଡାନ୍ ନିଜେଦି ଖାତିଗୋଦା ନେଗେନକିଜି ଇତିନାନ୍, ଖାନ୍ ଦନ୍ୟ । ନାଗାଡ଼ା ଆଜି ସାଲାବୁଲା କିନି ମାଡାନ୍ ଖାନିଙ୍ଗ ସେମାର ଆଦେଙ୍ଗ ପୋଡ଼ାଏତ ।”

୧୬ ତାଗିଇଆମେଙ୍ଗ ଟିକ୍ ବେଡ଼ାଦୁ ପୃତିବିଦି ରାଜାରିଙ୍ଗ ଏମେ ଜୁଦ୍‌ଦୁ ଉଣ୍ଡାକିବିସ୍ତାଡ଼, ଏବି ବାସାଦାନ୍ ତାନି ଦରୁ ଅର୍ମିଗିଜୋନ୍

୧୭ ତାନିଝେନକା ସଡ଼ ନମ୍ବରତି ଦୁଡ଼ ତାନି ଦୁବାଇତି ଜିନିସ୍ତିଙ୍ଗ ଗାଲିଦି ମୁସୁକୁ ଖାକ୍‌ତାସିତାଡ଼ । ଆଦେଙ୍ଗ ମନ୍ଦିରତୁ ମାନି ସିଂହାସନ୍‌ତାନ୍ ପେରିବଲୁଦାନ୍ ଉନ୍‌ଡ଼ି ମାଟା ଝିଙ୍ଗୁତାଡ଼, “ପାଣି ଝିଜିତାମାନାଡ଼ ।”

୧୮ ☆ଆୟାଦାପ୍ରେ ଲାଈନି କାସ୍‌ତାଡ଼, ବାଦଡ଼ ଡିଡ଼ିତାଡ଼ ମାରି ଉନ୍‌ଡ଼ି ବୟଙ୍ଗରୁ ବୁମିକମ୍ପ ଆତାଡ଼, ଲୋକୁ ତିଆରଆତି ଆଗ୍‌ଡ଼ିରାନ୍ ଇୟାଖାଜା ବୁମିକମ୍ପ ଏସାଙ୍ଗ ଆଏଡ଼ମାର୍ହାଡ଼; ଇକା ମାର୍ହାଡ଼ ଝିଜୁଦି ମାଡାନ୍ ବୟଙ୍ଗରୁ ବୁମିକମ୍ପ ।

୧୯ ପେରିଗାଡ଼ ମୁଣ୍ଡି ବାଗ୍‌ତାନ୍ ଅଲଗା ଆତାଡ଼, ଦେସ୍‌ତି ଝିଜୁ ଗାଡ଼କୁ ଦ୍ଵଂସ୍ ଆତେସରଏ । ମାପୁରୁ ପେରିଗାଡ଼ ବାବିଲନ୍‌ତିଙ୍ଗ ବାଣାଏନ୍ ମାର୍ହାନ୍ । ଖାନ ଖାନି ଉଣିଦୁବାଇତାନ୍ ଖାନି ନାଣ୍ଡ ରିସାଖାଜା କାଡ଼ ଖାନିଙ୍ଗ ଉପ୍‌ପିସ୍‌କିତାର ।

୨୦ ☆ମାରି ସାମ୍‌ଦୁର୍ ନାଡ଼ିମିମାନି ଦେସ୍‌କୁ ଝିଜୁ ମାର୍‌ଗିତେ ସରେଏ, ପେରି ପେରି ଗରକ୍ ଝିଜୁ ତରୁତେ ।

୨୧ ☆୫୦ କେଜି ବଜୁଦି ପେରି କାଲୁକୁ ବାଦଡ଼ତାନ୍ ଲୋକାମୁସୁକୁ

☆ ୧୭:୧୫ ମାଡିଉ ୨୪:୪୩,୪୪; ଲୁକ ୧୨:୩୯,୪୦; ପ୍ରକାଶିତ ୩:୩। ☆ ୧୭:୧୮ ପ୍ରକାଶିତ ୮:୫, ୧୧:୧୩, ୧୯। ☆ ୧୭:୨୦ ପ୍ରକାଶିତ ୬:୧୪। ☆ ୧୭:୨୧ ପ୍ରକାଶିତ ୧୧:୧୯।

ଆରତେ, ଲୋକୁ ଇୟା ନାଣୁ କାସୁ ଉଣିଙ୍ଗ ମାପୁରୁଙ୍ଗୁ ଆନାଦୁରିଆ
ଇଟ୍‌ତାର ।

୧୭

ପେରି ଦାରିପାଣି

୧ ତାନିଝେନ୍‌କା ସାଡ଼ଗୋଟା ହୁବାଇଆସ୍ତିମାନି ସାଡ଼ଗୋଟା ଦୁଡ଼କା
ଲୋଇରାନ୍ ଅରେନ୍ ନା ଲାକୁଡୁ ଖାଜି ଇର୍ହାନ୍, “ଇବେନ୍‌ ରାଆ !
ନାଣୁ ଗାତେଆଙ୍ଗ ଲାକୁଡୁ ତିଆର୍ ଆତିମାନି ଦାରିପାଣି ଖାଜା ଆୟା
ପେରିଗାଡ଼୍‌ ଏସ ଦଣ୍ଡ ପୋଇନାଡ଼୍‌, ଆକା ତୋରନା ।

୨ ଆମାଞ୍ଜାନି ଖାଲେ ଦୁନିଆଦି ରାଜାର ଆୟା ଦାରିପାଣିଦି
କିତାମାନାର୍ ମାରି ପୃଥୁବିଦି ଲୋକ୍ ଝିଜେରେ ଖାନି ଦାରିପାଣିଖାଜା
କାଡ଼ ଉଣ୍ଡୁଜି ସୋସତା ମାନାର୍ ।”

୩ ☆ ନାସ୍ତିଖାଲେ ପବିତ୍ରଆମ୍ ନାମାନୁ ବାସାତାଡ଼ ମାରି ଆୟା ଦୁଡ଼
ନାଙ୍ଗୁ ଉଣ୍ଡି ବାଲିଜାଗାଦୁ ଅତାଡ଼ । ଆବେନ୍‌ ନାନ୍ ସୁଡ଼ତୁ, ଅରେଡ଼
ଆଇମା ଲୋକୁ ଉଣ୍ଡି ଲାଲ୍ ରଙ୍ଗତି ଜାଡ଼ ମୁସୁକୁ ବାସତାମାନାଡ଼ ।
ଜାଡ଼ୁଦି ଝିଜୁମେଦଲ୍‌ଡୁ ମାପୁରୁଦି ନିନ୍ଦାସିନି ଦରକୁ ରାସାତେମାନେ
ମାରି ତାନିଙ୍ଗ ସାଡ଼ଗୋଟା ତାଲେକ୍ ମାରି ଦାସ୍‌ଗୋଟା କମୁକୁ ମାନେ
।

୪ ଅରେଡ଼ ଆଇମା ସେର୍‌ଗାନାନିକା ମାରି ପୁରା ଲାଲ୍ ରଙ୍ଗତି
ଝାତି ପିଡ଼ିଗିତାମାର୍‌ହାଡ଼ ମାରି ବାଙ୍ଗୁରାମ୍‌ତି ସରେଙ୍ଗ, ନାଣୁଦାରାଦି
ମଣିମାଣିକ ମାରି ଝେଡିଦାନ୍ ଆରାତାମାର୍‌ହାଡ଼ । ଖାନି ନାସୁକିନି ପଲ୍
ଖାଜା ଦାରିପାଣି ନି ତାଗ୍‌ଇ ବିସୟ୍‌ଝିଜୁ ଉଣ୍ଡି ବାଙ୍ଗୁରାମ୍‌ତି ହୁବାଇ
ଖାନ୍ ଆସ୍ତାମାର୍‌ହାନ୍ ।

୫ ତାନି କାପାଲ୍‌ଡୁ ଉନ୍‌ଡି ମାର୍‌ଗିତିମାନି ଦର୍ ରାସାତାମାନାଡ଼,
“ପେରି ବାବିଲନ୍, ଦୁନିଆଦି ଝିଜୁ ଦାରିପାଣି ମାରି ନାସୁକିନିଝାରି
ଆଇସି ।”

୬ ନାନ୍ ମାରି ସୁଡ଼ତୁ, ଆୟା ଆଇମା ସାଦୁରି ମାରି ଜିସୁଦି
ଉଣ୍ଡିଙ୍ଗ ବିସବାସ୍‌ ତେବାଜି ସାତି ମାନି ଲୋକାରି ନେତେର୍ ଉଣ୍ଡିଜି
ସୋସତାମାରାଡ଼ । ତାନିଙ୍ଗ ସୁଡ଼ିଜି ନାନ୍ କାବାଆତା ସୋର୍‌ଆ ।

୭ ଦୁହଁ ଇର୍ହାଡ଼, “ଏନ୍ଦାନିଙ୍ଗ କାବାଆଜିନି ? ଆୟା ଆଇମା ମାରି ସାତଗୋଟା ତାଲେକ୍ ମାରି ଦାସ୍‌ଗୋଟା କମ୍ବୁ ଖାଦ୍ ବୁଲାନି ଜାତୁଦି ମାର୍‌ଗିତିମାନି ଅର୍ଡ଼ ନାନୁ ନିଙ୍ଗ୍ ଇଜିନା, ଝେନ୍‌ଆ !

୮ ଜାତୁ ଅର୍‌ଲେନ୍ ଜିତାମାର୍‌ଆଡ଼; ଇଲେ ମାରି ଜିଏଡ଼, ମାତର୍ ଆୟାଦାପ୍ରେନେ ପାତାଲ୍‌ପୁରତାନ୍ ନିଙ୍ଗ୍ ଖାନାଡ଼ ମାରି ଉଣ୍ଡି ଦେବା ନାସ୍ ଆନାଡ଼ । ତିଆର୍‌ଆତି ପୁର୍ବେଦାନ୍ ଏମେଞ୍ଜାରି ଦରୁକୁ ଜିବନ୍ ବଇଦୁ ରାସାଏଡ଼, ଦୁନିଆଦି ଲୋକୁ ଆୟାଞ୍ଜିରେ ଜାତୁଦିଙ୍ଗ୍ ସୁଡ଼ିଜି କାବାଆତାର । ଖାଦ୍ ଅର୍‌ଲେନ୍ ଜିବନ୍ ମାର୍‌ହାଡ଼, ଇଲେକ୍ ମାରି ସିଲେଡ଼, ମାତର୍ ମାରିଡେସି ଖାଦ୍ ଖାନାଡ଼ ।

୯ “ଇୟାଞ୍ଜିକୁ ବିସୟ ବୁଜାନି ଉଣ୍ଡିଙ୍ଗ୍ ବୁଦି ଦରକାର । ଜାତୁଦି ସାତଗୋଟା ତାଲେକ୍ ସଡ଼ତାନ୍ ସାତଗୋଟା ଗୋରକ୍, ଏମେ ମୁସ୍‌କୁ ଆଇମା ବାସ୍‌ମାର୍‌ହାଡ଼ । ଆୟାଞ୍ଜିକୁ ବା ସାତଗୋଟା ରାଜାରି ସିନେଙ୍ଗ୍ ।

୧୦ ଖାରି ଲୋଇରାନ୍ ପାସ୍ ଲୋକୁ ସାତା ସରାମାନାର୍ । ଅରେନ୍ ଇଲେ ସାସନ୍ କିଜିନାନ୍, ମାରି ଅରେନ୍ ଇଲେ ସାନ୍ ରେଏନ୍‌ନେ । ଖାନ୍ ଖାଜି ସାଣେକ୍‌ତି ଉଣ୍ଡିଙ୍ଗ୍ ସାସନ୍ କିନାନ୍

୧୧ ମାରି ଆମା ଜାତୁ ଅର୍‌ଲେନ୍ ଜିତାମାର୍‌ହାଡ଼, ମାତର୍ ଇଲେ ମାରି ସିଲେଡ଼, ଖାନ୍ ଆଜିନାଡ଼ ଆର୍ ନମ୍ବର୍ ରାଜା; ଆୟା ସାତଗୋଟା ରାଜାରି ଲୋଇରାନ୍ ଅରେନ୍ ମାରି ଖାନ୍ ବା ବେଗି ସାନାସନାନ୍ ।

୧୨ “ମିର୍ ସୁଡ଼ିତିମାନି ଦାସ୍‌ଗୋଟା କମ୍ବୁ, ଦାସ୍‌ଗୋଟା ରାଜାରି ସିନେଙ୍ଗ୍, ଖାର ଇୟାସାନ୍ ସାସନ୍ କିଏର୍ । ମାତର୍ ଜାତୁ ଖାଲେ ସାସନ୍ କିନି ଉଣ୍ଡିଙ୍ଗ୍ ଉନ୍‌ଡେ ଗନ୍‌ଟା ଉଣ୍ଡିଙ୍ଗ୍ ଖାରିଙ୍ଗ୍ ଅଦିକାର୍ ସିଆୟ୍‌ଆନାଡ଼ ।

୧୩ ଇୟା ଦାସ୍ ଲୋକା ରାଜାରି ଉଦେସ୍ ଉନ୍‌ଡେ । ଖାର ନିଜେଦି ଞ୍ଜିକୁ ସାକ୍ତି ମାରି ଅଦିକାର୍ ଜାତୁଦିଙ୍ଗ୍ ସର୍ପେ କିନାର୍ ।

୧୪ ଖାର ମେଷସାବକଦି ବିରୁଦ୍‌ତାନ୍ ଜୁଦ୍ କିନାର୍; ମାତର୍ ମେଷସାବକ ଖାନି କୁକାୟ୍‌ଆତାମାନା, ବାସେଆତାମାନା, ବୁଲାନିକାର୍ ମାରି ବିସ୍‌ବାସ୍‌ତି ଲୋକା ସାହାଜ୍ୟଦାନ୍ ଖାରିଙ୍ଗ୍ ଆରାକିନାର୍ । ଇରିଙ୍ଗ୍ ଖାନ୍ ପ୍ରବୁରି ପ୍ରବୁ ମାରି ରାଜାରି ରାଜା ।”

୧୫ ଦୁହଁ ନାଙ୍ଗ୍ ମାରି ଇର୍ହାଡ଼, “ନିନ୍ ଏମେ ଏରୁଡୁମାନିକେଙ୍ଗ୍

ସୁତୁଡ଼ି, ଏମେ ମୁସୁକୁ ଆୟା ଦାରିପାଣିକିନିକାଡ଼ ବାସ୍ତାମାର୍ହାଡ଼, ଆକା ଆଜିନାଡ଼ ଆଇ ଆଇ ଦେସ୍, ଜାତି, କୁଟୁମ୍ ମାରି ଭାସାବାସିଦି ଲୋକୁ ମାନାର ।

୧୭ ମିର୍ ସୁଡ଼ିତିମାନି ସାଡ଼ଗୋଟା କମୁକୁ ମାରି ଆୟା ଜାଡ଼, ଦାରିପାଣିଦିଙ୍ଗ୍ କାଡ଼ନାର୍; ଝାଡ଼ ତାନିମାଡ଼ାନକୁ ତାନି ଝିଜୁ ଡିବିସକିଜି ଅସି ତାନିଙ୍ଗ୍ ନାଗାଡ଼ା କିଜି ଡିସ୍ନାସିନାର । ଝାଡ଼ ତାନି କାଣ୍ଡା କୁଡ଼ସି, ତାନିଙ୍ଗ୍ ସିସୁଡ଼ୁ ପୋକ୍ସି ଦଂସ କିନାର ।”

୧୭ ଇରିଙ୍ଗ୍ ମାପୁରୁ ନିଜେଦି ଉଦେସ୍ ପୁରାକିନି ଉଣ୍ଡିଙ୍ଗ୍ ଝାରିଙ୍ଗ୍ ଇୟା ଆଦେସ୍ ସିତାମାନାନ୍ । ଝାଡ଼ ଉନ୍ତେ ମୋନ୍‌ଆଜି ପାଣି କିନାର ମାରି ମାପୁରୁଦି ବାକ୍ୟ ସଡ଼ତାନ୍ ପୁରାଆଇ ସାନ୍ଧି ଦେସ୍‌ତି ସାସନ୍ ବଜୁ ଆୟା ଜାଡ଼ କିୟୁଡ଼ୁ ଡିସ୍ନାସିନାର ।

୧୮ ନିନ୍ ଏମେ ଆଇମାଦିଙ୍ଗ୍ ସୁତୁଡ଼ି, ଝାଡ଼ ଆଜିନାଡ଼, ଦୁନିଆଦି ରାଜାରି ମୁସୁକୁ ସାସନ୍ କିଜିମାନି ଆୟା ପେରିଗାଡ଼ ।

୧୮

ବାବିଲନ୍‌ଦି ଦଂସ ଆନିକା

୧ ତାନିଝେନ୍‌କା ନାନୁ ମାରି ଉନ୍‌ଡ଼ି ଦୁଡ଼ଦିଙ୍ଗ୍ ମୁସୁକୁପୁରୁତାନ୍ ରେତାଜି ଝାଜିନିକା ସୁତୁଡ଼ା । ଝାଡ଼ ନାଣ୍ଡସାକ୍ତିଦିକାଡ଼ ମାରାଡ଼ ମାରି ତାନି ମହିମାଦାନ୍ ସାରାଦୁନିଆଦିଙ୍ଗ୍ ଜାୟ୍ କିଜିମାରାଡ଼ ।

୨ ☆ଝାଡ଼ ପେରି ବଲୁଦାନ୍ ଇଜିନାଡ଼, “ଝାନିଦି ସାନିକା ଗଟାଡ଼ାଡ଼ । ପେରି ବାବିଲନ୍‌ ଦଂସ ଆତାମାନାଡ଼ ! ଆକା ଇଲେଇ ଦୁକି ମାରି ତାରୁଇ ଦୁବେଙ୍ଗ୍ ମାନି ଜାଗା ଆତାମାନାଡ଼ । ଝିଜୁ ଜାତି ଅସୁତି ମାରି କାଡ଼ନି ପୋଟିଙ୍ଗ୍ ଆବେନୁ ବାସା ତୋରିସି ମାନେ ।

୩ ଇରିଙ୍ଗ୍ ଝାଡ଼ ସାରା ପୃତିବିଦି ଜାତିଦି ଲୋକାଙ୍ଗ୍ ତାନି ସାକ୍ତି କାମୋଦିପକ ସୁରା ଉଡ଼ପିସକିଜି, ପୃତିବିଦି ରାଜାରିଙ୍ଗ୍ ଝାନି ଝାଲେ ଦାରିପାଣିଦି ପାପୁଡ଼ୁ ମିସା କିତାମାନାଡ଼, ପୃତିବିଦି ବେପାର୍‌କୁଁ ଝାନି ଝେଡ଼ିକାଦି ଉଣ୍ଡିଙ୍ଗ୍ ଦନି ଆତାମାନାର ।”

୪ ତେନିଝେନ୍‌କା ନାନୁ ଝେରୁଆ, ମୁସୁକୁପୁରୁଦାନ୍ ଆଇ ଉଣ୍ଡି ମାଟା ଝେଙ୍ଗ୍ ଜିନାଡ଼ :

“ନା ଲୋକୁ ଓଜେରେ ସୋସି ରାଦୁ ! ତାନି ଲାକୁତୁରାନ୍ ସୋସି ରାଦୁ

ନିର୍ ତାନି ପାପଦୁ ମାରି ମିସାଜ ମାନାମାଟ୍‌ନି;
 ଝାଦ୍ ଆମା ସାସ୍ତି ପୋଇନାଡ୍, ଆବେନ୍ନୁ ମିସାମାଟ୍ !

୫ ତାନି ପାପଓଜୁ ମୁସକୁପୁର୍ ସାନ୍ତି ନିଙ୍ଗ୍ ଜିନାଡ୍ ।
 ତାନି ପାପପାଣି ଓଜୁ ମାପୁରୁ ମନ୍ତୁ ଇଟ୍‌ତାମାନାନ୍ ।

୬ ଝାଦ୍ ଏଣ୍ଡେସ୍ ମି ଉଣ୍ଡିଙ୍ଗ୍ ବ୍ୟବହାର କିତାମାନାନ୍,
 ମିର୍ ତାନି ଉଣ୍ଡିଙ୍ଗ୍ ଟିକ୍ ଆୟାଝାଜା ବ୍ୟବହାର କିଦୁ ।
 ଝାଦ୍ ଆମାକା କିତାମାନାନ୍, ଝାନିଙ୍ଗ୍ ତାନି ଦୁଇଗୁଣ ଦଣ୍ଡ ସିଦୁ ।
 ମିଙ୍ଗ୍ ଉଟ୍‌ପିସକିନି ଉଣ୍ଡିଙ୍ଗ୍ ଝାଦ୍ ଆମା ଏରୁ ତିଆର୍
 କିତାମାଟ୍‌ଡ୍, ଆୟାତାନି ଦୁଇଗୁଣ ସୁରିଝାରଗିନି ଏରୁ ଝାନି
 ଉଣ୍ଡିଦୁବାଇଦୁ ବର୍ତ୍ତ କିଦୁ ।

୭ ଝାଦ୍ ନିଜେଦିଙ୍ଗ୍ ଏସ୍ ଗୌରବ୍ କିଜିମାଟ୍‌ଡ୍
 ମାରି ଝେଡିକାଦୁ ଝେଡିକା କିଜି ମାନିଜିମାଟ୍‌ଡ୍,
 ଆୟା ଇସାପତାନ୍ ତାନିଙ୍ଗ୍ ଦୁଃଖ୍ କାସୁ ସିଦୁ ।
 ଇରିଙ୍ଗ୍ ଝାଦ୍ ନିଜେଦିଙ୍ଗ୍ ପିରିସିକିଜି ଇଜିନାଡ୍,
 ‘ନାନ୍ନୁ ଇବେନ୍ନୁ ରାଣି ଝାଜା ବାସ୍ତାମାନା ! ନାନ୍ନୁ ରାଣ୍ଡି ଆଇମା
 ଆଏ ।’
 ନାନ୍ତି ଏସାଙ୍ଗ୍‌ବା ଦୁଃଖ ଆଏଡ୍ ।

୮ ତାନି ଇୟାଓଜୁ ପାପ ଉଣ୍ଡିଙ୍ଗ୍
 ରୋଗ, ଆଡ୍‌ବାନିକା, ଦୁର୍ଭିକ୍ଷ, ମହାମାରି ଅର୍ଲେନ୍ ତାନିଙ୍ଗ୍
 ଉଣ୍ଡେ ଦେବାନେ ଡାକ୍‌ନାଡ୍ ।
 ମାରି ଝାଦ୍ ସିସୁଦୁ ଓଜୁ ଦଂସ ଆନାଡ୍ ।
 ଇରିଙ୍ଗ୍ ତାନିଙ୍ଗ୍ ଏନ୍ ବିଚାର୍ କିଜିନାନ୍, ଆୟା ପ୍ରହୁ ମାପୁରୁ
 ଓଜେରିଙ୍ଗ୍‌ପେରି ସର୍ବସକ୍ରିମାନ୍ ।”

୯ ଦୁନିଆଦି ଆମା ରାଜାପେରିରାଜାର୍ ତାନି ଝାଲେ ଦାରିପାଣି ନି
 ପାପପାଣି କିତାମାର୍‌ଆର୍, ଝାର୍ ତାନି ଦଂସ ଆଜିମାନି ମେନ୍‌ଲତାନ୍
 ନିଙ୍ଗ୍ ଜିମାନି ଗୋଇ ସୁଡିଜି ଆଡ୍‌ବାନାର୍ ।

୧୦ ତାନି ଦୁଃଖ କଷ୍ଟୁ ମିସାଦେଙ୍ଗ୍ ତିଲାଜି ଝାର୍ ତାନି ମାଣକୁ ନାଣ୍ଡ
 ଆକ ନିଲ୍‌ଜି ତେବାନାର୍ ମାରି ହାୟ୍, ହାୟ୍ ଇଜି ଇନାର୍ : “ଏସ୍

ବୟଙ୍କାର ! ନିନ୍ଦୁ ଇନିକା ଆୟା ସାନ୍ତିମାନି ପେରିଗାଡ଼ ବାବିଲନ !
ମାତ୍ର ଉଣ୍ଡି ଗୋଣ୍ଡା ଲୋଇ ଇୟାଝାଜା ସାସ୍ତି ପୋୟତି !”

୧୧ ମାରି ଦୁନିଆଦି ବେପାରୀଙ୍କୁ ତାନି ଉଣ୍ଡିଙ୍କ ଆଡ଼ବାଜି ସିନ୍ତା
କିନାର, ଇରିଙ୍କ ମାରି ଏନ୍ ଝାରି ପରନିଜିନିସ୍ କଡ଼ଏର,

୧୨ ଝାରି ବାଙ୍ଗାଁରାମ, ଝେଣ୍ଡି, ହିରାକାଲୁ, ମୁଲ୍ଲା, ଝାରି ଇସ୍ତି ଆରାନି
ଆଙ୍ଗ, ସେରଗା ରଙ୍ଗତି ଆଙ୍ଗ ମାରି ଲାଲ୍ ରଙ୍ଗତି ଆଙ୍ଗ; ଝିଜୁ
ପ୍ରକାରତି ଛନ୍ଦନ ଝେରୁକୁ, ଏନିପାଲ୍‌କୁଦି ଝିଜୁ ପ୍ରକାରତି ଜିନିସ୍‌କୁ,
ନାଣ୍ଡାଦାଦି ମାରାକ୍‌ଦାନ ତିଆରଥାତି ଜିନିସ୍‌କୁ; ପିତଲ୍, ଲୁହା ମାରି
ମର୍ମର କାଲୁ ମାର୍ବଲ୍ ତିଆରକିତି ଝିଜୁ ପ୍ରକାରତି ଜିନିସ୍‌କୁ,

୧୩ ଦାରୁଚିନି, ଆଇଆଇ ମସଲା ଜିନିସ୍‌କୁ, ଦୁପୁଣି, ବାସନାଦି
ଉସାନି ଜିନିସ୍‌କୁ, କୁନ୍ଦୁରୁ, ଅଙ୍ଗୁରରସ, ନିୟୁ, ମଇଦା, ଗଦମୁ, ଡାକୁ,
ମେଣ୍ଡେଙ୍ଗ, ଗଡ଼ା, ରଡ଼, ଇୟାଝାଜା ଚାକରଙ୍କୁ ମାରି ଆମ୍ବାଦୁମାନି
ଲୋକାଙ୍ଗ ବା କଣି ଉଣ୍ଡିଙ୍କ ଏନ୍ କଣିକାନ ସୋଏର ।

୧୪ ବେପାରୀଙ୍କୁ ଝାନିଙ୍କ ଇନାର “ମି ପାଣ୍ଡିତି ପଲ୍ ଝିଜୁ ନେଗି
ଜିନିସ୍‌କୁ ଆକ ଆତାମାନାଡ଼ ମାରି ମି ଦନ୍‌ସମ୍ପତିଦିଙ୍କ ଆକ ଅସି ନାସ୍
ଆତାମାନାଡ଼, ମାରି ଏସାଙ୍ଗବା ଆୟାଝିଜୁ ଉଦେସ୍ ପୁଟଏଡ଼ ।”

୧୫ ଆମା ବେପାରୀଙ୍କୁ ଆୟା ଗାଡ଼ଦୁ ବେପାର କିଜି ଦନି
ଆତାମାର୍ହାର, ଝାର ତାନି ଦୁଃକ୍‌ବୋଗଦୁ ମିସାଦେଙ୍ଗ ତିଲାଜି ନାଣ୍ଡ
ଆକ ନିଲିଜି ତେବାନାର ।

୧୬ ଝାର ଆଡ଼ବାଜି ଇନାର, “ହାୟ ! ପେରିଗାଡ଼ଦି ଅବସ୍ଥା
ଇଲେଇ ଏସା ବୟଙ୍କାର, ଏସା ଚିନ୍ତାଦି ବିସୟ ! ଝାନ ଇସ୍ତି ଆଙ୍ଗ,
ସେରଗା ରଙ୍ଗତି ମାରି ଲାଲ୍ ରଙ୍ଗତି ଆଙ୍ଗ ଆରାତା ମାର୍ହାଡ଼, ମାରି
ବାଙ୍ଗାଁରାମ, ହିରାକାଲୁ ମାରି ମୁଲ୍ଲାଦାନ ପୁରା ଆରାତା ମାର୍ହାଡ଼ ।

୧୭ ମାତର ଉଣ୍ଡି ଗନ୍‌ଟା ଲୋଇ ଝାଦ ଇୟାଝିଜୁ ସମ୍ପତି
ହାରାକିତାଡ଼ !” ଜାହାଜ୍‌ଦି ପେରିକାନ, ସୋନିକାର, ଡଙ୍ଗାସାଲାକିନି
ଲୋକୁ ମାରି ସାମ୍ବାଦୁରଡ଼ ବେପାରକିନିକାର ନାଣ୍ଡ ଆକ ନିରଥାର ।

୧୮ ମାରି କାସ୍‌ସିମାନି ଗାଡ଼ତି ଗୋଇ ସୁଡ଼ୁଜି ଇର୍ହାର, “ଇୟା
ପେରିଗାଡ଼ତି ଝାଜା ମାରି ଆମା ଗାଡ଼୍‌ସିଲେତାଡ଼ ।”

୧୯ ଝାର ତାଲା ମୁସୁକୁ ଦୁଡ଼ି ଝାକ୍‌ସି ଆଡ଼ବାଜି ଇର୍ହାର, “ଏସା ନାଣ୍ଡ

ବୟଙ୍କାର ! ଗାଡ଼ ଇକା ଏସ ଦୁଃକ କାସୁ ! ସାମ୍ବୁରୁତୁ ସୋଲ୍‌ସିମାନି
ଏରୁଜାହାଜକୁ ତାନି ଦନ୍‌ତାନ ଦନ୍‌ ଆତାମାରୁଆର୍ ! ମାତର୍ ଉଣ୍ଡି
ଗନ୍‌ଟା ଲୋଇ ଆୟାକା ଦଂସ ଆତାମାନାଡ଼ !”

୨୦ ଏ ମୁସକୁପୁରୁଦି ଲୋକୁ ! ଆୟାକା ଦଂସ ଆତିମାନିଙ୍ ଖେଡ଼ିକା
କିଦୁ । ଏ ସାଦୁଲୋକୁ; ପ୍ରେରିତ ସିସୁର ମାରି ବାବବାଦିରି ! ଖେଡ଼ିକା
କିଦୁ, ଇରିଙ୍ ମି ଉଣ୍ଡିଙ୍ ଖାଦ୍ ଏମେକା କିତାମାରାଡ଼, ଆୟାଉଣ୍ଡିଙ୍
ମାପୁରୁ ତାନିଙ୍ ଦଣ୍ଡୁ ସିତାମାନାନ୍ ।

୨୧ ତାନିଝେନ୍‌କା ଅରେନ୍ ନାଣ୍ଡୁ ସାକ୍ରିଦି ଦୁଡ଼ ଜାତାକାଲୁଦି ଖାଜା
ଉଣ୍ଡି କାଲୁ ଅସି ସାମ୍ବୁରୁତୁ ପୋକ୍‌ତାନ୍ ମାରି ଇର୍ହାନ୍, “ପେରିଗାଡ଼,
ବାବିଲନ୍ ଇୟାଖାଜା ପୋକାଲ ଆନାଡ଼ ମାରି ତାନିଙ୍ ମାରି ଏନ୍
ଏସାଙ୍ ବା ସୁଡ଼ୁଦେଙ୍ ଆର୍‌ଏର୍‌ନି ।

୨୨ ଇନି ଟଇଲା, ଇନି ପାଟାପାରିନିକାନ୍, ପିରଡ଼ି ମାରି ବାଜାମରି
ଏସାଙ୍ ମାରି ନି ମାଣ୍‌କୁ ଝେନ୍‌ଡ୍ରେଙ୍ ଆଏଡ଼ । ଆମା ଡିଆର୍‌କିନିକାନ୍
ନି ମାଣ୍‌କୁ ମାରି ତରାୟୁଆଏଡ଼; ମାରି ଜାତା କାଲୁଦି ଆଉଲି ବା
ଝେନ୍‌ଡ୍ରେଙ୍ ଆଏଡ଼ ।

୨୩ ନି ମାଣ୍‌କୁ ଏସାଙ୍ ଦିଝା କାସଏଡ଼; ମାରି କାନ୍ୟାମୁରୁଲିଦି
ଆଉଲି ଝେନାଜଆଏଡ଼ । ଇରିଙ୍ ନି ବେପାର୍‌କୁ ଦୁନିଆଦୁ ନାଣ୍ଡୁସାକ୍ରି
ଆତାମାର୍‌ହାନ୍ ନି ବେମ୍‌ରିଦାନ୍ ନିନ୍ ଦୁନିଆଦି ଝିଜେରିଙ୍ ବାୟାକିଜି
ଆସଡ଼ିମାହ୍ ।”

୨୪ ମାରି ଇୟା ଗାଡ଼ତୁ ଦୁନିଆଦି ନାଣ୍ଡୁ ବାବବାଦିର୍ ମାରି ସାଦୁର୍
ସାତାମାର୍‌ହାନ୍ । ଇୟାଞ୍ଜି ପାପ୍‌ଦି ଉଣ୍ଡିଙ୍ ଖାଦ୍ ସାନିନାନି ଦଣ୍ଡୁ
ପୋଇତାଡ଼ ।

୧୯

ମୁସକୁପୁରୁତୁ ଖେଡ଼ିକା

୧ ତେନିଝେନ୍‌କା ନାନୁ ଆମାକା ଝେର୍‌ଆ, ଆକା ମୁସକୁପୁରୁତୁ
ଉଣ୍ଡି ପୁରାନାଣ୍ଡ ଲୋକୁଦି ଆଉଲି ଖାଜା ମନେଆଜିମାରାଡ଼ । ଖାର୍
ଇଜିମାର୍‌ହାନ୍, “ମାପୁରୁକୁ ପ୍ରସଂସା କିଦୁ । ମା ମାପୁରୁ ରକ୍‌ୟା,
ଗୌରବ୍ ମାରି ସାକ୍ରିଦି ଅଦିକାରି ।

୨ ଖାନି ବିଚାର ସତ୍ତ୍ୱ ମାରି ନ୍ୟାୟତିକା; ଆମା ପେରି ଦାରିପାଣି ନିଜେଦି ଦାରିପାଣିଦାନ ଦୁନିଆଦିଙ୍କ ନାସ୍ତୁ କିତାମାହାତ୍, ଖାନି ଖାନିଙ୍କ ଦଣ୍ଡ ସିଜି ନିଜେଦି ଦାସରି ନେତେରତି ବାଦ୍ ଖାନିମାଣକୁ ଅତାମାନାର ।”

୩ ନାନୁ ଖେରରା, ଖାର ମାରି ପେରିଆଉଲିଦାନ ଇଜିନାର, “ମାପୁରୁଦି ପ୍ରସଂସା ପାଟାକିଦୁ । ଆୟା ପେରିଗାଡ଼ତିଙ୍କ ଦଂସ କିଜି ସିଜିମାନି ସିସୁଦି ଗୋଇ ଖିଜୁଦିନ୍ ମୁସୁକୁ ନିଙ୍ଗିମାନାତ୍ ।”

୪ ସିଂହାସନ୍ଦୁ ବାସ୍ତିମାନି ମାପୁରୁଦି ଆଗଡ଼ି ୨୪ ଲୋକୁ ପେରିନେତାର ମାରି ଆୟା ନାଲିଗି ଦୁଡ଼କୁ ବୁମିଦୁ ମାଡ଼ିସିକିଜି ମାପୁରୁଦି ଆରାଦନା କିତାର । ଖାର ଇର୍ହାର, “ଆମେନ୍ ! ମାପୁରୁଦି ପ୍ରସଂସା କିଦୁ ।”

ମେଷସାବକଦି ପେଡ଼ି ବଜି

୫ ତାନିଝେନ୍‌କା ସିଂହାସନ୍‌ଦାନ ଉଣ୍ଡି ମାଟା ଖାତାତ୍ । “ମାପୁରୁଦି ପ୍ରସଂସା କିଦୁ । ଏସ ପେରିକାନ, ଏସ ଲୋକୁ, ମାପୁରୁଦି ସେବାକିନିକାର ମାରି ପାର୍ତ୍ତାନା କିନିକାର ଖିଜେରେ ଖାନି ପ୍ରସଂସା କିଦୁ ।”

୬ ଆୟା ବେଡ଼ାଦୁ ନାନୁ ଖେରରା ସାମୁଦୁର ଆଉଲି ମାରି ବାଦଡ଼ ଆଉଲିଦି ଖାଲେ ନାଣ୍ଡ ଲୋକାଦି ଆଉଲି ଖାଜିନାତ୍ । ଲୋକୁ ମାରି ପ୍ରସଂସା କିଜି ଇଜିନାର, “ମାପୁରୁଦି ପ୍ରସଂସା କିଦୁ, ଇରିଙ୍କ ମା ମାପୁରୁ ସର୍ବସାକ୍ତିମାନ ମାପୁରୁ, ଖାନିନେ କେବଲ୍ ମା ରାଜା ।

୭ ରାଦୁ, ଖେଡ଼ିକାଦୁ ଖେଡ଼ିକା କିନାର, ଖାନି ଗୌରବ୍ ପ୍ରସଂସା କିନାର । ମେଷସାବକଦି ପେଡ଼ି ବଜି ଇଗା ଖାତାତ୍‌ନି, ଖାନି କାନ୍ୟା ଆୟାଉଣ୍ଡିଙ୍କ ନିଜେଦିଙ୍କ ତିଆର କିତାମାନାନ ।

୮ ଖାନି ଆରାନି ଉଣ୍ଡିଙ୍କ ଖାନ ଅଡ଼ିନିକା ନି ନେରିକା ଅଡ଼ିନିଆଙ୍ଗ ପୋଇତାମାନାନ ।” ସାଦୁରି ନେରିପାଣି ଆଜିନାତ୍, ଆୟା ଅଡ଼ିନିଆଙ୍ଗ ।

୯ ନାସ୍ତିଖାଲେ ମୁସୁକୁପୁର ଦୁଡ଼ ନାଙ୍ଗ ଇର୍ହାର, “ରାସସୋ ଇଡ଼ଦୁ, ଆମାକାର ମେଷସାବକଦି ପେଡ଼ି ବୋଜିଦୁ କୁକାତାମାନାର,

ଝାର କାର୍ମୁଦିକାର ।” ଝାନ ମାରି ବା ଇର୍ହାନ “ଇକା ମାପୁରୁଦି କାରୁର୍ ଇକା ପୁରା ସତ୍ ।”

୧୦ ଆୟା ଦୁଡ଼ତିଙ୍ଗ ପୁଜାକିନି ଉଣ୍ଡିଙ୍ଗ ନାନୁ ଝାନି କାଲ୍‌କା ଆଡ଼ଗି ମାଡ଼ିସିକିତା । ମାତର୍ ଝାନ ନାଙ୍ଗ ଇର୍ଆନ୍, “ଆୟାଝାଜା କିମାଟ୍ । ମି ଝାଜା ମାରି ମି ତଡ଼ାନକା ଝାଜା ନାନୁ ମାପୁରୁଦି ଅରେନ୍ ଦାସ ମାତ୍ । ମି ଝାଜା ନାନୁ ବା ଜିସୁ ଝେର୍ଡିମାନି ସଡ଼ତିଙ୍ଗ ମାନାତାମାନା । କେବଲ୍ ମାପୁରୁଦି ପୁଜା କିଦୁ । କେବଲ୍ ଜିସୁ ଝେର୍ଡିମାନି ସାକ୍ୟ ସଡ଼, ଭାବଭାଦିରି ମାଣାନକୁ ସିକିୟା ସିଦୁ ।”

ଅଡ଼ିନି ଗଡ଼ା ସାଲାକିନିକାନ୍

୧୧ ତାନିଝେନ୍‌କା ନାନୁ ସୁଡ଼ଡ଼ା, ମୁସକୁପୁରତି ସେରଲା ରେଆତାଡ଼ ମାରି ଆବେନ୍ ଉନ୍‌ଡ଼ି ଅଡ଼ିନି ଗଡ଼ା । ତାନିଙ୍ଗ ସାଲାକିନିକାନ୍ ବିସ୍‌ବାସତିକାନ୍ ମାରି ସଡ଼ତି ଦରୁଦାନ୍ ଜାଣାସିନା । ଝାନି ବିଚାର ନ୍ୟାୟତିକା ମାରି ଝାନ ଦାର୍ମୁଜୁଦଦୁ ମିସାନାନ୍ ।

୧୨ ଝାନି କାଣ୍ଡକୁ ସିସୁଡ଼ିବୁ ଝାଜା ମାରି ଝାନି ତାଲାଦୁ ନାଣ୍ଡ ମୁକୁଟକୁ ମାରେଏ । ଝାନି ମୁସକୁ ଉନ୍‌ଡ଼ି ଦରୁ ରାସାତାମାରାଡ଼, ମାତର୍ ଆକା ଇନିକା, ଝାନିଙ୍ଗ ଡ଼ିସତିଙ୍ଗ ମାରି ଏନ୍ ନେସଏନ୍ ।

୧୩ ଝାନ ଆରାତିମାନି ଆଙ୍ଗ ନେତେର୍ ଆତାମାରାଡ଼ । ଝାନ “ମାପୁରୁଦି ବାକ୍ୟ” ଇଜି ଝିଙ୍ଗ ତାନ୍ ।

୧୪ ମୁସକୁପୁରତି ସୌନ୍‌ୟଦଲ୍, ନେଗିକାର୍, ଅଡ଼ିନିକା, ଅଡ଼ିନିଆଙ୍ଗ ଆରାଜି, ଅଡ଼ିନି ଗଡ଼ାମୁସକୁ ଏକ୍‌ସି ଝାନି ଝେନ୍‌କା ସଲିସ୍‌ମାରଆର୍ ।

୧୫ ଝାନି ଝେନ୍‌ଦାନ୍ ଉନ୍‌ଡ଼ି ଦାରାଦି କାଣ୍ଡା ସୋସିମାରାଡ଼ । ତାନି ସାହାଜ୍ୟଦାନ୍ ଝାନ ଦୁନିଆଦି ଝିଜୁ ଜାତିଦିଙ୍ଗ ସାପିସ୍ କିନାନ୍ । ମାରି ଝାରିଙ୍ଗ ଝାଦ୍ ଲୁଝା ଦଣ୍ଡତାନ୍ ସାସନ୍ କିନାନ୍ ମାରି ସର୍ବସାକ୍ତିମାନ୍ ମାପୁରୁଦି ନାଣ୍ଡରିସାନାନି ଅଙ୍ଗୁରତିଙ୍ଗ ଝାନ ପିର୍‌ନି କୁଣ୍ଡିଦୁ ନିଜେ ପିର୍‌ଜି ଅଙ୍ଗୁରରସ୍ ସୋପ୍‌ନାନ୍ ।

୧୬ ଝାନି ଆଙ୍ଗ ମୁସକୁ ମାରି ଉରୁ ଦେସ୍‌ତାନ୍ ରାସାତାମାରାଡ଼, “ରାଜାରି ରାଜା ମାରି ପ୍ରବୁରି ପ୍ରବୁ ।”

୧୭ ଝିଜୁଦିନ ନାନୁ ସୁଡ଼ତୁ, ମାରି ଅରେନ୍ ମୁସକୁପୁରତି ଦୁଡ଼ ଝେଡ଼ା ମୁସକୁ ନିର୍ଆମାନାନ । ବାଦଡ଼ୁ ଇମିଜିମାନି ଝିଜୁ ପୋଟିଙ୍ଗା ଝାନ ନାଣ୍ଡ ଆଉଲି ଆଜି ଇର୍ହାନ, “ରାଦୁ, ମାପୁରୁଦି ପେରିବଜିଦୁ ସନି ଉଣ୍ଡିଙ୍ଗ ଝିଜୁ ଉନ୍ତେମାନୁ ଆଦୁ ।

୧୮ ରାଜା, ପ୍ରଜା, ସୌନ୍ୟ, ସୋନ୍ୟରିପେରିକାନ, ଗଡ଼ା, ଗଡ଼ା ସାଲାକିନିକାର୍, ପାଣିକିନି ସାକର୍, ମୁକୁଡ଼ାତିକାନ, ପେରିକାନ ମାରି ଇସ୍ତ୍ରାରି ଲୋକା ଝିଜେରି କାଣ୍ଡା ଝାଜି ତିନ୍ତୁ ।”

୧୯ ତାନିଝେନ୍‌କା ନାନୁ ସୁଡ଼ତୁ, ଆୟା ଗଡ଼ା ସାଲାକିନିକାନ ମାରି ଝାରି ସୌନ୍ୟଦଲ୍‌ତି ବିରୁଦ୍‌ତାନ ଜୁଦକିନି ଉଣ୍ଡିଙ୍ଗ ଆୟା ପସୁ ମାରି ଦୁନିଆଦି ଝିଜେରେ ରାଜାର୍ ମାରି ଝାରି ସୌନ୍ୟଦଲ୍ ଏକଜୁର୍ ଆତାର ।

୨୦ ଆୟା ଜୁଦଦୁ ପସୁ ମାରି ଆୟା ଆଗଡ଼ି କାବାଆନି ପାଣି କିଜିମାନି ଆୟା ବଣ୍ଡବାବବାଦି ଦାରାପଡ଼ାଜି ତରାତାନ । ଏମେଝାରିମାନୁ ପସୁଦି ସିନା ମାର୍‌ଆଡ଼ ମାରି ଏମେକାର୍ ତାନି ବମାଦିଙ୍ଗ ପୁଜା କିଜିମାର୍‌ଆର୍ । ପସୁ ତାନି କାବା ଆନିପାଣିଦାନ ଝାରିଙ୍ଗ ବେମ୍‌ରି କିଜିମାର୍‌ଆଡ଼ ପସୁ ମାରି ଆୟା ବଣ୍ଡବାବବାଦି ଗନ୍ଧକ କାସ୍‌ସିମାନି ସିସୁଦି ସାମ୍‌ଦୁର୍‌ଦୁ ଜିବନ୍‌ତାନ ପୋକାୟ୍‌ ଆତାନ ।

୨୧ ମାରି ଝାରି ସୌନ୍ୟଦଲ୍ ଗଡ଼ା ସାଲାକିନିକାର୍ ଝେୟ୍‌ଦାନ ସୋସିମାନି କାଣ୍ଡାଦାନ ସାତାର୍; ଆବେନ୍‌ ବାଦଡ଼ି ପୋଟିଙ୍ଗ ଝାରି କାଣ୍ଡା ତିନିଜି ପଟା ପାଜିତେ ।

୨୦

୧୦୦୦ ବାର୍‌ସେକ୍‌ତି ସାସନ୍

୧ ତାନି ଝେନ୍‌କା ନାନୁ ମାରି ଅରେଡ଼ ମୁସକୁପୁର୍ ଦୁଡ଼ତିଙ୍ଗ ମୁକୁପୁରତାନ ରେତାଜି ଝାନିକା ସୁଡ଼ତୁ । ଝାନି କିୟୁଦୁ ପାତାଲ୍‌ପୁର୍‌ଦି କୁସିକାଣ୍ଡି ମାରି ଉଣ୍ଡି ବଜୁଦି ସିକ୍‌ଣି ମାରାଡ଼ ।

୨ ଝାଦ୍ ଆୟା ପ୍ରାତିନ୍ ସାରାସ୍, ଆୟା ତାଗ୍‌ଲ୍ ସୟତାନ୍‌ତିଙ୍ଗ ଆସ୍‌ସି ୧,୦୦୦ ବାର୍‌ସେକ୍‌ ସାଦି ସିକ୍‌ଣିଦାନ୍ ତୋର୍‌ତା ମାର୍‌ହାଡ଼ ।

୩ ମାରି ପାତାଲ୍‌କୁଣ୍ଡିଦୁ ପୋକ୍‌ସି ଆୟାତାନି ସେର୍‌ଲା କେର୍‌ତାଡ଼ ମାରି ସେର୍‌ଲା ଦେସ୍‌ତିଙ୍ଗ ସିଲ୍ କିତାଡ଼ । ହଜାର୍ ବାର୍‌ସେକ୍ ଜିଶାଲ୍

ସାହି ଖାଦ୍ ମାରି ଏମେ ଦେସ୍ତି ଲୋକାଙ୍ ବାୟାକିଦେଙ୍ ଆଚେତ୍ତନି । ଟିକ୍ ବେଡ଼ା ଇଗା ଖାତିଙ୍, ତାନିଙ୍ ଏସ ବେଡ଼ା ଉଣ୍ଟିଙ୍ ମାରି ଉଣ୍ଟି ଦେବା ମୁକୁଡ଼ାକିନାର ।

୪ ତାନିଝେନ୍‌କା ନାନୁ ସୁଡ଼ତୁ ଏସ ସିଂହାସନ୍ ମାରି ଆୟାଞ୍ଜାନିକାଙ୍ ବାସ୍ତିମାନି ଲୋକା ବିଚାର୍ କିଦେଙ୍ ଅଦିକାର୍ ସିଆୟାଆତାମାନାନ । ମାରି ବା ନାନୁ ସୁଡ଼ତୁ, ଏସ ଲୋକା ସାତିଞ୍ଜାରି ଆମ୍ । ଜିସୁଦି ଝେରତିମାନି ସଡ଼ ମାରି ମାପୁରୁଦି ବାକ୍ୟ ପ୍ରଚାର୍ କିତିମାନିଙ୍ ଆୟା ଲୋକୁ ସାନିଦଣ୍ ପୋଇତା ମାର୍ହାର୍ । ଖାର ପସୁଦିଙ୍ ନି ତାନି ବମାଦିଙ୍ ପୁଜା କିଏରମାର୍ହାର୍, ମାରି କାପାଲ୍‌ତୁ ନି କିୟୁଦୁ ପସୁଦି ସିନା ଆସ୍‌ଏର୍ ମାର୍ହାର୍ । କ୍ରିସ୍ତୁଦି ଖାଲେ ୧,୦୦୦ ବାର୍ସେକ୍ ସାସନ୍ କିନି ଉଣ୍ଟିଙ୍ ଖାର ପୁନିଜିବନ୍ ଆତାମାର୍ହାର୍ ।

୫ ଆୟା ୧,୦୦୦ ବାର୍ସେକ୍ ପୁରା ଆଇ ସାହି ଆଇ ଆମା ସାତି ଲୋକ୍‌ଦି ମାରିଡେସି ନିଙ୍ ନିକା ଆଏଡ଼ ମାର୍‌ଆଡ଼ । ଇକା ପାର୍‌ତୁମ୍ ମାରିଡେସି ଜିବନ୍‌ଆଜି ନିଙ୍ କା ।

୬ ସାତି ଲୋକ୍‌ତି ଇୟା ପାର୍‌ତୁମ୍ ମାରିଡେସି ନିଙ୍ ନିମାନୁ ଏମେକାର୍ ମିସାତାମାନାର୍ ଖାର ଏସା କାର୍‌ମୁଦିକାର୍ । ଖାର ଏସ ଝେଡ଼ିକା ! ଖାରିଙ୍ ମାରି ରୁଣ୍ଟି ଦେବେଙ୍ ସାନିକା ପୋଡ଼ାଏଡ଼ନି । ଖାର ମାପୁରୁଦି ମାରି କ୍ରିସ୍ତୁଦି ଜାଜକ ଆଜି କ୍ରିସ୍ତୁଦି ଖାଲେ ୧,୦୦୦ ବାର୍ସେକ୍ ସାହି ସାସନ୍ କିନାର ।

ସୟତାନ୍ତି ସାରାସାରି ଆରାନିକା

୭ ୧,୦୦୦ ବାର୍ସେକ୍ ପୁରା ଆନି ଝେନ୍‌କା ସୟତାନ୍ତିଙ୍ ଜଇଲ୍‌ତାନ୍ ମୁକୁଡ଼ା କିନାର ।

୮ ମାରି ଗୋଗ୍ ମାରି ମାଗୋଗ୍ ଖାଜା ଦୁନିଆଦି ସାରିବେଡ଼ିତି ସାମ୍‌ଦୁରୁତି ବାଲିଗଣ୍ଟି ଖାଜା ଝିଜୁତରିନ୍ ଆଜି ତେବାତିମାନି ଲୋକାଙ୍ ଲେକିସ୍‌ତେଙ୍ ଆର୍‌ଇ ଲୋକାଙ୍ ସୟତାନ୍ ବାୟାକିଜି ଦୁଦକିନି ଉଣ୍ଟିଙ୍ ଏକଜୁର୍ କିନାଡ଼ ।

୯ ଖାର ଦୁନିଆଦି ଝିଜୁ ତରିନ୍ ସଲ୍‌ସି ପ୍ରବୁଦି ସାଦୁରିଙ୍ ମଣ୍ଟଲିଙ୍ ଝିଜୁ ମାରି ମାପୁରୁଦି ଲାଡ଼ତି ଗାଡ଼ତିଙ୍ ଗେରେଆନାର୍ । ମାତର୍ ମୁସ୍କୁପୁରତାନ୍ ସିସୁ ଆରିଜି ଖାରିଙ୍ ଦଂସ କିନାଡ଼

୧୦ ମାରି ଏମେ ଗନ୍ଧକସିସ୍ତୁ କାସ୍‌ସିମାନି ସାମ୍‌ଦୁର୍‌ତୁ ପସ୍ତୁ ନି ବଣ୍ଡବାବବାଦିର୍ ପୋକାତା ମାର୍‌ହାର୍, ବେମ୍‌ରିକିନି ସୟତାନତିଙ୍ଗ୍ ବା ଆବେନ୍‌ ପୋକ୍‌ନାର୍ । ଆବେନ୍‌ ଖାର୍ ଖେଡେ ନାଡା ଜୁର୍‌ ଜୁର୍‌ ସାନ୍‌ କାସ୍‌ ଦୁଃକ୍ ପୋଇଜିମାନାର୍ ।

ସାରାସାରି ବିଚାର୍

୧୧ ତାନିଝେନ୍‌କା ନାନୁ ସୁଡ଼ତୁ, ଅଡିନି ରଙ୍ଗତି ଉଣ୍ଡି ପେରି ସିଂହାସନ୍ ମାରି ତାନି ମୁସ୍‌କୁ ଅରେନ୍ ବାସ୍‌ତା ମାନାନ୍ । ଖାନି ଆଗିଡିରାନ୍ ପୃତିବି ମାରି ବାଦଡ଼ ଉରୁକ୍‌ତେ ମାରି ଖାର୍ ମାରି ସୁଡ଼ତୁଦଙ୍ଗ୍ ଆର୍‌ଏଡାର୍‌ନି ।

୧୨ ତାନିଝେନ୍‌କା ନାନୁ ସୁଡ଼ତୁ, ଏସ ପେରିକା, ଏସ ତାଗ୍‌ଲ ସାତିଲୋକୁ ଝିଜେରେ ସିଂହାସନ୍ ଆଗ୍‌ଡି ନିରାଆମାନାର୍ । ବଇଙ୍ଗ୍‌ଝିଜୁ କୁଡ଼ତାର୍; ଆୟାଝିଜୁ ବଇଙ୍ଗ୍‌ ଲୋଇରାନ୍ ଜିବନ୍ ପୁସ୍ତକ ଦରୁଦି ଉଣ୍ଡି ବଇ ମାରାଡ଼ । ଆୟା ଜିବନ୍ ପୁସ୍ତକତୁ ଲୋକୁ ପାଣିକିତିମାନି ବିସୟତାନ୍ ଏମେ ଝିଜୁ ରାସାତାମାନାଡ଼, ଆୟା ଇସାପ୍‌ତାନ୍ ଖାରି ବିସାର୍‌ଆତାଡ଼ ।

୧୩ ଆୟା ବେଡାଦୁ ସାମ୍‌ଦୁର୍ ଲୋଇ ସାତିମାନି ଲୋକୁ ନିଙ୍ଗ୍‌ଜି ଖାତାର୍ । ସାତିଗୁଟାଦୁ ମାନି ଲୋକୁ ବା ସୋସି ଖାତାର୍ । ଖାର୍ ଝିଜେରେ ନିଜେ ନିଜେଦି ପାଣିକିତି ଇସାପ୍‌ତାନ୍ ବିଚାର୍ ଆତାର୍ ।

୧୪ ତାନିଝେନ୍‌କା ସାନିକା ମାରି ସାନିପାତାଲ୍‌ତି ଆୟା ସିସୁଦି ସାମ୍‌ଦୁର୍‌ତୁ ପୋକ୍‌ତାର୍ । ଇୟା ସିସୁଦି ସାମ୍‌ଦୁର୍ ଆଜିନାଡ଼, ରୁଣ୍ଡି ଦେବେଙ୍ଗ୍ ସାନିକା ।

୧୫ ଆମାଝାରିନ୍‌ ଦରୁ ଜିବନ୍ ପୁସ୍ତକତୁ ରାସାଏଡ଼ ମାର୍‌ହାର୍, ଖାନ୍ ବା ଝିଜେରେ ସିସୁଦି ସାମ୍‌ଦୁର୍‌ତୁ ପୋକାଇ ଆତାର୍ ।

୨୧

ପୁନି ମୁସ୍‌କୁପୁର୍ ନି ପୁନି ଦୁନିଆ

୧ ☆ତେନି ଝେନେକା ନାନୁ ଉଣ୍ଡି ପୁନି ବାଦଡ଼ ମାରି ପୁନି ଦୁନିଆ ସୁଡ଼ତା । ପାଡ଼ିଇ ବାଦଡ଼, ପାଡ଼ିଇ ଦୁନିଆ ମାରି ସାମ୍‌ଦୁର୍‌ ସିଲେତାଡ଼ ।

୨ ☆ମାରି ଉଣ୍ଡି ପବିତ୍ର ଗାଡ଼, ପୁନି ଜିରୁସାଲାମ୍, କାନ୍ୟା ରୁପ୍ତାନ୍ ତିଆର୍ଆଜି ମୁସକୁପୁରଦାନ୍ ମାପୁରୁଦି ଲାକୁଡୁ ଦେସ ମୁସକୁ ରେତାନିକା ସୁଡ଼ୁ ।

୩ ମାରି ମୁସକୁପୁର ସିଂହାସନ୍ତାନ୍ ଉନ୍‌ଣ୍ଡି ମାଟା ଆତାଡ଼, “ଇଲେଇ ମାପୁରୁଦି ଆସା ଲୋକା ମାଡ଼ାନ୍; ଖାନ୍ ଖାରି ସଙ୍ଗତାନ୍ ବାସା କିନାର୍ ମାରି ଖାର୍ ଖାନି ନିଜେଦି ଲୋକୁ ଆନାର୍ । ମାପୁରୁ ଖାରିଖାଲେ ବାସାକିନାର୍ ମାରି ଖାରି ମାପୁରୁ ଆନାର୍ ।

୪ ଖାର୍ ଖାରି କାଣଗାଦି କାଡେରଙ୍ଗୁ ଝିଜୁ ତେଲ୍‌ଜି ସିନାନ୍ । ସାନିକା, ସିନ୍ତା, ଆଡ଼୍‌ବାନିକା ଇରିଙ୍ଗ୍ ନୋପି, ମାରି ଇନିକା ତେବାଏତେନି । ଝିଜୁ ପାଡ଼ିଇ ବିସୟ ମାର୍‌ଗିତାଡ଼ ସରାଡ଼ ।”

୫ ସିଂହାସନ୍ତାନ୍ ମୁସକୁପୁରତି ମାପୁରୁ ଇର୍ହାନ୍, “ହୁଁ, ନାନ୍ ଝିଜୁ ବିସୟ ପୁନିକା କିତାନ୍‌ମାନାନ୍ ।” ମାରି ଖାନ୍ ନାଜି ଆଦେସ୍ ସିତାନ୍, “ଇୟାଝିଜୁ ମାଟା ରାସ୍‌ସ ଇଡୁଦୁ ମାଡର୍ ଇକା ସଡ଼ ମାରି ବିସ୍‌ବାସ୍ ।”

୬ ମାରି ବା ଖାନ୍ ଇର୍ହାନ୍, “ପାଣି ଝିଜିତା ମାନାଡ଼ । ନାନ୍ ପାର୍‌ଡୁମ୍ ନି ସେସ୍ ମାରି ଆଗଡ଼ି ନି ଝେନ୍‌କା । ଏନ୍ ଏରିକି, ଜିବନ୍‌ସିନି ଏରୁ ଲାକୁଡୁ ନାନ୍ ଖାନିଙ୍ଗ୍ ଆରେଦାନ୍ ଉଡ଼୍‌ପିସ୍‌କିଦେଙ୍ଗ୍ ସିନାନ୍ ।

୭ ଏନ୍ ଜିଣାଜି ତେବାନାନ୍, ନାନ୍ ଖାନିଙ୍ଗ୍ ଇୟା ପୁରସ୍କାର୍ ସିନା ନାନ୍ ଖାନି ମାପୁରୁ ଆନା ମାରି ଖାନ୍ ନା ମାରିନ୍ ଆନାନ୍ ।

୮ ମାଡର୍ ବିରୁ, ଅବିସ୍‌ବାସି, କାଡ଼ିନିକାର୍, ଲୋକାଙ୍ଗ୍ ଝେଡ଼ିଇକାର୍ ଦାରିପାଣିକିନିକାର୍ ଗୁଣିଆର୍, ବମା ପୁଜାକିନିକାର୍, ମିଡ଼ ଝେରନି ଝିଜେରେ ତାଗିଇ ଖାରି ଜାଗା ଆଜିନାଡ଼, ଗନ୍ଧକ୍‌ତାନ୍ କାସ୍‌ସିମାନି ସିସୁଗୁଟା ଆବେନ୍ନୁ ଖାର୍ ରିଜାସାନି ଦଣ୍ଡ ପୋଇନାର୍ ।”

ପୁନି ଜିରୁସାଲାମ୍

୯ ସପ୍ତ ସାରାସାରି ମହାମାରି ପୁରା ସପ୍ତ ତୁବାଇ ଆସ୍‌ସିମାନି ସପ୍ତ ଦୁଡ଼ଙ୍ଗ୍ ମାଡ଼ାନ୍ ଅରେନ୍ ନା ଲାକୁଡୁ ଖାଜି ଇର୍‌ଆନ୍, “ରାଦୁ, ମେଷସାବକଦି ଆଡ଼୍‌ସିଙ୍ଗ୍ ତରନା ସିନା ।”

୧୦ ଆବେଦକୁ ଖାନ୍ ନାଙ୍ଗ ଆମ୍ବାଦାନ୍ ଉଣ୍ଡି, ପେରିକା ମାରି ନିରିଇ ଗରନ୍ତୁ ଆସି ଅସି ପବିତ୍ର ଗାଡ଼ ଜିରୁସାଲାମ୍‌ଦିଙ୍ଗ୍ ଡୋରିସ୍ତାନ୍, ଆକା ମୁସ୍କୁପୁର୍ଦାନ୍ ମାପୁରୁ ଲାକୁଡୁ ।

୧୧ ରେତାଜି ଖାଜିମାର୍ହାଡ଼ ମାରି ମାପୁରୁ ଗୌରବ୍ ପୋଇଜି ମାର୍ହାନ୍ ଖାନି ଜାୟ୍ ବେସିନେଗିକା ମଣି ବାଙ୍ଗାଁରାମ୍ ଖାଜା, ନେଗି ଖେଡ଼ାଦିଗଡ଼ା ଖାଜା ।

୧୨ ଇୟାତାନି ଉଡ଼ି ନିରିଇ ଗଡ଼ା ମାର୍ହାଡ଼ । ଇୟା ଗଡ଼ାଦୁ ବାରଗୋଟା ମୁସ୍କୁପୁର୍ଦି ଦୁଡ଼କାମାଣାନ୍ ରକିୟାକିନି ବାରଗୋଟା ସେରଲେଙ୍ଗ୍ ମାରେଏ ମାରି ଆୟା ସେରଲେଙ୍ଗ୍ ମୁସ୍କୁ ଇସ୍ରାଏଲ୍ ଜାତିଦି ବାରଗୋଟା କରୁମ୍‌ତି ଦରକୁ ରାସାତା ମାନାଡ଼ ।

୧୩ ଗଡ଼ାଦି ଓଜୁତରିନ୍ ମୁଣ୍ଡି, ସେରଲେଙ୍ଗ୍ ମାରେଏ : ଆଗଡ଼ି ତରିନ୍ ମୁଣ୍ଡି, ଡେବିରି ତରିନ୍ ମୁଣ୍ଡି, ଉଣି ତରିନ୍ ମୁଣ୍ଡି ମାରି ଖେନ୍‌କା ତରିନ୍ ମୁଣ୍ଡି ।

୧୪ ଗାଡ଼ତି ଇୟା ଗଡ଼ାଦିଙ୍ଗ୍ ବାରଗୋଟା କାଲ୍‌କାଙ୍ଗ୍‌ଦି ଅସାର୍‌ତି ମୁସ୍କୁ ତିଆର୍ ଆତାମାର୍ହାଡ଼ ମାରି ଆୟା ଦାସଗୋଟା ଅସାର୍ ମୁସ୍କୁ ମେଣ୍ଡାପିଲାଦି ବାରଲୋକ୍ ପ୍ରେରିତ ସିସୁରି ଦରକୁ ରାସାତାମାର୍ହାଡ଼ ।

୧୫ ନାଝାଲେ ଖାରଗିଜିମାନି ଦୁଡ଼କା କିୟୁଦୁ ଗାଡ଼ତି, ଗଡ଼ା ମାରି ସେରଲେଙ୍ଗ୍ ଲେକିସ୍‌କିନି ଉଣ୍ଡିଙ୍ଗ୍ ଉଣ୍ଡି ବାଙ୍ଗାଁରାମ୍‌ତି ଲେକିସ୍‌କିନି କାଣ୍ଡି ମାର୍ହାଡ଼ ।

୧୬ ଗାଡ଼ତି ବର୍ଗ୍‌କ୍ଷେତ୍ର ମାରାଡ଼; ତାନି ଲମ୍ବା ମାରି ଅସାର୍ ସାମାନ୍ ମାର୍ହାଡ଼ । ଦୁଡ଼ ତାନି ଲେକିସ୍‌କିନି କାଣ୍ଡିଦାନ୍ ଗାଡ଼ତିଙ୍ଗ୍ ଲେକିସ୍ କିତାଡ଼ । ତାନି ଲମ୍ବା ମାର୍ହାଡ଼ ୨,୪୦୦ କିଲୋମିଟର୍ ମାରି ଅସାର୍ ମାରି ନିରିକା ଲମ୍ବାଦି ଖାଲେ ସାମାନ୍ ମାର୍ହାଡ଼ ।

୧୭ ଦୁଡ଼ ଗଡ଼ାଦି ନିରିକା ବା ଲେକିସ୍‌ତାଡ଼ । ଆକା ୬୦ ମିଟର୍ ମାର୍ହାଡ଼ ।

୧୮ ଆୟା ଗଡ଼ା ଖେଡ଼ାଦି ମଣିଦାନ୍ ତିଆରଆତିକା, ମାରି ଗାଡ଼, ନେଗି କାୟାଦି ଖାଜା ପୁରା ବାଙ୍ଗାଁରାମ୍‌ତାନ୍ ତିଆର୍ ଆତାମାନାଡ଼ ।

୧୯ ଗାଡ଼ତି ସାରିବେଡ଼ିତି ମାନି ଗଡ଼ାଦି ଅସାର୍ ହିରାକାଲ୍‌କାଣି ମଣିଦାନ୍ ତିଆର୍ ଆତାମାରାଡ଼, ପାର୍‌ଡୁମ୍ କୁନାଦିକନାଦୁ ମାରାଡ଼

ହିରାକାଲୁ, ଦୁଇ ନମ୍ବରତୁ ମାର୍ହାତ୍ ନିଲକାନ୍ତ ମଣି, ତିନି ନମ୍ବରତି ବୋଦୁର୍ଯ୍ୟ ମଣି, ଚାର୍ ନମ୍ବରତି ମରକତ ମଣି ।

୨୦ ପାଞ୍ଚ ନମ୍ବରତି ପୁଲକ ମଣି, ସଅ ନମ୍ବରତି ମାଣିକ୍ୟ ମଣି, ସାତ୍ ନମ୍ବରତି ପୁଞ୍ଚୁ ମଣି ଆର୍ ନମ୍ବରତି ଫିରୋଜ ମଣି, ନଅ ନମ୍ବରତି ଗୋମେଦକ ମଣି, ଦାସ୍ ନମ୍ବରତି ଲସୁନିୟ ମଣି, ଏଗାର୍ ନମ୍ବରତି ଇନ୍ଦ୍ରଦନୁ ମଣି, ମାରି ବାର୍ ନମ୍ବରତି ବାସ୍ନାଆନି ମଣି, ମାରେଏ ।

୨୧ ଦାସ୍‌ଗୋଟା ସେରଲା ମାରେଏ, ଦାସ୍‌ଗୋଟା ମୁକ୍ତେଙ୍ଗ୍ ଝିନ୍ଦୁ ସେରଲେଙ୍ଗ୍ ଉଡ୍ଡି ମୁକ୍ତାଦି ତିଆର୍ ଆତେମାରେଏ । ଗାଡ୍‌ତି ସାରି ପୁରା ନେଗି କାୟାଦି ଖାଜା ପୁରାନେଗିକା ବାଙ୍ଗାଁରାମ୍‌ତାନ୍ ଆତାମାନାତ୍ ।

୨୨ ନାନୁ ଗାଡ୍‌ତି ଏମେ ମନ୍ଦିରତିଙ୍ଗ୍ ସୁଡ୍‌ଚୁଦଙ୍ଗ୍ ଆର୍‌ଏତା, ମାତର୍ ନିଜେ ସର୍ବସାକ୍ତିମାନ୍ ମାପୁରୁ ମାରି ମେଣ୍ଡାଗଡ୍‌ତୁ ଖାନି ମନ୍ଦିର୍ ଆନାତ୍ ।

୨୩ ଗାଡ୍‌ତିଙ୍ଗ୍ ଜାୟ୍ କିନି ଉଣ୍ଡିଙ୍ଗ୍ ଝେଡା ବା ଲେଜୁଦି ଜାୟ୍ ସିଲେଡ୍, ମାତର୍ ମାପୁରୁଦି ଗୌରବ୍‌ତାନ୍ ଆକା ଜାୟ୍ ଆଜିନାତ୍ ମାରି ମେଣ୍ଡାଗଡ୍‌ତୁ ଖାନି ଦି'ଖା ଜାୟ୍ ଖାଜା ।

୨୪ ଦୁନିଆଦି ଝିନ୍ଦୁଜାତିଦି ଲୋକାଙ୍ଗ୍ ଖାନି ଜାୟ୍‌ଦୁ ବୁଲାସାଲାକିନାର୍ । ଦେସ୍‌ତି ରାଜାରି ମାନୁ ଖାରି ଦନ୍ ସମ୍ପତ୍ତି ତାସି ସିନାର୍ ।

୨୫ ଗାଡ୍‌ତି ସେରଲେଙ୍ଗ୍ ଝିନ୍ଦୁ ଝିନ୍ଦୁଦିନ୍ ରେଆତାମାନାତ୍ ଆୟାଝିନ୍ଦୁ ଏସାଙ୍ଗ୍ ବା ବୁଲ୍ କିଏରୁନି; ମାତର୍ ଆବେନ୍ଦୁ ଏସାଙ୍ଗ୍ ସିକାଟି ଆଏଡ୍ ।

୨୬ ଝିନ୍ଦୁ ଦେସ୍‌ତୁ କାବାଆନିକା ମାରି ମହିମା ଇୟା ଗାଡ୍‌ତୁ ଖାଜି ଉଣ୍ଡାନାର୍ ।

୨୭ ଇନିକା ତାଗ୍‌ଇ ଜିନିସ୍ ଇବେନ୍ଦୁ ତାସି ରେଏର୍ । ତାଗ୍‌ଇ ପାଣିଦୁ ମାନିକାର୍ ତାଗ୍‌ଇକାର୍ ମାରି ମିଥ୍ୟାବାଦିର୍ ଇୟା ଗାଡ୍‌ତୁ ଡଗ୍‌ସ୍‌ଦେଙ୍ଗ୍ ଆର୍‌ଏର୍ । ଏମେଖାରି ଦରୁ ମେଣ୍ଡାପିଲାଦି ଜିବନ୍ ବଇଦୁ ରାସାତିମାରିଙ୍ଗ୍, କେବଲ ଖାରେଏ ଇୟା ଗାଡ୍‌ତୁ ସନ୍ତେଙ୍ଗ୍ ଆର୍‌ନାର୍ ।

୨୨

୧ ପୁନି ଦୁନିଆଦୁ କାୟାଦି ଖାଜା ନେଗି ଜିବନ୍ ଏରୁଦି ଉଣ୍ଡି ଗାଡା

ଦୁହ ନାଙ୍ଗୁଁ ତରତାତ । ଇୟା ଗାଡ଼ା ମାପୁରୁ ନି ମେଷସାବକତି
ସିଂହାସନଦାନ ସହସି

୨ ମାରି ଗାଡ଼ତି ପେରଜାରି ନାଡ଼ମି ସିଜି ସୋର୍ହାମାହାତ । ଗାଡ଼ାଦି
ରିଆଙ୍ଗାଁ ତରନି ଜିବନ୍ ମାରାନ୍ ମାହାତ । ଆକା ବାର୍ସେକ୍ତି ଝିନ୍ନୁ
ଲେଜକାଙ୍ଗ, ମାରି ବାର୍ସେକ୍ତିଙ୍ଗ୍ ବାର ଦେବେଙ୍ଗ ପଲ୍ ଆସ୍ନାତ
ମାରି ଇୟାତେନି ଆକୁ ଲୋକାଙ୍ଗ ନେଗେନ୍ କିନାତ ।

୩ ମାପୁରୁଦି ଅବିସାପ୍ତି ମାଟା ଏମେ ବିସୟ ଆୟା ଗାଡ଼ତୁ
ସୁଡ଼ୁଦେଙ୍ଗ ପୋୟଇକାନି । ମାପୁରୁ ମାରି ମେଷସାବକତି ରାଜାଗାଦି
ଆୟା ଗାଡ଼ତି ନାଡ଼ମି ତେବାନାତ ମାରି ଆବେନ୍ନୁ ଝାରି ସେବା
କିନିକାର୍ ଝାନି ଆରାଦନା କିନାର୍ !

୪ ଝାର୍ ଝାନି ମୋକମ୍ ସୁଣାର୍ ମାରି ଝାରି କାପାଲ୍ତୁ ଝାରି ଦରୁ
ରାସାନାତ ।

୫ ଆବେନ୍ନୁ ମାରି ନାଡ଼ା ଆଏଡ଼ ମାରି ଦିଝା ବା ଝେଡ଼ାଜାୟ ଝାରିଙ୍ଗ୍
ମାରି ଲୋଡ଼ା ଆଏଡ଼ନି, ଇରିଙ୍ଗ୍ ପ୍ରୁ ମାପୁରୁ ଝାରି ଜାୟ ଆନାନ୍ ମାରି
ଝାର୍ ଜୁଗ୍ ଜୁଗ୍ ସାସନ୍ କିନାର୍ ।

ଜିସୁଦି ମାରିଡ଼େସି ଝାନିକା

୬ ଦୁହ ନାଙ୍ଗୁଁ ଇର୍ହାତ, “ଇୟାଝିନ୍ନୁ କାରୁର୍ ସଡ଼ ନି ଆସାଦିକା
। ଆମା ଆମାକା ବେଗି ଗଟାନାତ, ଆକା ଝାରି ସେବାକିନିଝାରିଙ୍ଗ୍
ଝେରନି ଉଣ୍ଡିଙ୍ଗ୍ ବାବବାଦିରିଙ୍ଗ୍ ଆମ୍ବିକ ରୁଦି ସିଜିମାନି ମାପୁରୁ ଝାନି
ଦୁଡ଼ତିଙ୍ଗ୍ ପୋକ୍ତାମାନାନ୍ ।”

୭ ଜିସୁ ଇଜିନାନ୍, “ଝେନ୍‌ଣୁ ନାନୁ ବେଗି ଝାଜିନା ! ଏମେକାର୍
ଇୟା ବଇଦୁ ଝେଙ୍ଗ୍‌ତିମାନି ବାବବାଣି ଉଣ୍ଡିଙ୍ଗ୍ ମୋନ୍‌ସିଜି
ମାନାନାର୍, ଝାର୍ ଦନ୍‌୧ !”

୮ ନାନୁ ଜୋହନ, ଇୟାଝିନ୍ନୁ ବିସୟ ନିଜେ ଝେରଆମାନା ମାରି
ସୁଡ଼ତୁମାନା । ଇୟାଝିନ୍ନୁ ଝେନିଜି ମାରି ସୁଡ଼ତୁ ଝିସ୍ତି ଝେନକା, ଏମେ
ଦୁହ ନା ଲାକୁତୁ ଆକା ଝିକିତାତ, ନାନୁ ଝାନି କାଲ୍‌କା ଆଡ଼ିଗି ଝାନିଙ୍ଗ୍
ପୁଜା କିଦେଙ୍ଗ ସଲ୍‌ସିମାହା ।

୯ ମାତର ଝାନ୍ ଇର୍ହାନ୍, “ଆୟାଝାଜା କିମାଟ୍, ଇରିଙ୍ଗ୍ ନାନୁ ବା ମି
ଝାଜା ଅରେନ୍ । ମି ଏମେ ବାବବାଦି ତଡ଼ାନ୍‌କୁ ମାରି ଆମା ଝିଜେରେ

ଇୟା ବଇଦି ମାଟା ଇସାୟତାନ୍ ମାନାଜି ମାନାର୍, ୱାରି ୱାଜା ନାନୁ ଅରେନ୍ ସେବକ ମାତ୍ର । ମାପୁରୁଦି ଆରାଦନା କିତୁ ।”

୧୦ ୱାଦ୍ ନାଙ୍ଗ୍ ମାରି ଇର୍ହାଡ୍, “ଇୟା ବଇଦି ବବିସ୍ୟତ୍ମାଟା ଝିନ୍ନୁ ଆଡ଼କ୍ସ ଇଡ଼ମାର୍, ଇରିଙ୍ଗ୍ ଇୟାଝିନ୍ନୁ ବିସୟ୍ ଗଟେଆନି ବେଡ଼ା ଲାକୁତୁ ଆଜିଝାତାଦନି ।

୧୧ ଆଦେଙ୍ଗ୍ ଇୟା ମାଟା ନେସ୍ୟି ଏନ୍ ଏମେକା ବଦା, ଆକା କିପିନ୍ । ଅଦାମ୍ ଜଦି ବଦାକିନାନ୍, ମାରି ଅଦାମ୍ପାଣି କିପିନ୍; ଅସୁଟି ଲୋକ୍ ଅସୁଟିଆଜି ମାନିନ୍; ମାତର୍ ଏନ୍ ନେଗିକାନ୍, ୱାନ୍ ନେଗିପାଣିଦୁ ନେଗେନ୍ ମାନିନ୍; ଏନ୍ ପବିତ୍ର, ୱାନ୍ ପବିତ୍ର ଆଜି ମାନିନ୍ ।”

୧୨ ଜିସୁ ଇଜିନାନ୍, “ଝେନ୍‌ଶ୍ଟୁ ନାନୁ ବେଗି ୱାଜିନା ! ଝିଜେରିଙ୍ଗ୍ ନିଜେ ନିଜେଦି ପାଣି ଇସାୟତାନ୍ ପଲ୍ ସିନି ଉଣ୍ଡିଙ୍ଗ୍ ନାନୁ ପୁରସ୍ସାର୍ ଆସ୍ୟି ୱାଜା ।

୧୩ ☆ ନାନୁ ଆଗିଡ଼ି ମାରି ଝେନେକା, ପାରୁଡୁମ୍ ମାରି ସାରାସାରି ।”

୧୪ ଏମେକାର୍ ନିଜେ ନିଜେଦି ଆଙ୍ଗ୍ ନର୍ବାଜି ନେଗେନ୍ କିତାମାନାର୍, ୱାର୍ ବାଗ୍ୟବାନ୍ । ଜିବନ୍ ମାରାତି ପଲ୍ ତିନ୍ତେଙ୍ଗ୍ ମାରି ସେର୍ଲା ସିଜି ଗାଡ଼୍ ଲୋଇ ଡଗୁଦେଙ୍ଗ୍ ଇଜି ୱାରି ଅଦିକାର୍ ମାନାଡ଼ ।

୧୫ ନୁକୁଡିଙ୍ଗ୍ ମାତର୍ ତାଗ୍‌ଇକାର୍, ତନ୍ତୁମନ୍ତୁ ଜାଦୁକିନିକାର୍, ଲୋକାଙ୍ଗ୍ ସାପସ୍‌କିନିକାର୍, ଦିୟାମ୍‌ପୁଜାକିନିକାର୍, ବାଣ୍ଡିସ୍‌କିନିକାର୍, ଟକେକିନିକାର୍ ଝିନ୍ନୁ ତାଗିଇ ଲୋକ୍ ଝିଜେରେ ଗାଡ଼ି ଆଡ଼ରେ ତେବାନାର୍ ।

୧୬ “ନାନ୍ ଜିସୁ । ମଣ୍ଡଲିଙ୍ଗ୍ ମି ନେଗି ତାନିଙ୍ଗ୍ ଇୟାଝିନ୍ନୁ ବିସୟ୍ ସାକ୍ୟ ସିନି ଉଣ୍ଡିଙ୍ଗ୍ ନା ଦୁଡ଼ିଙ୍ଗ୍ ପୋକ୍‌ତାମାନା । ନାନୁ ଦାଉଦଦି କୁଟୁମ୍‌ତିକାନ୍ । ନାନୁ ଆୟା ଜାୟତି ଝିଗାପି ସୁକା ।”

୧୭ ପବିତ୍ରଆମ୍ ମାରି ଆୟା ପୁନିକାନ୍ୟା ଇଜିନେ “ରାଦୁ !” ଝେନିଲୋକୁ ଝିଜେରେ ବା ଇନାର୍ : “ରାଦୁ !” ଏନ୍ ଜଦି ଏରିକିସାନାନ୍, ୱାନ୍ ରାପିନ୍ । ଜିବନ୍‌ସିନି ଏରୁ ଉଣ୍ଡେଙ୍ଗ୍ ଏନ୍ ଇଛା କିନାନ୍, ୱାନ୍ ୱାଜି ଆରେଏଦାନ୍ ଆକା ଅପିନ୍ ।

ସାରାସାରି ମାଟା

^{୧୮} ନାନୁ ଜୋହନ । ଏମେକାର ଇୟା ବଇଦି ବବିସ୍ୟଦ୍‌ମାଟା ଖିଜୁ
 ଝେନାର, ଖାରିଙ୍ଗ୍ ନାନୁ ସାକି ସିଜିନା : ଜଦି ଇବେନ୍‌ନ୍ ଏନ୍ ଇନିକା ମିସା
 କିନାନ୍, ଆର୍ଡିଙ୍ଗ୍ ଇୟା ବଇଦୁ ରାସାତିମାନି ମର୍ଡିଦାନ୍ ମାପୁରୁ
 ଖାନିଙ୍ଗ୍ ସାସ୍ତି ସିନାନ୍

^{୧୯} ମାରି ଇୟା ବଇଦି ବବିସ୍ୟଦ୍‌ମାଟାଦାନ୍ ଏନ୍ ଜଦି ଇନି ବାଦା
 କିନାନ୍, ଆର୍ଡିଙ୍ଗ୍ ମାପୁରୁ ଖାନିଙ୍ଗ୍ ଇୟା ବଇଦୁ ରାସାତି ଜିବନ୍
 ମାରାନ୍ତି ପଲ୍‌ତାନ୍ ମାରି ପବିତ୍ର ଗାଡ୍‌ତାନ୍ ପେରନାନ୍ ।

^{୨୦} ଏନ୍ ଇୟାଖିଜୁ ବିସୟ୍‌ତାନ୍ ସାକ୍ୟ ସିଜିନାନ୍, ଖାନ୍ ଇଜିନାନ୍,
 “ଇକା ସଡ୍ । ନାନୁ ବେଗି ଖାଜିନା ।” ଆକାନେ ଆପିଡ୍ । ପ୍ରୁ ଜିସୁ,
 ରାପିନ୍ !

^{୨୧} ପ୍ରୁ ଜିସୁଦି ଦୟା ଖିଜେରି ମୁସୁକୁ ଆପିଡ୍ । ଆମେନ୍ ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a